


ଧୂର୍ବଳ

ସୁଖ ପ୍ରମେୟ

ରାଜବିନ୍ଦୁଯାଃ୨୨



## বিষ্ণুবিজ্ঞাসংগ্ৰহ

। ১৩৫০ ।

১. সাহিত্যের কল্প : ব্ৰহ্মীজ্ঞনাথ ঠাকুৱা
২. কুটিৱশিষ্ঠ : শ্ৰীরাজশেখৰ বশু
৩. ভাৱতেৱ সংক্ষিতি : শ্ৰিক্রিতিমোহন সেন শাস্ত্ৰী
৪. বাংলাৱ ব্ৰত : শ্ৰীঅবনীজ্ঞনাথ ঠাকুৱা
৫. অগদীশচন্দ্ৰেৱ আৰিকাৰ : শ্ৰীচক্ৰচন্দ্ৰ ভট্টাচাৰ্য
৬. মাঘাবাদ : মহামহোপাধ্যায় শ্ৰীপ্ৰমথনাথ তক্তুৰণ
৭. ভাৱতেৱ খনিঙ্গ : শ্ৰীরাজশেখৰ বশু
৮. বিশ্বেৱ উপাদান : শ্ৰীচক্ৰচন্দ্ৰ ভট্টাচাৰ্য
৯. হিমু রসায়নী বিষ্ণা : আচাৰ্য প্ৰফুল্লচন্দ্ৰ রায়
১০. মক্ষত-পৱিচয় : অধ্যাপক শ্ৰীপ্ৰমথনাথ সেনগুপ্ত
১১. শাৰীৱবৃত্ত : ডক্টৱ কুন্দেজ্ঞকুমাৱ পাল
১২. শোচীন বাংলা ও বাঙালী : ডক্টৱ শৰ্কুমাৱ সেন
১৩. বিজ্ঞান ও বিশ্বজগৎ : অধ্যাপক শ্ৰীপ্ৰিয়দাৱঞ্জন রায়
১৪. আযুৰ্বেদ-পৱিচয় : মহামহোপাধ্যায় শ্ৰীগণনাথ সেন
১৫. বঙ্গীয় নাটাশালা : শ্ৰীব্ৰজেজ্ঞনাথ বন্দেয়োপাধ্যায়
১৬. মঞ্জন-জ্বল্য : ডক্টৱ দুঃখহৱণ চক্ৰবৰ্তী
১৭. জমি ও চাষ : ডক্টৱ সত্যপ্ৰেসাদ রায় চৌধুৱী
১৮. মুকোত্তৱ বাংলাৱ কৃষি-শিল্প : ডক্টৱ মুহূৰ্ত মুদ্ৰণ-এ-খুলা

। ১৩৫১ ।

১৯. রায়তেৱ কথা : শ্ৰীপ্ৰমথ চৌধুৱী
২০. জমিৱ মালিক : শ্ৰীঅতুলচন্দ্ৰ গুপ্ত
২১. বাংলাৱ চাৰী : শ্ৰীশাস্ত্ৰিপ্ৰিয় বশু
২২. বাংলাৱ রায়ত ও জমিদাৱ : ডক্টৱ শচীন সেন
২৩. আমাদেৱ শিক্ষাৰ্ব্যবহৃতা : অধ্যাপক শ্ৰীঅনাথনাথ বশু
২৪. দৰ্শনেৱ কল্প ও অভিব্যক্তি : শ্ৰীউমেশচন্দ্ৰ ভট্টাচাৰ্য
২৫. বেদোত্ত-দৰ্শন : ডক্টৱ রমা চৌধুৱী
২৬. যোগ-পৱিচয় : ডক্টৱ মহেজ্ঞনাথ সৱকাৱ
২৭. রসায়নেৱ ব্যৱহাৱ : ডক্টৱ সৰ্বাণীমহায় গুহ সৱকাৱ
২৮. রমনেৱ আৰিকাৰ : ডক্টৱ অগন্নাথ গুপ্ত
২৯. ভাৱতেৱ ঘনজ : শ্ৰীসত্যেজ্ঞকুমাৱ বশু
৩০. ভাৱতবৰ্ষেৱ অৰ্থনৈতিক ইতিহাস : রমেশচন্দ্ৰ দত্ত
৩১. ধনবিজ্ঞান : অধ্যাপক শ্ৰীভবতোষ দত্ত

# ଶ୍ରୀରାଜୋଳ

ଶ୍ରୀରାଜୋଳ

ବିଷୟ ମାରଣି

ପ୍ରକାଶନ ମାରଣି

ବିଶ୍ୱଭାରତୀ ଏଞ୍ଚାଲୟ  
୨ ବର୍ଷିକା ଚାତୁର୍ଜୋ ମୁଦ୍ରାଚ  
କଲିକାତା

প্রকাশক শ্রীপুলিনবিহারী সেন  
বিশ্বভাৰতী, ৬১৩ দ্বাৰকানাথ ঠাকুৱ লেন, কলিকাতা

মূল্য আট আনা

Acc ৫: ৮২২  
২২/২/২০০৬  
২২/২/২০০৬

মুদ্রাকৰ শ্রীদেবেন্দ্রনাথ বাগ  
ব্রহ্ম মিশন প্ৰেস, ২১১ কৰ্ণওয়ালিস স্ট্ৰীট, কলিকাতা

## সূচীপত্র

ভূমিকা	১
অভাব ও চাহিদা	১৩
উৎপাদন ও সরবরাহ	২৮
বিনিয়ন ও মূল্য	৪০
ধনবিভাগ	৫৪
বিবরণ	৬৭



18.9.46.

## প্রথম পরিচেদ

### ভূমিকা

আধুনিক মানুষের জীবনযাত্রায় আর্থিক প্রচেষ্টা অনেকখানি স্থান অধিকার করে আছে। এই প্রচেষ্টা বহুমুখী এবং বহুরূপী। গ্রামের চাষীর কৃষিকার্য, তাতীর তাঁত চালানো, কামারের হাতুড়ি ঠোকা থেকে আরম্ভ করে বিরাট যন্ত্রশিল্প, পৃথিবীব্যাপী বাণিজ্য—সব-কিছুরই প্রধান সার্থকতা ব্যক্তির এবং সমাজের স্বাচ্ছন্দ্যবিধানে। মানুষের অভাব অনেক; সে অভাব মেটাতে গেলে নানারকম কর্মপ্রচেষ্টার প্রয়োজন। এই বিভিন্ন প্রকারের প্রচেষ্টার মূল উদ্দেশ্য এক হওয়াতে সহজেই অনুমান করা নায় যে এগুলির আলোচনা করলে হয়তো সর্বত্র প্রযোজ্য কয়েকটা সাধারণ নিয়ম বার করে নেওয়া যেতে পারে। আপাতবিভিন্ন বহুর মধ্য থেকে সাধারণ নিয়ম বার করে বিজ্ঞান। নানাপ্রকারের জড়পদার্থ গবৰীক্ষা করে এমন কতগুলি সহজ কার্যকারণ সম্বন্ধ খুঁজে পাওয়া যায়, যা সব ক্ষেত্রেই থাটে, যেমন মাধ্যাকর্ণ; যে শাস্ত্র এই কার্যকারণ-সম্বন্ধ প্রতিষ্ঠিত করে তাকে আমরা বলি পদার্থবিজ্ঞান। ঠিক সেইরকম, মানুষের নিজের এবং সমাজের স্বাচ্ছন্দ্যবিধানের জন্ত যে নানারকমের প্রচেষ্টা চারদিকে চলেছে তার মধ্যেও কয়েকটি সহজ কার্যকারণ-সম্বন্ধ খুঁজে পাওয়া যায়; যে আলোচনা দিয়ে এগুলিকে আবিষ্কার করে নেওয়া যায় তার নাম ধনবিজ্ঞান।

ধনবিজ্ঞানের ঠিক বিষয়বস্তুটি কি, মানুষের প্রচেষ্টার পর্যালোচনাকে বিজ্ঞান নাম দেওয়া চলে কি না ইত্যাদি নানাপ্রকারের অনেক বিতর্ক

গত শতাব্দীতে এবং আধুনিক কালে হয়ে গেছে। এসব তর্কের ভিতরে না গিয়েও কয়েকটা সহজ কথা বুঝে নেওয়া যেতে পারে। আমাদের চারদিকে তাকালে প্রথমেই আমাদের চোখে পড়ে যে, কোনো ব্যক্তির নিজের স্বাচ্ছন্দ্যবিধানের চেষ্টার ফলাফল সে নিজে একাই ভোগ করে না, সমাজের উপরেও তার একটা প্রভাব আছে। অবশ্য প্রত্যেকের কাছে তার নিজের স্বার্থটাই বড়, অন্তের উপরে কি প্রভাব হয় সেদিকে লক্ষ্য অনেকেরই থাকে না। চাষী চাষ করে তার নিজের অভাব মোচনের চেষ্টায়, সমাজের উপকার করবে এমন কোনো মহৎ উদ্দেশ্য নিয়ে সে কাজ আরম্ভ করে না। যদি ধান দিয়েই তার সব অভাব মিটত, কিস্বা তার নিজের প্রয়োজনের সব জিনিসই যদি সে নিজেই তৈরি করে নিতে পারত, তবে তার পক্ষে সম্পূর্ণ সমাজনিরপেক্ষ হওয়া সন্তুষ্ট হত। তার স্বাচ্ছন্দ্যপ্রচেষ্টার মধ্যে একদিকে শ্রমের কষ্ট এবং অন্তদিকে শ্রমের ফলে পরিত্থিপ্তি, এ ছাড়া আর কোনো-কিছুরই স্থান থাকত না। কিন্তু, আজকালকার সমাজ শ্রমবিভাগের সমাজ। এমন কেউ আজকাল নেই যে তার নিজের প্রয়োজনের সব জিনিস নিজেই তৈরি করে নেয়, যে কোনো-কিছুর জন্যই অন্ত কারো দ্বারা সন্তুষ্ট হয় না। চাষীর ধানের ফসল তার অভাব মোচন করে গৌণভাবে— ধানের বদলে কাপড় আসে, ধানের বদলেই আসে তেল হুন ইত্যাদি নিত্যপ্রয়োজনের জিনিস। চাষীর অভাবমোচন সন্তুষ্ট হয় এইজন্তে যে তার উৎপন্ন ধান অন্ত অনেকের প্রয়োজন মেটায়; তাঁতী ধানের বদলে কাপড় দিতে রাজি, কামার যদি ধান পায় তবে খুশি হয়েই একটা লাঞ্ছল তৈরি করে দেবে।

'চাষীর' ক্ষেতে যে ধান উৎপন্ন হল তা আরো অনেকের তৃপ্তির কারণ হতে পারে বলেই চাষীর পক্ষে তার নিজের প্রয়োজনের সব জিনিস পাওয়া সন্তুষ্ট হয়। একথা সকলের বেলায়ই থাটে। শ্রমবিভাগের সমাজে

জীবিকা অর্জন করতে গেলে অন্তের অভাবের তৃপ্তিসাধন করতেই হবে। একের ব্যয় থেকেই অন্তের আয়ের উৎপত্তি, এবং ব্যয় লোকে করে তখনই যখন তার কোনো প্রয়োজনীয় জিনিস সে পায়। আমি যদি আয় করতে চাই তবে আমাকে এমন কিছু করতে হবে যাতে অন্তে ব্যয় করে, অর্থাৎ আমার দেওয়া জিনিস বা আমার করা কাজ মূল্য দিয়ে কিনে নেয়। সেটা সম্ভব হবে যদি আমি আমার শ্রম দিয়ে, আমার কাজ দিয়ে, আমার উৎপন্ন জিনিস দিয়ে তাদের কোনোরকমের তৃপ্তিবিধান করতে পারি।

অনেককাল আগে যখন শ্রমবিভাগ এখনকার মত বিস্তৃত ছিল না, তখন অনেকেই নিজেদের প্রয়োজনের অধিকাংশ জিনিস নিজেরাই উৎপন্ন করে নিত, কিন্তু ছোট সমাজ বা গোষ্ঠী গঠন করে স্বয়ংসম্পূর্ণ হবার চেষ্টা করত। গোষ্ঠীর মধ্যে হয়তো একটা সরল শ্রেণীবিভাগ থাকত এবং যেটুকু আদানপ্রদানের প্রয়োজন হত সেটা অন্ন কয়েকজনের মধ্যেই সীমাবদ্ধ থাকত। ক্রমে সমাজের প্রসার বাড়ল, আদানপ্রদানের জটিলতা বেড়ে গেল, শ্রমবিভাগ আগের চেয়ে অনেক বিস্তৃত হয়ে এল এবং জিনিসের বদলে জিনিস বিনিময়ের অঙ্গবিধি দূর করতে গিয়ে অর্থের আবিষ্কার হল। অর্থ জিনিসের মূল্যের পরিমাণ করে এবং প্রত্যেক বিনিময়ে মধ্যস্থতা করে; অর্থের প্রচলনে বিনিময়ের কাজে ধাপের সংখ্যা বাড়ল, কিন্তু মোট কাজটা সহজ হয়ে গেল অনেক। যে সমাজে অর্থ ছিল না, সেখানে চাষীর যদি লাঙ্গল দরকার হত তবে তাকে এমন একজন কামারের খোঁজে বেরতে হত যে ঠিক সেই সময়ে লাঙ্গল দিতে রাজি এবং ধান নিতে রাজি। তা ছাড়া আরো অনেক অঙ্গবিধি ছিল। একটা গরুর বদলে যদি দশ মণ ধান পাওয়া যায় তবে যার গরু আছে সে এক মণ ধানের বদলে কি দেবে? বেগুন চাষ করে চাষী যদি

দেখে তার হাতে উত্তর পাঁচ সের বেগুন রয়ে গেছে তবে সেটাকে সে আগামী বছরের জন্য রাখে কি করে? অজন্মার বছরে প্রতিবেশীকে যদি পাঁচ সের ধান ধার দেওয়া যায় তবে পরের বছরের অজস্র ফসল থেকে কতটুকু পেলে সে ধার আয়সংগত ভাবে শোধ হয়?

এমন অনেক অস্তুবিধার মধ্যে মানুষকে কাটাতে হয়েছে দীর্ঘকাল। তার পরে যখন অর্থের প্রচলন হল তখন এসব অস্তুবিধার অনেকগুলিই অপসৃত হল। চাষীকে এখন আর সোজা কামারের খেঁজে বেরতে হয় না, বাজারে ধান বিক্রি করে যে টাকা পাওয়া যায় তা দিয়েই লাঙল কেনা চলে। এক মণ ধান পেতে হলে গরুটাকে বাজারে বিক্রি করে যে টাকা পাওয়া যায় তার এক-দশমাংশ সহজেই দেওয়া যাবে। পাঁচ সের বেগুন উত্তর থাকলে সেটাকে জমিয়ে না রেখে বেগুন বিক্রির টাকাটা জমানো অনেক সহজ। পাঁচ টাকা ধার নিয়ে পাঁচ টাকা ফেরত দিলে গরমিল বেশি হবে না, কারণ অন্ত জিনিসের চেয়ে অর্থের মূল্যের পরিবর্তন হয় অনেক কম।

অর্থের প্রচলনের পর থেকে মানুষের কর্মপ্রচেষ্টারও পরিবর্তন এসেছে। নিজের স্বাচ্ছন্দ্যবিধানের চেষ্টায় নানারকম দ্রব্য উৎপাদনের চেষ্টা আর কাউকে করতে হয় না; কোনো উপায়ে একটা আর্থিক আয় সৃজন করতে পারলেই আর চিন্তা থাকে না। শ্রমের বিনিময়ে পাওয়া যায় অর্থ, অর্থের বিনিময়ে অন্তের শ্রমের ফল নিজের হাতে আসে। মূলতঃ আগে না ছিল তাই রয়ে গেলেও, কাজের ক্ষেত্রে অনেকটা রূপান্তর এসে গেছে এবং সঙ্গে সঙ্গে স্ববিধাও বেড়েছে বিস্তুর।

আধুনিক মানুষের স্বাচ্ছন্দ্যলাভের চেষ্টার প্রধানতঃ দুটি দিক আছে। প্রথমতঃ নিজের শ্রম বা বুদ্ধি বা উভয়ের বিনিময়ে একটা আর্থিক আয় সৃজন করতে হবে; প্রত্যেকেই চেষ্টা করবে যাতে এই আয়টাকে যথাসম্ভব

বাড়ানো যায়। দ্বিতীয়তঃ আর্থিক আয়কে স্বাচ্ছন্দ্য পরিণত করতে হবে ব্যয়ের ভিতর দিয়ে; এই ব্যয় এমন ভাবে করতে হবে যাতে যথাসন্তুষ্ট বেশি পরিত্থিপূর্ণ পাওয়া যায়। ব্যয়ের পথ অনেক এবং যতই আমরা উৎপাদন বাড়াতে থাকব, ব্যয়ের পছাড় ততই আরো এবং আরো বহুমুখী হতে থাকবে। যদি আমাদের আয় অসীম হত তবে প্রত্যেক জিনিসই আমরা যত খুশি বাবহার করতে পারতাম; পরিত্থিকে পূর্ণতম করে তুলতে পারতাম অনায়াসে। অসীম আয় কারো নেই; অধিকাংশ লোকের আয়ই অল্প, অত্যন্ত অল্প। একদিকে এই অল্প আয় এবং অন্তদিকে অসংখ্য ব্যয়ের পছা, এ দ্রুইয়ের মধ্যে সামঞ্জস্য এনে কি ভাবে ব্যয়ের বণ্টন করলে পরিত্থিপূর্ণ স্বাচ্ছন্দ্য বহুলতম করা যেতে পারে এ সমস্যা প্রত্যেকের জীবনে দিনের পর দিন নৃতন করে দেখা দিচ্ছে।

আমাদের জীবনের সব ক্ষেত্রেই আমরা দেখি যে অনেক কিছু আমরা পেতে চাই, করতে চাই, কিন্তু উপায়ের সংখ্যা কম। অনেক জিনিস কিনে আমাদের আনন্দ বাড়িয়ে তুলতে চাই, কিন্তু যা দিয়ে কিনব তার পরিমাণ অল্প। হয়তো অনেক জিনিস আমরা উৎপন্ন করতে চাই, কিন্তু যা দিয়ে জিনিস তৈরি হয় তার পরিমাণ যথেষ্ট নয়। জিনিস কিনতে গেলে আয় থাকা দরকার। আয় কারোই অসীম নয়, তাই একটা জিনিস কিনলে আর একটা কেনা হয় না; তখন ভাবতে হয় কোন্টা কিনি আর কোন্টা ছাড়ি। জিনিস তৈরি করতে গেলে দরকার জমি, কাঁচামাল, কয়লা, শ্রম, যন্ত্রপাতি ইত্যাদি। এর কোনোটাই অপর্যাপ্ত পরিমাণে পাওয়া যায় না, এবং সেইজন্ত্বেই একটা জিনিস তৈরি করতে গেলে আর একটার অভাব থেকে যায়। যে জমিতে ধান হয় সেখানে পাটও বোনা যায়; এত জমি আমাদের নেই যে পাট ও ধান দুই-ই যথেষ্ট উৎপাদন করতে পারি, তাই পাটের চাষ বাড়াতে গেলে ধানের ঘাটতি পড়ে যায়।

যে লোহা দিয়ে কামান বন্দুক হয় তাই দিয়েই কড়িবরগা, রেল লাইন, পেরেক, সেফটি পিন সব তৈরি হয় ; যুদ্ধের অস্ত্র নির্মাণে যদি বেশি লোহা লাগে তবে ততটা লোহার ঘাটতি পড়ে অগ্নিদিকে—কামান বন্দুকের চাহিদা বাড়লে সেফটি পিনের দাম বাড়ে । এরোপ্লেন চালাতে গিয়ে অনেক পেট্রল যদি লেগে যায় তবে কলকাতার রাস্তায় মোটরগাড়ির সংখ্যা কমতে বাধ্য । ভোগের পছ্ন্য অনেক, উপায় কম ; উৎপাদনের পছ্ন্যও অজস্র, কিন্তু যা দিয়ে উৎপাদন করা যেতে পারে তার কোনোটাই যথেষ্ট পরিমাণে পাওয়া যায় না ।

ধনবিজ্ঞানের মূল সমস্তার উৎপত্তি এইখানে । মানুষের বৈষয়িক জীবনের উদ্দেশ্য তৃপ্তিলাভ, স্বাচ্ছন্দ্যভোগ, সহজ ভাষায় আরামে থাকা । ব্যক্তি হিসাবে প্রত্যেকেরই এই সমস্তার সমাধান করবাব চেষ্টা করতে হয়—কি করে ব্যয়ের অর্থাৎ তৃপ্তিলাভের বহু পথের মঙ্গে নিজের স্বল্প আয়ের সামঞ্জস্য বিধান করা যায়, কোন্ জিনিসটা কিনতেই হবে, কোন্টা ছাড়লেও চলে, যেগুলি কিনতে হবে তার কোন্টা কতখানি পেলে সীমাবদ্ধ আয় থেকে বহুলতম পরিত্পত্তি পাওয়া যাবে ।

যে সমস্তা ব্যক্তির সে সমস্তা সমাজেরও । সমাজের দিক থেকে আমাদের সমস্তা, ধন উৎপাদনের বহু পথের মধ্যে সীমাবদ্ধ পরিমাণে প্রাপ্তব্য উপাদানগুলি কি ভাবে বণ্টিত হলে সব চেয়ে বেশি উপকার হয় । ব্যক্তির সমস্তা সমাধানে একটা সুবিধা এই যে প্রত্যেকে তার নিজের বুদ্ধিবিবেচনা অনুযায়ী ব্যয়ের বা তৃপ্তির পথ বেছে নিতে পারে । সমাজের বেলা সে কথা বলা চলে না । যে ‘আণব’ সমাজে আমরা বাস করি, সে সমাজ ব্যক্তিনামধারী অসংখ্য অণুর সমষ্টি মাত্র ; অসংখ্য ব্যক্তির পৃথক পৃথক বুদ্ধির চালনায় যা হয়ে ওঠে তাই সমাজের অভিজ্ঞতা । প্রত্যেকের বুদ্ধির গরিষ্ঠতম গুণনীয়ক খুঁজে বার করে যদি সে বুদ্ধি দিয়ে সমাজ

চালানো সন্তুষ্টি হ'ত তবে সমস্তা সমাধানের অস্তুতঃ একটা স্বনির্দিষ্ট পথ পাওয়া যেত। আমাদের বর্তমান সমাজে প্রত্যেকে তার নিজের সমস্তা সমাধানে ব্যস্ত— সবস্মুক্ষ যেটা গিয়ে হয়ে দাঢ়ায় সেটা কারো পূর্বচিন্তিত নয়, সেটাকে একটা আকশ্মিক ঘোগফল ছাড়া আর কিছু বলা চলে না। এককালে অর্থনীতিবিদ্রা বলতেন, অসংখ্য লোকের স্বার্থচিন্তার ফলে সমগ্রভাবে যা হয়ে দাঢ়ায় সেটা সকলের স্বার্থেরই অঙ্গকূল। গত পঞ্চাশ বছরের অভিজ্ঞতায় সে বিশ্বাস অবশ্য ভেঙে গেছে। আমরা আজকাল বুঝি যে ব্যক্তিবিশেষ তার নিজের স্বাচ্ছন্দ্যবিধানের চেষ্টায় অগ্রসর হতে পারে, কিন্তু তার ফলে সমাজের প্রভূততম উপকার হবে কি না সেকথা কেউ বলতে পারে না। তবু, এখন পর্যন্ত অসংখ্য ব্যক্তির অনুস্তুত পথের লক্ষফলই সমাজের পথের ধারা একে দেয়; ভাল হোক, মন্দ হোক, জিনিসটা শেষ পর্যন্ত কি গিয়ে দাঢ়ায় সেটা বুঝতে চেষ্টা করাই ধন-বিজ্ঞানের প্রধান উদ্দেশ্য।

স্বাচ্ছন্দ্যপ্রচেষ্টার আলোচনায় ‘বিজ্ঞান’ কথাটার ব্যবহারে আপত্তি উঠতে পারে। অনেকেরই ধারণা আছে যে পরীক্ষাগারে যন্ত্রপাত্রের সাহায্যে যা চো করা হয় তারই নাম বিজ্ঞান, এবং সে ধারণা অনুসারে আমাদের ধনস্বল্লতার পর্যালোচনাকে বিজ্ঞান বলা নিশ্চয়ই চলে না। কিন্তু যিনি বৈজ্ঞানিক তিনি জানেন যে বিজ্ঞান কোনো বিষয়ের নাম নয়; একটা বিশেষ দৃষ্টিভঙ্গী বা উদ্দেশ্য নিয়ে আলোচনা করলে সবক্ষেত্রেই বৈজ্ঞানিক সিদ্ধান্ত সন্তুষ্ট। বিজ্ঞানের প্রধান উদ্দেশ্য কার্য ও কারণের মধ্যে সম্বন্ধ স্থাপন। কোনো জিনিসকে মাটি থেকে তুলে ছেড়ে দিলে সেটা পড়ে যাবে এটা যেমন বৈজ্ঞানিক সত্য, জিনিসের দাম কমে গেলে লোকে সেটা আগের চেয়ে বেশি পরিমাণে কিনবে এটাও তেমনি বৈজ্ঞানিক সত্য। প্রথমটার কারণ খুঁজে পাওয়া যাবে বিশ্বপ্রকৃতির মধ্যে অন্তর্নিহিত কয়েকটি

মৌলিক সামঞ্জস্যের মধ্যে। দ্বিতীয়টির কারণ খুজতে হবে মানবপ্রকৃতির অনেক বিভিন্নতার মাঝখানেও যে মূল একত্বকু আছে তার মধ্যে। মানব-প্রকৃতির সহস্রনম্পের মধ্যেও কয়েকটি সহজ সামঞ্জস্য খুঁজলেই ধরা পড়ে এবং সেগুলিকে ভিত্তি করেই আমরা বৈজ্ঞানিক সত্যে উপনীত হতে পারি। একটা জিনিস বেশি বেশি ব্যবহার করলে সেটার জন্ম আকাঙ্ক্ষা করে যায়, দাম কম-বেশি হওয়ার সঙ্গে সঙ্গে চাহিদার পরিবর্তন হয়, চাহিদা ও যোগান সমান হলে জিনিসের দাম স্থির থাকে এগুলির প্রত্যেকটিই সহজ, সরল বৈজ্ঞানিক সত্য, কার্য ও কারণের মধ্যে যুক্তিসংগত সম্বন্ধ-প্রতিষ্ঠা।

অবশ্য একথা বলা যায় যে পদাৰ্থবিজ্ঞানে বা রসায়নে যে কার্যকারণ-সম্বন্ধগুলি প্রতিষ্ঠিত হয় সেগুলি অবিচ্ছেদ্য, সর্বত্র প্রযোজ্য এবং সঠিকভাবে পরিমেয়। জড়বিজ্ঞানের নিয়মে ব্যতিক্রম নেই এবং অনেক সিন্দ্রান্ত ফুট-পাউণ্ড-সেকেণ্ডে নিভুলভাবে প্রকাশ করা যায়। ধনবিজ্ঞানে তত্ত্বান্তি নিভুলতা নিশ্চয়ই সন্তুষ্ট নয়, আর একথা ও আমরা বলতে পারি না যে বাজারের নিয়মে কোনো ব্যতিক্রম নেই। দাম কমলে চাহিদা বাড়ে এটা ধনবিজ্ঞানের একটা মূলসূত্র। কিন্তু এমনও হতে পারে যে একটা জিনিসের দাম কমল এবং সঙ্গে-সঙ্গে ক্রেতার আয় করে গেল; সেক্ষেত্রে চাহিদা বাড়ে কি না সন্দেহ। কিন্তু যে জিনিসটার দাম কমেছে সেটা হয়তো আগে ফ্যাশনে ছিল, এখন নতুন ফ্যাশনের জিনিস বাজারে আসাতে পুরানো জিনিসটা কম দামেও লোকে কিনবে না। ফাউণ্টেন পেনের কালির দাম কমলেও তার বিক্রি বাড়বে না যদি ইতিমধ্যে কলমের দাম বেড়ে থাকে। মাছের দাম এক টাকা থেকে বারো আনা হলেও চাহিদা না বাড়তে পারে যদি মেদিনই মাসের দাম পাঁচ মিলি থেকে দশ আনায় গিয়ে দাঢ়ায়।

একথা অস্বীকার করে লাভ নেই যে ধনবিজ্ঞানের নিয়মগুলি একেবারে অবিচ্ছেদ্য নয় বা সেগুলির ঠিক পরিমাপ অসম্ভব। তেলার ছাদ থেকে একটা মারবেল আন্তে ছেড়ে দিলে এক সেকেণ্ডে সেটা কতদুর নীচে যাবে তা প্রাথমিক বিজ্ঞানের ছাত্র আধমিনিটে বলে দিতে পারে। ঘড়ির দাম শতকরা পঁচিশ টাকা কমে গেলে কয়টি ঘড়ি বেশি বিক্রি হবে সেটা অঙ্ক করে কেউ বার করতে পারবে না। কিন্তু তাই বলে একথা প্রমাণ হয় না যে ধনবিজ্ঞানের সিদ্ধান্তগুলি বৈজ্ঞানিক সত্য নয়। সিদ্ধান্তের বিশুদ্ধতাই যদি বিজ্ঞানের একমাত্র পরিচয় হত তবে জীববিদ্যা চিকিৎসাশাস্ত্র আবহত্ত্ব মনোবিজ্ঞান প্রভৃতিকে বিজ্ঞানের পর্যায় থেকে দূরে রাখতে হত। চিকিৎসাবিজ্ঞানের কোনো সিদ্ধান্ত মৌল আনা নির্ভুল একথা জোর করে বলা অসম্ভব। জোয়ার-ভাঁটার মূল কারণগুলি আমরা জানি, পূর্ণিমা-অমাবস্যার সঙ্গে জোয়ার-ভাঁটার কার্যকারণ-সম্বন্ধও বার করতে পারি, কিন্তু সঙ্গে সঙ্গে একথাও মানতে হয় যে অভিজ্ঞতার ক্ষেত্রে সব সময়ে দুই আর দুইয়ে চার হয় না। আর, আজকাল পদাথীবিজ্ঞানেও সন্দেহ তুকেছে—যে মাধ্যাকর্ষণ, যে সরল জ্যামিতি এতদিন নিঃসন্দেহে মেনে নেওয়া হয়েছে তাতে আজকালকার বৈজ্ঞানিক ঝাঁক খুঁজে বার করেছেন। স্থানকালপাত্র ভেদে শুধু যে ধনবিজ্ঞানের সিদ্ধান্তের পরিবর্তন প্রয়োজন হয় তা নয়; স্থান ও কালকে বহুদূর প্রসারিত করে দেখলে ইউক্লিডের সরলরেখা বঙ্গিম হয়ে যায়, মাধ্যাকর্ষণ সংকীর্ণ স্তরে নেমে আসে, অবিচ্ছিন্ন সাবলীল গতিচ্ছন্দে কোয়ান্টমের তালভঙ্গ দেখা দেয়।

আসল কথা, বিজ্ঞানের পরিচয় সিদ্ধান্তের বিশুদ্ধতায় নয়, বিজ্ঞানের পরিচয় সিদ্ধান্তের প্রকৃতিতে, সিদ্ধান্তে উপনীত হ্বার পছায়, আলোচনার দ্রষ্টিভঙ্গীতে। যেখানে সম্পূর্ণরূপে সত্য কোনো তথ্য পাওয়া গেল, সেখানে অবশ্য বৈজ্ঞানিকের পূর্ণ সার্থকতা; কিন্তু ব্যবহারিক জীবনের

অধিকাংশ ক্ষেত্রেই এই সার্থকতা লাভ হয়ে ওঠে না। যা হয়ে উঠতে পারে সেটা হল সত্ত্বের দিকে অগ্রগতি। সেই অগ্রগতির স্বনির্দিষ্ট পথ আছে এবং সেই পথ অবলম্বন করে আলোচনা যেখানে সন্তুষ্ট সেখানেই বিজ্ঞান।

ধনবিজ্ঞানের সিদ্ধান্তে ঘোল আনা বিশুদ্ধতার অভাব কেন, এ প্রশ্নের উত্তর দেওয়া সহজ। বৈজ্ঞানিক সত্য আবিষ্কার হয়' আরোহী পদ্ধতিতে— অনেকগুলি আলাদা উদাহরণ দেখে সাধারণ নিয়মে উপনীত হ্বার কয়েকটি উপায় আছে। লজিকের ছাত্রদের শেখানো হয় যে, সব মানুষই মরবে এ সিদ্ধান্তে আসতে গেলে প্রত্যেক লোকের মৃত্যু প্রত্যক্ষ করার প্রয়োজন নেই। যথেষ্ট সংখ্যক উদাহরণ ভালো করে দেখলে এবং যাচাই করে নিলেই সাধারণ নিয়মে উপনীত হওয়া যাব। প্রত্যক্ষ এবং পরীক্ষা, এই দুটি হল তত্ত্বসন্ধানীর পাঠ্যে। বৈজ্ঞানিক প্রথমে প্রত্যক্ষ থেকে অনুমান করেন এবং পরে সেই অনুমানকে পরীক্ষা করে, যাচাই করে শেষ সিদ্ধান্তে আসেন। ঠিক এই জায়গায়ই ধনবিজ্ঞানে একটু খুত থেকে যাব। রাসায়নিকের মত বীক্ষণগারে গিয়ে অনুমানকে যাচাই করে নেওয়া আমাদের পক্ষে অসন্তুষ্ট। বিরাট পৃথিবী এবং অসংখ্য মানুষের সাধারণ জীবনযাত্রা ধনবিজ্ঞানের নিয়মের কার্যক্ষেত্র— সে নিয়ম আবিষ্কারে অভিজ্ঞতার স্থান আছে, পরীক্ষার স্থান নেই বললেই হয়। মাধ্যাকর্ষণের অনুমানকে পরীক্ষা দিয়ে যাচাই করে নেওয়া নিউটনের পক্ষে সন্তুষ্ট ছিল; চাহিদার সাধারণ নিয়ম যাচাই করতে গিয়ে দোকানদারকে দাম করাতে বলা আমাদের পক্ষে সন্তুষ্ট নয়।

ধনবিজ্ঞান এবং অন্য সব সমাজবিজ্ঞানই নিরীক্ষণ এবং অভিজ্ঞতার উপরে প্রতিষ্ঠিত, এবং সেজন্তই ঘোল আনা নিভুলতা আমরা হাজার চেষ্টা করলেও পাই না। আমাদের দেখাতে অনেক সময় ভুল এবং

ফাঁক থেকে যায়। যতকিছু দেখে নেওয়া উচিত তার সব আমাদের চোখে নাও পড়তে পাই ; যা দেখলাম তার ঠিক স্বরূপটি আমরা যথাসময়ে না-বুঝতে পারি। জাত কারণের সঙ্গে সঙ্গে অজ্ঞাত কারণ মিশে থাকতে পারে এবং যে ক্ষেত্রে অজ্ঞাত কারণের সংখ্যা বেশি সে ক্ষেত্রে সাবধানে কথা বলা ছাড়া আমাদের উপায় নেই।

কিন্তু, এ থেকে একথা বলা চলে না যে ধনবিজ্ঞানের নিয়মের কোনো মূল্য নেই। অধিকাংশের বেলা যে নিয়ম থাটে সমাজে সে নিয়মের মূল্য অনেকখানি। আমরা সবাই প্রায় সাধারণ মানুষ—আমরা প্রায় একই কারণে আনন্দ পাই এবং দুঃখ পাই, আমাদের কার্যধারাও প্রায় একরকমে। অধিকাংশের বেলা যে নিয়ম প্রযোজ্য, সে নিয়মকে অতিক্রম করা আমাদের কারো পক্ষেই সহজ নয়। বিশেষ কারণ থাকলেই নিয়মের ব্যতিক্রম ঘটে ; নিয়মটাকে যদি আমরা জেনে রাখি এবং যদি যত্ন নিয়ে জ্ঞানবার চেষ্টা করি ঠিক কোন্ কোন্ বিশেষ কারণে নিয়মের ব্যতিক্রম ঘটে তবে আমাদের উপলক্ষ্মীকে সহজ বৈজ্ঞানিক সত্ত্বের পর্যায়ে আমরা অন্যাসে আনন্দে পারি।

ধনবিজ্ঞানচর্চায় স্থান কাল পাত্র ও পরিবেশের গুরুত্ব-নির্দেশের সঙ্গে সঙ্গে আরো হ-একটি কথা বলে রাখা দরকার। মানুষের সামাজিক জীবনে অনেকগুলি দিক আছে—ধনবিজ্ঞানের চর্চায় এর মধ্যে মাত্র একটি দিককে আমরা আলাদা করে নিয়ে দেখি। কিন্তু একথা ভুললে চলে না যে আর্থিক রাষ্ট্রীয় নৈতিক ইত্যাদি সব রকম প্রচেষ্টাকে নিয়েই মানুষের জীবন। ধনবিজ্ঞান মানুষকে বোঝবার চেষ্টা করে একদিক দিয়ে, অন্তর্গত সমাজবিজ্ঞান সে চেষ্টা করে অন্তর্দিক দিয়ে। এইজন্তেই শুধু ধনবিজ্ঞান আলোচনা করেই মানুষের জীবনের সমস্তার সমাধান বলে দেওয়া সম্ভব নয়। এমন অনেক জিনিস আছে যা একদিক দিয়ে

সমর্থন করা যায় কিন্তু আর একদিক দিয়ে দেখলে যায় না। এক দেশ যদি সন্তায় কোনো জিনিস তৈরি করতে পারে এবং অন্ত কোনো দেশে যদি সেটার চাহিদা থাকে তবে প্রথম দেশ থেকে জিনিসটা দ্বিতীয় দেশে চালান দিলে তাই দেশেরই লাভ। এদিক দিয়ে দেখলে ভারতবর্ষ থেকে চীনে আফিম চালান দেওয়া উচিত। কিন্তু সমাজতন্ত্রেরই আর এক দিক থেকে দেখলে আফিম চালান দিয়ে চীনের সর্বনাশ করার সমর্থন অসম্ভব। এক্ষেত্রে আমাদের উচিত কি সেটা ঠিক করতে গেলে মনে রাখতে হবে যে আর্থিক লাভই মানুষের বা জাতির সবচেয়ে বড় আদর্শ নয়, যদিও কার্যকরী আদর্শ হিসাবে এটাই সমাজে মুখ্যস্থান অধিকার করে আছে। আর্থিক লাভের লোভ মানুষের জীবনে সবচেয়ে কার্যকরী এটা সত্য; এবং এটা সত্য বলেই এই লাভের আকাঙ্ক্ষায় মানুষ যা যা করে তা বৈজ্ঞানিক আলোচনার বিষয়ীভূত। এ সত্যকে আমরা স্বীকার করে নেব, কিন্তু আদর্শের উচ্চতা সম্বন্ধে মনে কোনো গর্ব পোষণ করব না।

দ্বিতীয়তঃ আমাদের মনে রাখতে হবে যে যদি সত্যিসত্যিই মানুষের অর্থপ্রচেষ্টা বা স্বাচ্ছন্দ্যপ্রচেষ্টাকে বৈজ্ঞানিক দৃষ্টি দিয়ে আলোচনা করতে হয় তবে বিশেষ কোনো সমাজব্যবস্থাকে সমর্থন করা চলবে না। বর্তমানে যুগের সমাজব্যবস্থার নাম ক্যাপিট্যালিজম বা ধনিকতন্ত্র এবং এর প্রধান রূপ ধনিকের প্রাধান্ত, ব্যক্তিস্বার্থের পারম্পরিক সংষর্ষ, প্রতিবন্ধিতা ও অসাম্য। সমাজের বিবর্তনে ধনিকতন্ত্র একটা অধ্যায় মাত্র। জমিদার-প্রধান সমাজ যন্ত্রসভ্যতার চাপে ধনিকপ্রধান সমাজে পরিণত হতে বাধ্য; কিন্তু এই ধনিকপ্রধান সমাজই ইতিহাসের শেষ নয়, বা বিবর্তনের পথে উচ্চতম শিথর নয়। ক্যাপিট্যালিজম যতদিন আছে ততদিন তাকে অস্বীকার করা চলে না; স্বতরাং এই ধনিকপ্রধান সমাজে মানুষের আচরণ

কিংবরকম, কোথায় তাদের কর্মের উৎস, কোন্ দিকে তারা চলে, তাদের কর্মধারার নিশ্চয় ফল কি, এসবই আমাদের আলোচনার বিষয় হবে। কিন্তু আলোচনার মধ্যে যাতে পক্ষপাত না ঢোকে সে বিষয়ে ধনবিজ্ঞানীর সাবধান থাকতে হয়। গণিতবিদের পক্ষে যতটা সমাজনিরপেক্ষ-হওয়া সন্তুষ্টি, ধনবিজ্ঞানীর তথ্যানুসন্ধানীর পক্ষে ততটা নিশ্চয়ই সন্তুষ্টি নয়; কিন্তু পক্ষপাত বা বিশেষ কোনো সমাজব্যবস্থাকে সমর্থনের চেষ্টাকে দূরে রাখা সকলের পক্ষেই সন্তুষ্টি হওয়া উচিত। বিজ্ঞানের কাজ বুঝতে শেখা এবং বোঝানো, কোনো-কিছুকে দাঁড় করাবার চেষ্টা উকিলের কাজ।

## দ্বিতীয় পরিচ্ছন্দ

### অভাব ও চাহিদা

কোনো বিষয় নিয়ে আলোচনা করতে গেলে প্রথমে একটা শ্রেণীবিভাগ করে নিলে সুবিধা হবার সন্তুষ্টি। ধনবিজ্ঞানের বিষয়-বস্তুকে আমরা চারটি বড় বড় ভাগে বিভক্ত করে নিতে পারি। প্রথম, জিনিসের ব্যবহার বা ভোগ এবং তা থেকে চাহিদার উৎপত্তি; দ্বিতীয়, জিনিসের সরবরাহ; তৃতীয়, বিনিয়য় ও মূল্যনিরূপণ, অর্থাৎ চাহিদা ও যোগানের পারস্পরিক ক্রিয়া; এবং চতুর্থ, উৎপন্ন ধনের বণ্টন। একথা অবশ্য এখনো কেউ জোর করে বলতে পারে না যে আমরা এমন স্তরে এসে পৌছেছি যেখানে কোনো তর্কের অবকাশ নেই। জ্ঞানচর্চায় সর্বদাই নৃতন মতবাদ পুরাতনকে স্থানচূড়াত করে; ধনবিজ্ঞানেও যে তাই হবে তাতে আশ্রয় নেই। কিন্তু তবু সমস্ত তর্কবিতর্কের মধ্য থেকেও

যদি কয়েকটি সর্ববাদিসম্মত সিদ্ধান্ত বার করে নেওয়া যায়, তাহলে সেগুলিকে আমরা ধনবিজ্ঞানের মূলস্থূত্র বলতে পারি। এই অধ্যায়ে এবং পরের তিনটি অধ্যায়ে আমরা সেই মূলস্থূত্রগুলির আবিষ্কারের চেষ্টা করব।

আমরা ব্যবহার করি নানা জিনিস। কোনোটা আমাদের বিশেষ প্রয়োজনের, কোনোটা হয়তো নেহাত শখের; কোনোটা ব্যবহার করি দীর্ঘকাল ধরে, যেমন ঘড়ি, ফাউণ্টেন পেন, বাড়ি, আসবাব; আবার কোনোটা একবার ব্যবহারেই কার্যকারিতা হারায়, যেমন থান্ড এবং পানীয়। যে-কোনো জিনিসের ব্যবহার বা ভোগের উদ্দেশ্য হল তৃপ্তিলাভ এবং এর মূলে রয়েছে অভাববোধ। অভাববোধ থেকে কর্মপ্রচেষ্টা আসে, কর্মপ্রচেষ্টা সফল হলে আসে পরিতৃপ্তি; তার পরে আবার নৃতন অভাব জেগে ওঠে এবং নৃতন করে কাজে নামতে হয়। এমনি করে আর্থিক জীবনের চাকা গড়িয়ে চলে।

আমাদের অভাবের অন্ত নেই। হয়তো আদিমযুগে ক্ষুধা তৃষ্ণা আবরণ ও আশ্রয় এই কয়টি অভাবই মানুষকে কর্মপ্রচেষ্টায় প্রেরণা দিয়েছে। ক্রমে সত্যতা ও জ্ঞানের বৃদ্ধির সঙ্গে সঙ্গে অভাব বেড়েছে, নৃতন জিনিস, নৃতন ভোগ্য, পুরানো জিনিসের রকমফের, অনেক কিছুই মানুষের প্রয়োজন হয়েছে। আজ আর মানুষের অভাবের সম্পূর্ণ তালিকা কেউ করে উঠতে পারবে না; আমরা যা যা চাই বলে মনে করি তার সবও যদি কেউ আমাদের এনে দেয় তখন দেখব নৃতনতর অভাব আমাদের মনে দেখা দিয়েছে। মানুষের অভাবের প্রথম বিশেষত্ব অভাবের সংখ্যার অসীমত্ব।

সব অভাব কিন্তু ঠিক এক জাতের নয়। বাঙালীর জীবনে ভাতের অভাব, গরম কাপড়ের অভাব আর সিঙ্কের ঝুমালের অভাব তিন স্তরের

জিনিস। ভাত না হলে বাঙালী জীবনধারণ অসম্ভব মনে করে, যেমন করেই হোক সে অভাব মেটাতেই হবে। গরম কাপড় না হলেও বাংলা দেশের মৃছ শীতে চলে যেতে পারে, তবে পেলে আরাম সন্দেহ নেই। আর সিল্কের ঝুমাল ব্যবহার করে আরাম যতটা, লোক-দেখানোর সুখ বৌধ হয় তার চেয়েও বেশি। যেসব জিনিস দিয়ে অভাবমোচন সম্ভব হয় সেগুলিকে ‘প্রয়োজনীয়’, ‘আরামপ্রদ’ ও ‘শৌখিন’ মোটামুটি এই তিনি ভাগে ভাগ করে নেওয়া যেতে পারে। যার আয় অল্প সে প্রথমে প্রয়োজনীয় জিনিস সংগ্রহের ব্যবস্থা করে পরে অন্ত জিনিস কিনবার চেষ্টা করবে। প্রয়োজনীয় জিনিস বলতে প্রধানতঃ আমরা বুৰুব সেই সব জিনিস যা ছাড়া জীবনধারণই অসম্ভব; যেগুলি পুষ্টির জন্ত প্রয়োজন সেগুলিকেও ক্ষেত্রবিশেষে আমরা ধরে নিতে পারি। কখনো দেখা যায় অনেক জিনিস জীবনধারণ বা পুষ্টির জন্ত একান্ত প্রয়োজন নয়, তবু সেটার ব্যবহার অপরিহার্য; যেমন ধূমপায়ীর কাছে সিগারেট অভ্যাসের জোরে প্রয়োজনীয় হয়ে দাঁড়িয়েছে, কিন্তু দেশাচারের অনুশাসনে ব্রাক্ষণকে উপবীত ব্যবহার করতেই হয়। এমন ‘আচারগত প্রয়োজনের’ জিনিসও আমাদের রোজকার জীবনে অনেক খুঁজে পাওয়া যাবে।

অভাববোধের আরো কয়েকটি বিশেষজ্ঞ দেখতে পাওয়া যায়। কোনো কোনো অভাব এমন যে একটি জিনিস ব্যবহারে সে অভাব মেটে না, একসঙ্গে দুটি বা তিনটি বা তারও বেশি জিনিসের ব্যবহারে তৃপ্তিলাভ সম্ভব হয়। চা, চিনি ও তুধ একত্রে নিলেই সকালবেলার উষ্ণ পানীয়ের প্রয়োজন মিটতে পারে, কলম হাতে নিলে কালি চাই, মোটরকার থাকলে পেট্রলের প্রয়োজন, কুটির সঙ্গে চাই মাথন, ইটের সঙ্গে চুন বালি শুরকি। দ্রব্যমূল্য-নিরূপণের ক্ষেত্রে এই বিশেষজ্ঞ বিশেষ করেই লক্ষ্য করতে হয়, কারণ মোটরগাড়ির অভাব হলে পেট্রল অনেকেই কিনবে না, ফাউণ্টেন

পেন সন্তা হলে কালির চাহিদা বাড়বে। পেট্রলকে আমরা মোটরকারের ‘অনুপূরক’ আখ্যা দিতে পারি। আবার অনেক ক্ষেত্রে দেখা যায়, একই অভাব ছাটি বা ততোধিক জিনিসের যে-কোনো একটি দিয়ে মেটানো যেতে পারে। সকালবেলা যদি একটা গরম পানীয় ছাড়া আমার না চলে তবে চা বা কফি যে-কোনোটা দিয়েই আমার অভাব মিটিতে পারে; যদি কফি সন্তা হয়ে যায় তবে চায়ের চাহিদা কমে যাবার সন্তাবনা। মাছের সঙ্গে মাংসের, বিহ্যতের সঙ্গে গ্যাসের, বা টুথপেস্টের সঙ্গে দাঁতনকাঠির এরকম প্রতিবন্ধিতার সম্পর্ক দেখতে পাওয়া যাবে। কলার আর নেকটাই পরম্পরের ‘অনুপূরক’; কিন্তু শাট আর পাঞ্জাবি পরম্পরের ‘প্রতিবন্ধী’। আলুসিঙ্ক না খেয়ে ‘পটলসিঙ্ক খেলে আলু’ ও পটল প্রতিবন্ধী; আলু-পটলের তরকারি রাঁধলে একটি অপরটির অনুপূরক।

যেখানে অভাববোধ সেখানেই অভাবমোচনের চেষ্টা, এবং সে চেষ্টা সফল হলে অভাববিশেষের অবসান ঘটিতে পারে। মানুষের সব অভাব নিশ্চিহ্ন করা অসম্ভব, কিন্তু কোনো এক সময়ে বিশেষ একটি অভাবের সম্পূর্ণ তত্ত্ব অসম্ভব নয়। আমার সব অভাব কোনোকালেই মিটিবে না, কিন্তু আমি যদি বসে বসে আপেল খেতে আরম্ভ করি, বিরামহীনভাবে একটার পর একটা, তবে কিছুক্ষণের মধ্যে এমন অবস্থা আসবে যে, আমি বলে উঠব, এখনকার মত আমার আপেল খাওয়ার আকাঙ্ক্ষার পূর্ণ পরিতপ্তি হয়েছে। অভাবের এই বিশেষত্বটি থেকেই চাহিদার প্রধান নিয়মগুলির উৎপত্তি এবং সেজগ্নাই এটাকে খুব ভালো করে বুঝে নেওয়া প্রয়োজন। কিন্তু তার আগে অন্ত দু-একটা ধারণা পরিষ্কার করে নিতে হবে।

আমাদের ব্যবহৃত প্রত্যেক জিনিসেরই অভাবমোচনের ক্ষমতা বা ‘তত্ত্বান্তর-ক্ষমতা’ আছে; আলো-বাতাস থেকে আরম্ভ করে প্রয়োজনের

আরামের এবং শখের সব জিনিসই আমাদের কম-বেশি মাত্রায় তৃপ্তি দিতে পারে। সে তৃপ্তি উঁচুদরের না নীচুদরের সেটা আমাদের দেখবার কথা নয়—মোটরগাড়ির যেমন তৃপ্তিদান-ক্ষমতা আছে, মদেরও সে ক্ষমতা আছে, অস্ততঃ মাতালের কাছে। এই তৃপ্তিদান-ক্ষমতাকে প্রয়োজনীয়তার সঙ্গে একার্থক মনে করলে ভুল করা হবে। যে জিনিসের তৃপ্তি দেবার ক্ষমতা আছে সে জিনিসই লোকে চায়; তৃপ্তিদান-ক্ষমতা থেকেই জিনিসের ‘বাঞ্ছনীয়তা’ বা ‘কাম্যতা’ আসে।

যেসব জিনিসের তৃপ্তিদান-ক্ষমতা বা কাম্যতা আছে স্বাচ্ছন্দ্যবর্ধনে সেগুলির প্রত্যেকটিই সহায়তা করে। এদের মধ্যে যেগুলি আলোবাতাসের মত যথেচ্ছ পরিমাণে পাওয়া যায় সেগুলি নিয়ে সমাজে কোনো সমস্তা ওঠে না। যেগুলির পরিমাণ সীমাবদ্ধ, যেগুলি মানুষের শ্রমের ফলে পাওয়া যায় এবং যেগুলির হস্তান্তর সম্ভব কেবল সেগুলিই সমস্তার সৃষ্টি করে। আমাদের শাস্ত্রে আমরা ‘ধন’ কথাটি এই ধরনের জিনিস বোঝাতে ব্যবহার করি— সেই সব জিনিস বাদের তৃপ্তিদান-ক্ষমতা বা কাম্যতা আছে, বাদের পরিমাণ অসীম নয় এবং যেগুলির হস্তান্তর সম্ভব। আলো বাতাস বা জল সাধারণ অবস্থায় ধনের পর্যায়ে পড়বে না। জমি ধান তেল মুন, মোনা, বইয়ের কপিরাইট, দোকানের স্বনাম— এর সব জিনিসই কাম্য, সামাবদ্ধ পরিমাণে প্রাপ্তব্য এবং হস্তান্তরের উপযুক্ত; ধনের সংজ্ঞার মধ্যে এদের সবগুলিই পড়বে।

কোনো জিনিস একবার ব্যবহার করলে তখনকার মত সেটার জন্য কামনার কিছুটা অস্ততঃ উপশম হয়; এবং যদি জিনিসটা ব্যবহার করেই চলতে থাকি তবে কামনা বা অভাববোধও ক্রমেই কমতে থাকবে। জিনিসের পৌনঃপুনিক ব্যবহারে তার তৃপ্তিদান-ক্ষমতা বা কাম্যতা ক্ষীণতর হয়ে আসে। শীতের আরম্ভে প্রথম কমলালেবুটি হয়তো আমি চার আনা

দিয়ে কিনে খেয়ে ফেলতে পারি ; কিন্তু ঠিক পরক্ষণেই যদি লেবু-বিক্রেতা আর একটা লেবু আমাকে বেচতে চায় তখন চার আনা আর আমি দেব না । ছ-সাত মাস লেবু না খেয়ে যে তীব্র অভাববোধ আমার মনে সঞ্চিত হয়ে ছিল, প্রথম লেবুটা খাবার পরে তার অনেকটাই চলে গেছে । হয়তো দু-আনা দিয়ে দ্বিতীয় লেবুটা আমি কিনব এবং তৃতীয়টা এক আনায়, এবং এ থেকেই প্রমাণ হবে যে প্রথম লেবুটি থেকে যে তৃপ্তি আমি পেয়েছি, দ্বিতীয়টি থেকে পাব তার চেয়ে কম এবং তৃতীয়টি থেকে আরো কম ।

এই তিনটি লেবুর কাম্যতা-হাসে মানবচরিত্রের একটা সাধারণ নিয়মের ক্রিয়া দেখা যায় : আগরা যে জিনিসটা পাই তার জন্ত আমাদের আকাঙ্ক্ষা কমে যায় । যদি তৃপ্তিকে পয়সা দিয়ে মাপা যেত তবে বলা যেত যে আমি এক্ষেত্রে প্রথম লেবু থেকে চার আনার তৃপ্তি, দ্বিতীয়টি থেকে দু-আনার এবং তৃতীয়টা থেকে এক আনার তৃপ্তি পেয়েছি, এবং তিনটি লেবু খাওয়ার ফলে আমার মোট সাত আনার তৃপ্তি লাভ হয়েছে ।

তিনটি লেবু খাওয়ার ফলে যে মোট তৃপ্তি আমি পেয়েছি, তাতে তৃতীয়টির অংশ মাত্র এক আনার । এক্ষেত্রে এই তৃতীয় লেবুটি থেকে পাওয়া তৃপ্তিকে আমার ‘পার্যান্তিক’ বা ‘প্রান্তিক’ তৃপ্তি বলে অভিহিত করতে পারি । এবং বলতে পারি যে এখানে লেবুর ‘প্রান্তিক কাম্যতা’র পরিমাপ এক আনা । ধনবিজ্ঞানের নানাক্ষেত্রে এই প্রান্তিক কাম্যতার গুরুত্ব দেখতে পাওয়া যাবে । যখন আমি মোটে একটা লেবু কিনেছি তখন, পয়সার মাপকাটিতে, মোট তৃপ্তি চার আনার, এবং যেহেতু প্রথম লেবুটিই এক্ষেত্রেই শেষ, প্রান্তিক কাম্যতার মাপও চার আনা ; যখন দুটি লেবু ‘আমার হাতে এল তখন মোট তৃপ্তি ছয় আনার, এবং দ্বিতীয় লেবুটি এখন ‘প্রান্তিক’ হওয়াতে, প্রান্তিক কাম্যতার মাপ দু-আনা ; তৃতীয়

লেবুটি যখন আমি পেলাম তখন আমার মোট তৃপ্তি সাত আনায় গিয়ে দাঢ়িয়েছে এবং প্রাণিক তৃপ্তি এক আনায় ।

একটা জিনিস একটু বেশি ব্যবহার করলে বাড়তি যে তৃপ্তিটুকু পাওয়া যায় সেটাই প্রাণিক তৃপ্তি বা জিনিসটার প্রাণিক কাম্যতা । তিনটি লেবু ব্যবহারের সঙ্গে সঙ্গে মোট তৃপ্তি, পয়সার হিসাবে, চার আনা থেকে ছয় আনায় এবং পরে সাত আনায় উঠল ; আর প্রাণিক তৃপ্তি নেমে এল চার আনা থেকে দু-আনায় এবং পরে এক আনায় । আরো একটা লেবু কিনলে মোট তৃপ্তি আবার কিছুটা বাড়বে, কিন্তু প্রাণিক কাম্যতা আরো নীচে নেমে আসবে । প্রাণিক কাম্যতা এভাবে কমতেই থাকবে এবং ক্ষেত্রবিশেষে শূন্ত বা ঋণাত্মকও হতে পারে । মোট তৃপ্তি বাড়তে থাকে বটে, কিন্তু বৃদ্ধির হারটা ক্রমেই কমে আসে ; স্বতরাং কিছুদূর গিয়ে মোট তৃপ্তির বৃদ্ধি বন্ধ হয়ে যাবে, এবং প্রাণিক কাম্যতা ঋণাত্মক হয়ে গেলে মোট তৃপ্তি বর্ধমান হারে কমতে থাকবে ।

এই ‘প্রাণিক কাম্যতা হাসের নিয়ম’ ধনবিজ্ঞানের গোড়ার সূত্র । ঠিক ভাবে বুঝলে স্বীকার করতে হবে যে এই নিয়মের কোনো সত্যিকারের ব্যতিক্রম নেই । একই সময়ে একই ব্যক্তি যদি পুনঃপুনঃ একই জিনিস ব্যবহার করে তবে সে জিনিসের প্রাণিক কাম্যতা কমতে বাধ্য । যে দু-একটি ব্যতিক্রম পাঠ্যপুস্তকগ্রন্থেতারা দেখিয়ে থাকেন সেগুলির উদ্দৰ্ব বুঝবার ভুলে ছিলা কষ্টকল্পনায় । টাকার বেলায় এই নিয়মটি খাটে না এটা অনেকেরই ধারণা । কিন্তু একথা সহজেই বোঝা যায় যে টাকা আমরা প্রথমে খরচ করি প্রয়োজনের জিনিস কিনতে, এবং তার পরে আরো টাকা পেলে কম দরকারি জিনিস কিনি । দশটা টাকা থেকে একটা টাকা হারালে যা কষ্ট হয় একশ টাকা থেকে এক টাকা হারালে কষ্ট হয় তার চেয়ে অনেক কম । অল্প টাকার প্রাণিক কাম্যতার চেয়ে

বেশি টাকার প্রাণ্তিক কাম্যতা নিশ্চয়ই কম। তা ছাড়া আর একটা কথা আছে। টাকা ঠিক 'একটা' জিনিস নয়, টাকা সর্বপ্রকার জিনিসের প্রতিনিধি। যদি টাকা দিয়ে কেবল পেনসিল ছাড়া আর কিছু কিনতে না পাওয়া যেত তবে প্রথম টাকাটার পরে দ্বিতীয় টাকার কাম্যতা অনেক কমে যেত। প্রথম টাকা দিয়ে চাল কিনে দ্বিতীয় টাকা দিয়ে মাছ কিনতে পারি বলেই টাকার প্রাণ্তিক কাম্যতা হ্রাস আমরা সহজে উপলব্ধি করতে পারি না।

একটা কথা এখানে মনে রাখা প্রয়োজন। প্রাণ্তিক কাম্যতা হ্রাসের নিয়ম প্রত্যেক ব্যক্তির বেলা আলাদাভাবে কাজ করে। একজনের পাওয়া তৃপ্তির সঙ্গে আর একজনের পাওয়া তৃপ্তির কোনো তুলনা চলে না—পয়সার মাপকাঠিতেও না, কারণ দাম দেবার ক্ষমতা সকলের সমান নয়। আমি যদি লেবু খেয়েই যাই তবে একথা বলা চলে যে চতুর্থ লেবুটির চেয়ে পঞ্চম লেবুটি আমাকে কম তৃপ্তি দিয়েছে। কিন্তু আমি যদি চারটি লেবু খাই আর রাম খায় পাঁচটা তাহলে একথা বলা চলে না যে আমি চতুর্থটি থেকে যে তৃপ্তি পেয়েছি, রাম পঞ্চমটি থেকে তার চেয়ে কম পেয়েছে।

এই প্রাণ্তিক কাম্যতা হ্রাসের নিয়মটিকে আজকাল কেউ কেউ সহজতর করে আনবার চেষ্টায় আছেন। তৃপ্তি বা কাম্যতাকে সোজাস্বজি মাপবার কোনো উপায় নেই—কোন্ জিনিসটার জগতে আমরা কি দাম দিতে রাজি আছি সেটাই মাত্র আমরা দেখতে পাই। অতএব তৃপ্তির হিসাব ছেড়ে দিয়ে একটা জিনিসের কাম্যতাকে আর একটা জিনিসের মাপকাঠিতে দেখা যেতে পারে। ধরা যাক, আমার হাতে পাঁচটা আপেল আর দুটি লেবু আছে। আমি যদি আর দুটো লেবু পেলে একটা আপেল দিয়ে দিতে রাজি হই তবে বলা যায় যে পাঁচটা আপেল ও দুটি লেবু

একত্রে আমার কাছে চারটি আপেল ও চারটি লেবুর সমান। এরকমে তিনটি আপেল ও কয়টি লেবুকে আমি ঠিক পাঁচটি আপেল ও দুটি লেবুর সমান ধরব সেটাও জেনে নেওয়া যেতে পারে। প্রথম বারে যখন আমি আরো দুটি লেবু পাবার আশায় পাঁচটি আপেলের একটি ছাড়তে রাজি হলাম তখন দুটি লেবু = একটা আপেল, এই হারকে ‘বিনিময়ের প্রাণ্তিক হার’ আখ্যা দিতে পারি। এই হারটা আস্তে আস্তে বদলাতে থাকবে, কারণ দ্বিতীয় বারে দুটি লেবুর চেয়ে বেশি না পেলে আমার চতুর্থ আপেলটি আমি ছাড়তে রাজি হব না।

মোট কথা অবশ্য একই দাঁড়াল। তৃপ্তির দিকে একেবারে না তাকিয়ে যদি কেবল ক্রেতা-বিক্রেতার বাহু আচরণের দিকে দৃষ্টিক্ষেপ করা যায় তবে প্রাণ্তিক কাম্যতার চেয়ে বিনিময়ের প্রাণ্তিক হার আমাদের কাছে বড় হয়ে ওঠে। কিন্তু যেদিক দিয়েই দেখি না কেন, যে দিক্ষান্তে আমরা উপনীত হতে পারি তা এই যে, অন্ন জিনিস বাজারে থাকলে আমরা বেশি দামে কিনতে রাজি হব, আর যদি বাজারে জিনিস থাকে অনেক তবে তার প্রাণ্তিক কাম্যতা বা বিনিময়ের হার নীচে নেমে যাবে এবং কম দামে না পেলে সে জিনিস আমরা কিনব না। পয়সার মাপকাঠিতে কাম্যতা মাপা যায় ধরে নিলে স্বীকার করতে হবে যে শেষ পর্যন্ত জিনিসের দাম প্রাণ্তিক কাম্যতার সমান হতে বাধ্য। যদি প্রাণ্তিক কাম্যতা বাজারদরের চেয়ে বেশি হয় তবে জিনিসটা আরো কেনা লাভজনক, এবং তাতেই প্রাণ্তিক কাম্যতা নেমে আসবে, যতক্ষণ না সেটা দামের সমান গিয়ে দাঁড়ায়। আবার যদি প্রাণ্তিক কাম্যতা বাজারদরের চেয়ে নীচে হয় তবে ক্রেতা কম করে কিনবে এবং প্রাণ্তিক কাম্যতা বেড়ে গিয়ে আবার দামের সমান হবে। অবশ্য ক্রেতার পক্ষে এরকম কেনা বাড়ানো বা কমানো সম্ভব তখন যখন অন্ত সব জিনিসের দাম ঠিক থাকে এবং যখন তার আয়ের অতি

সামান্য অংশ কোনো একটি জিনিস কিনতে ব্যয়িত হয়। অনেক ক্ষেত্রেই এরকম ধরে নেওয়া যেতে পারে, এবং যে-কোনো ক্ষেত্রেই এটা ঠিক যে, বাজারে প্রাপ্তব্য জিনিসের পরিমাণ যত বেশি হবে, প্রাণ্তিক কাম্যতা হবে তত কম, এবং ক্রেতাও কম দামে না পেলে জিনিসটা কিনবে না।

এটাকেই ‘চাহিদার নিয়ম’ নাম দেওয়া যেতে পারে। সহজ কথায় নিয়মটি এই যে দাম কমলে চাহিদা বাড়বে এবং দাম বাড়লে চাহিদা কমবে। দামের প্রত্যেক পরিবর্তনের সঙ্গে বিপরীত দিকে চাহিদার পরিবর্তন হবে। ‘অবরোহী’ পদ্ধতিতে এ নিয়মটি কাম্যতা হাসের নিয়ম থেকেই অনুমান করে নেওয়া যায়; ‘আরোহী’ পদ্ধতিতে বাজারে গিয়ে কয়েকটা জিনিসের দামের ওঠানামাব ফলাফল লক্ষ্য করলেই এ সিদ্ধান্তে আসা সম্ভব হয়। ফ্যাশন, রুচি, আয়, বাজারের সাধারণ অবস্থা, ভবিষ্যৎ সম্বন্ধে অনুমান ইত্যাদি যদি অপরিবর্তিত থাকে তবে বাজারদরের ওঠানামার সঙ্গে চাহিদার হাসবুন্দি দেখতে পাওয়া যাবেই।

অবশ্য, হাসবুন্দির পরিমাণ বা অনুপাত সব ক্ষেত্রে একরকম হবে না। মুনের দাম একটু বাড়লে চাহিদাব বিশেষ হাস অন্তর্ভুক্ত হবে না, কিংবা দাম একটু কমলে লোকে বেশি করে মুন খেতে আরম্ভ করবে না। কিন্তু বিদ্যুতের কারেণ্ট যদি সন্তায় পাওয়া যায় তবে লোকে প্রত্যেক কাজে বেশি করে এবং অনেক নৃতন কাজে বিদ্যুৎ ব্যবহার করবে; কারেণ্টের দাম বাড়লে লোকে ব্যবহার করবে এবং যেখানে সম্ভব সেখানেই অন্তর্ভুক্ত জিনিস দিয়ে কাজ চালাতে আরম্ভ করবে। মুনের দাম দ্রু-আনা থেবে দশ পয়সা হলে চাহিদার যতটা কমতি দেখা যাবে, বৈদ্যুতিক কারেণ্টের দাম সেই পরিমাণ বাড়লে চাহিদার কমতি হবে অনেক বেশি। বিদ্যুৎ এবং মুন, ঢটির চাহিদাই পরিবর্তনশীল, কিন্তু পরিবর্তনের অনুপাত বিভিন্ন। এই ঢটি উদাহরণকে আলাদা করে দেখতে হলে আমরা বলতে

পাৰি যে বিদ্যুতেৰ চাহিদা ‘অতিপৱিবৰ্তনশীল’ এবং মুনেৱ চাহিদা-একেবাৱে অপৱিবৰ্তনশীল না হলেও ‘অনঅতিপৱিবৰ্তনশীল’ নিশ্চয়ই।

সুতৰাং চাহিদা তু-ৱকমেৱ— ‘অতিপৱিবৰ্তনশীল’ ও ‘অনঅতিপৱিবৰ্তনশীল’। যে জিনিস আমাদেৱ একান্ত প্ৰয়োজনীয় তাৱ চাহিদা দ্বিতীয় শ্ৰেণীতে পড়বে; যে জিনিস আমাদেৱ না হলেও চলে, যাৱ পৱিবৰ্তে অন্ত জিনিস ব্যবহাৱ কৱা চলে, এবং যে জিনিসটা ইচ্ছা কৱলে কমবেশি ৱকমেৱ কাজে লাগানো যায় তাৱ চাহিদা হবে ‘অতিপৱিবৰ্তনশীল’। প্ৰয়োজনীয় জিনিসেৱ প্ৰাণ্তিক কাম্যতা প্ৰথমটা খুব বেশি, কিন্তু জিনিসটা কিছু পৱিমাণে পাওয়া গেলেই প্ৰাণ্তিক কাম্যতাৰ হ্ৰাস হয় খুব দ্রুত। আৱামেৱ বা শথেৱ জিনিসেৱ প্ৰাণ্তিক কাম্যতা খুব বেশি না হলেও কমে খুন ধৌৱে ধৌৱে; সুতৰাং দাম একটু কমে গেলেই চাহিদা অনেকটা বাড়বাৱ সন্তোষনা থাকে।

পৱিবৰ্তনশীলতাৰ মাপকাঠি পাওয়া যাবে মূল্য-পৱিবৰ্তনেৱ অনুপাতেৱ সঙ্গে চাহিদা-পৱিবৰ্তনেৱ অনুপাত তুলনা কৱলে। দাম কমাৱ সঙ্গে সঙ্গে যদি চাহিদাৰ এত বৃদ্ধি হয় যে ক্ৰেতাৱ মোট ব্যয় বেড়ে যায় তবে সে ক্ষেত্ৰে চাহিদাকে বলব অতিপৱিবৰ্তনশীল বা পৱিবৰ্তনশীলতা এককেৱ চেয়ে বেশি; যদি দাম কমবাৱ ফলে চাহিদাৰ বৃদ্ধি এত কম হয় যে ক্ৰেতাৱেৰ মোট ব্যয় কমে যায় তবে চাহিদা অনঅতিপৱিবৰ্তনশীল বা পৱিবৰ্তনশীলতা এককেৱ চেয়ে কম; আৱ দাম কমলে যদি দেখি ক্ৰেতাৱ মোট ব্যয় বাড়েওনি, কমেওনি, তবে পৱিবৰ্তনশীলতাকে এককেৱ সমান ধৰে নেব। চাৱ আনা দামে একশটি জিনিস বিক্ৰি হলে ক্ৰেতাৱেৰ মোট ব্যয় পঁচিশ টাকা। দাম যদি তিন আনায় নামে আৱ ফলে চাহিদা বেড়ে হয় একশ কুড়ি তবে ক্ৰেতাৱেৰ মোট ব্যয় ২২১০; চাহিদাৰ পৱিবৰ্তনশীলতা এককেৱ চেয়ে কম। তিন আনা দামে চাহিদা

যদি ১৫০-এ উঠত তবে ক্রেতাদের মোট ব্যয় হত ২৮৭/০ এবং পরিবর্তনশীলতা এককের চেয়ে বেশি। চাহিদা যদি হত ১৩০ তবে ক্রেতাদের মোট ব্যয় হত ২৪৬/০, অর্থাৎ আগেকার ব্যয়ের সমানই; এক্ষেত্রে পরিবর্তনশীলতা এককের সমান ধরে নেওয়া যায়।

মূল্য-পরিবর্তনের সঙ্গে সঙ্গে যেমন চাহিদার পরিবর্তন হয় তেমনি আরো অনেক কারণে চাহিদার হ্রাসবৃদ্ধি হতে পারে। বিশেষতঃ ক্রেতার আয়ের সঙ্গে চাহিদার একটা মুখ্য সম্বন্ধ আছে। মাছ সস্তা হলে আমি বেশি করে মাছ কিনব; কিন্তু মাছের দাম না কমলেও (বা এমন কি বাড়লেও) আমার মাছের চাহিদা বাড়তে পারে যদি ইতিমধ্যে আমার আয়বৃদ্ধি হয়ে থাকে। মূল্য-পরিবর্তনের অনুপাতের সঙ্গে চাহিদার হ্রাসবৃদ্ধি তুলনা করে আমরা চাহিদার ‘মূল্যানুগ পরিবর্তনশীলতা’ মাপতে পারি, তেমনি আয়-পরিবর্তনের অনুপাতের সঙ্গে চাহিদার হ্রাসবৃদ্ধি তুলনা করে আমরা চাহিদার ‘আয়ানুগ পরিবর্তনশীলতা’ পরিমাপের চেষ্টা করতে পারি। মূল্য-পরিবর্তন এবং চাহিদার পরিবর্তন হবে বিপরীতমুখী; আয়-পরিবর্তন ও চাহিদার পরিবর্তন হবে সাধারণত একমুখী।

প্রাণ্তিক কাম্যতা হ্রাসের নিয়ম থেকেই আর একটি মূলস্থিতে পৌছনো যাবে। আমার হাতে যদি একটা টাকা থাকে এবং সে টাকাটা নিয়ে মাছ আর তরকারি কিনতে আমি বাজারে যাই তবে আমার মনে এই সমস্তাটা উঠবে যে ক'আনার মাছ কিনব আর ক'আনার তরকারি। অতিরিক্ত মাছ কিনে ফেললে সবজি কেনার জন্য বেশি পয়সা থাকবে না; ফলে মাছের প্রাণ্তিক কাম্যতা হবে কম, আর সবজির প্রাণ্তিক কাম্যতা বেশি। যদি একটু কম মাছ কিনে আর একটু বেশি তরকারি কিনতাম তবে তৃপ্তি একদিকে যতটা কমত আর একদিকে বাড়ত তার চেয়ে বেশি। যতক্ষণ একটা জিনিসের প্রাণ্তিক কাম্যতা কম এবং আর

একটা জিনিসের প্রাণ্তিক কাম্যতা বেশি, ততক্ষণ প্রথমটার ব্যবহার কমিয়ে দ্বিতীয়টার ব্যবহার বাড়লে মোট তৃপ্তি বাড়বে। কিন্তু- প্রথমটার ব্যবহার কমালে সেটার প্রাণ্তিক কাম্যতা উপরের দিকে উঠবে আৱ দ্বিতীয় জিনিসটার ব্যবহার বাড়লে সেটার প্রাণ্তিক কাম্যতা নেমে আসবে— এবং যতক্ষণ না দুটিৰ প্রাণ্তিক কাম্যতা সমান হয়ে যাব ততক্ষণ পরিবৰ্তনেৰ ফলে মোট তৃপ্তি বাড়বে। সুতৰাং মোট তৃপ্তি বহুলতম হবে তখন, যখন মাছেৰ প্রাণ্তিক কাম্যতা ও তৱকাৰিৰ প্রাণ্তিক কাম্যতা সমান সমান।

তটি জিনিসেৰ উদাহৰণ নিয়ে যা দেখানো হল, তিনটি বা ততোধিক জিনিসেৰ বেলাও তাই থাটে। যতক্ষণ আমাদেৱ আয় বা উপায় সীমাবদ্ধ ততক্ষণ নানা দিকে আয় বা উপায়কে বুদ্ধিমানেৰ মত ছড়িয়ে দিয়ে তৃপ্তিকে প্ৰভৃততম করে তোলাই আমাদেৱ উদ্দেশ্য, এবং তৃপ্তি প্ৰভৃততম হবে তখনই যখন বিভিন্ন জিনিসেৰ ব্যবহাৰে সমান সমান প্রাণ্তিক তৃপ্তি পাওয়া যাবে। এটাকে আমৱা ‘প্রাণ্তিক কাম্যতাৰ সমতাৰ নিয়ম’ নাম দিতে পাৰি। জিনিসেৰ ব্যবহাৰেৰ সব ক্ষেত্ৰে— ভোগে এবং উৎপাদনে— এই প্রাণ্তিক কাম্যতাৰ সমতা আসবাৰ দিকে একটা প্ৰবণতা দেখা যাবেই।

আমৱা আগেই দেখেছি জিনিসেৰ দাম নিৰ্ভৰ কৱে প্রাণ্তিক কাম্যতাৰ উপরে, মোট তৃপ্তিৰ উপরে নয় ; এবং প্রাণ্তিক কাম্যতা সৰ্বদাই মোট তৃপ্তিৰ চেয়ে কম। সুতৰাং যে দামে আমৱা জিনিস কিনি সেটা মোট তৃপ্তিৰ পৱিমাপ নয় ; কিছুটা ‘উন্নত তৃপ্তি’ আমৱা পেয়ে যাই। জিনিসটা ব্যবহাৰ কৱতে পাৱলে একদিকে একটা মোট তৃপ্তি আমাদেৱ পাওনা ; অন্ত দিকে দাম দিতে হয় বলে একটা অতৃপ্তিও আছে। ব্যবহাৰেৰ তৃপ্তি যদি মূল্যদানেৰ অতৃপ্তি থেকে বেশি হয় তবেই একটা উন্নত তৃপ্তি ভোগ কৱা

সন্তুষ্ট। অধিকাংশ ক্ষেত্রেই ব্যবহারের তৃপ্তি মূল্যদানের অতৃপ্তি থেকে অনেকটা বেশি, এবং ক্রেতাও তাই থানিকটা উদ্ভৃত স্বীকৃত পেয়ে থাকে।

একটা সহজ উদাহরণ নেওয়া যাক। আজকাল দু-আনা দিয়ে আমরা খবরের কাগজ কিনছি; আগে কিনতাম এক আনায় এবং সে কাগজে পৃষ্ঠাসংখ্যাও বেশি থাকত। যে কাগজের জন্য দু-বছর আগে আমরা এক আনা দিয়েছি সে কাগজ এখন আমরা দু-আনা দিয়ে বা তারও বেশি দিয়ে কিনতে রাজি আছি। অতএব যখন এক আনায় কাগজ কিনেছি তখন কিছুটা উদ্ভৃত তৃপ্তি আমাদের ভোগে এসেছে। এখনো বোধ হয় উদ্ভৃত একেবারে নির্মল হয়নি, কারণ দু-আনার বেশি দাম হলেও তো আমরা কাগজ কিনতে পারি। যে জিনিসটা দুস্পাপ্য হলে আমি পাচ টাকাও দিতে রাজি হব সেটা যদি বাজারের অবস্থাণ্ণনে আট আনায় পাই তবে আমার ভোগের তৃপ্তি মূল্য দানের অতৃপ্তি থেকে অনেক বেশি; প্রায় বলা যায় যে সাড়ে চার টাকা পরিমাণের উদ্ভৃত তৃপ্তি এক্ষেত্রে আমি পেয়েছি। বাজারে সাধারণ অবস্থায় এমন অনেক জিনিস পাওয়া যাবে যা আমরা সন্তায় কিনি, কিন্তু দাম হলেও কিনতাম। দরকার হলে যে জিনিসের জন্য আমি বেশি দাম দিতাম, সে জিনিসটাই যদি কম পয়সায় মেলে তবে আমার স্বাচ্ছন্দ্যের পরিমাণ বাড়ে।

অবশ্য এই তৃপ্তির উদ্ভৃত মাপতে গেলে গোলমালে পড়তে হবে। যে দাম দিয়ে জিনিস কিনি সেটা জানি; দরকার হলে যে দাম দিতাম সেটা কে বলে দেবে? অন্ত জিনিসের দাম ঠিক থাকলে হয়তো একটা জিনিস বেশি দাম দিয়েও কিনতাম; কিন্তু সব জিনিসেরই অভাব হলে কোন্টার জন্য কত দাম দিতাম বলা শক্ত। নির্তান্ত প্রয়োজনীয় জিনিসের অভাব হলে কী দাম আমরা না দেব সেটা বলাই কঠিন। যে জিনিসের বদলি পাওয়া

যায় বা যে জিনিসটা আর একটা অনুপূরক না হলে ব্যবহারই করা যায় না, তার দেওয়া তৃপ্তির মাপ হয় কি করে ? আমি হয়তো বিশেষ প্রয়োজনের ক্ষেত্রে তুনের জন্য এক টাকা পর্যন্ত দেব আর চন্দ্রপুরের মহারাজা বোধ হয় পঞ্চাশ টাকা দিতেও আপত্তি করবেন না ; বাজারের অবস্থাগুণে যদি আমরা দু-জনেই দু-আনা দামে মুন কিনি তবে কি উদ্বৃত্তি তৃপ্তি আমার কম আর মহারাজার বেশি ? প্রাণ্তিক কাম্যতা দিয়ে মূল্য নির্ণীত হয়, কিন্তু দাম আগরা দিট কি শুধু প্রাণ্তিক কাম্যতার জন্যই, না মোট তৃপ্তিটা লাভের আশায় ? এসব প্রশ্নের কয়েকটার উত্তর দেওয়া চলে, কিন্তু একথা মেনে নেওয়াই ভাল যে উদ্বৃত্তি তৃপ্তির ধারণা যত সহজে করা যায়, পরিমাপ তত সহজে করা যায় না। শুধু এটক বলা যেতে পারে যে বাজারে জিনিসের মূল্যবৰ্দ্ধি ক্রেতার কাছে আয় করারই নামান্তর ; আর আয় করলে মে ক্ষতি হবার সম্ভাবনা দাগ করলে সেটা প্রমিয়ে যেতে পারে ।

এক প্রাণ্তিক কাম্যতা হাসের নিয়ম থেকে আগরা অনেক কিছু পেয়ে গেলাম— চাহিদার নিয়ম, চাহিদার পরিবর্তনশীলতা, বহু জিনিসের ব্যবহারে প্রাণ্তিক কাম্যতার সমতা, এবং সর্বশেষে, মোট তৃপ্তি ও প্রাণ্তিক তৃপ্তির মধ্যে পার্শ্বকাজনিত উদ্বৃত্তি তৃপ্তি । ব্যবহার ও চাহিদার সাধারণ নিয়ম সব এরই মধ্যে খুঁজে পাওয়া যাবে । এবারে উৎপাদনের দিকে দৃষ্টি দিলেই আমরা দুটি দিককে এক করে আনতে পারব । জিনিসের ব্যবহার সম্ভব হয় উৎপাদনের ফলে এবং ব্যবহার করা মানেই আরো উৎপাদনের প্রয়োজন স্থিতি করা । একটা জিনিস ব্যবহার করলে তার তৃপ্তিদান ক্ষমতা কমে যায়— কোনো ক্ষেত্রে একেবারে, কোনো ক্ষেত্রে আস্তে আস্তে । ব্যবহার যখন সম্পূর্ণ হয় তখন তৃপ্তিদান-ক্ষমতার সম্পূর্ণ অবসান ঘটে । একটা আম একবার খাওয়া হয়ে গেলেই তার ব্যবহার

সম্পূর্ণ, কারণ আর তার তৃপ্তি দেবার ক্ষমতা থাকে না। একটা শাট্ৰু ব্যবহার কৱলে আস্তে আস্তে তার তৃপ্তিদান-ক্ষমতা চলে যেতে থাকে এবং এক বছৰ পৰে হয়তো দেখা যাবে যে শাট্টী আৰ ব্যবহার কৱা যাব না, অৰ্থাৎ তার তৃপ্তিদানেৰ ক্ষমতা সম্পূর্ণ তিৰোহিত হয়েছে; আবাৰ তখন বাজাৰে ছুটতে হবে নৃতন জামাৰ সন্ধানে, নৃতন উৎপাদনেৰ জন্ম, চাহিদা নিয়ে। ব্যবহার মানে কাম্যতাৰ বিলয়; উৎপাদনেৰ উদ্দেশ্য কাম্যতা বা তৃপ্তিদান-ক্ষমতাৰ স্ফজন।

## তৃতীয় পরিচ্ছেদ

### উৎপাদন ও সৱবৱাহ

উৎপাদনেৰ প্ৰধান উদ্দেশ্য তৃপ্তিদান-ক্ষমতা স্ফজন কৱে ভোগ বা ব্যবহার সন্তুষ্টি কৱতে পাবে না— যা কৱতে পাবে তা হল পুৱানো জিনিসেৰ নৃতন রূপ দিয়ে সেটাকে ভোগ্য বা ব্যবহাৰ্য কৱে তোলা। যে কাঠ আৱ লোহা পৃথিবীতে আছে তাকে টেবিলেৰ বা রেল-লাইনেৰ রূপ দিলে যে কাজ আগে কৱা যেত না তা কৱা সন্তুষ্টি হবে। এই নৃতন কাম্যতা স্ফজনেৰ নামই উৎপাদন।

জিনিসেৰ রূপ বা আকাৰ বদলানো ছাড়া অন্ত উপায়েও কাম্যতা স্ফজন সন্তুষ্টি হতে পাবে। রেল-কোম্পানি রানীগঞ্জ থেকে কলকাতায় কয়লা নিয়ে আসে এবং কয়লাৰ স্থান পরিবৰ্তন কৱেই তার অভাৱমোচনেৰ ক্ষমতা বাড়িয়ে দেয়; রানীগঞ্জেৰ কয়লা কলকাতাৰ লোককে তৃপ্তি দেবার ক্ষমতা অৰ্জন কৱে। দোকানদাৰ অগ্ৰহায়ণ মাসে চাল কিনে রেখে যদি সে চাল চৈত্ৰ মাসে বিক্ৰি কৱে তবে সেও কাম্যতা স্ফষ্টি কৱে, কারণ অগ্ৰহায়ণ

মাসের চালকে চৈত্র মাসে না আনতে পারলে চৈত্র মাসের অভাব মিটিবে না। কাম্যতা ‘আকারগত’, ‘স্থানগত’ ও ‘কালগত’ হতে পারে, এবং এর যে-কোনো রকমের কাম্যতা স্ফজনকেই আমরা উৎপাদন বলতে পারি। আবার জিনিসে হাত না দিয়েও কাম্যতা স্ফজন করা যায়। যে গায়ক গান গেয়ে আমাদের তৃপ্তি দেয় সেও উৎপাদক; তার গান শোনা হয়তো বহুলোকের কাম্য এবং পয়সা দিয়েই তারা গান শোনে। উকিল ডাক্তার বিচারক অভিনেতা মাস্টার এদের কেউই স্পর্শনীয় জিনিস তৈরি করে না; কিন্তু এরা সকলেই কাম্যতা স্ফজন করে, এমন তৃপ্তি দেয় যার জন্ত লোকে দাম দিতে রাজি আছে। কামার কুমার তাঁতী চাষী রেল-কোম্পানি বা দোকানদারের মত এদেরও উৎপাদকের পর্যায়ে ফেলতে হবে। চোর বা গাঁটকাটা উৎপাদক নয়, কারণ তাদের শ্রমের ফল সমাজের পক্ষে কাম্য নয়; গাঁটকাটার কাজের জন্ত যদি খোলা বাজারে মূল্য জুটত তবেই তাকে আমরা সমাজের চোখে উৎপাদক বলতে পারতাম।

উৎপাদনের প্রধান ‘উপাদান’ তিনটি— জমি ও প্রকৃতিদ্রুত অগ্নাত সম্পদ, মানুষের শ্রম এবং সঞ্চিত মূলধন। এই তিনটির সংযোগ না হলে কোনো উৎপাদনই আজকাল সম্ভব নয়। যান্ত্রিক উৎপাদনের ফলে উৎপাদন-প্রতিষ্ঠানে আয়তন বড় হয়ে এসেছে এবং সঙ্গে সঙ্গে উপাদানগুলির যথাধিক সংযোগের শুরুত্ব বেড়েছে। অনিচ্ছিতা ও ঝুঁকি আজকাল আগের চেয়ে অনেক বেশি। উৎপাদনের জন্ত কি কি আবশ্যিক তার তালিকা করলে ‘জমি’, ‘শ্রম’ ও ‘মূলধনের’ সঙ্গে ‘সংযোগ-নেপুণ্য’ এবং ‘অনিচ্ছিতাবহন’কেও ধরে নিতে হয়।

কৃষিকার্যে জমির শুরুত্ব যতটা অন্ত উপাদানের ততটা নয় নিচয়ই। কিন্তু খানিকটা জমি বা প্রকৃতিগত সম্পদ সব উৎপাদনেই প্রয়োজন।

কৃষিকার্যে জমির উৎপাদিকাশক্তির ক্রমিক হ্রাস লক্ষ্য করে ওয়েস্ট এবং  
রিকার্ডে উৎপাদনহ্রাসের নিয়ম আবিষ্কার করেছিলেন। আজকাল  
আমরা দেখি যে উৎপাদন-হ্রাসবৃদ্ধির সাধারণ নিয়মের মধ্যেই জমির  
বিশেষ নিয়মটিকে খাপ থাইয়ে নেওয়া যায়; সুতরাং জমির উর্বরাশক্তির  
হ্রাসকে অধিকাংশ ক্ষেত্রে সত্য বলে মেনে নিয়ে উৎপাদনের সাধারণ নিয়ম  
আবিষ্কারের চেষ্টা আমরা যথাস্থানে করব। জমির আরো কয়েকটি বিশেষত্ব  
লক্ষ্য করা যেতে পারে। জমিকে স্থানান্তরে নেওয়া যায় না, এবং সেজগ্রাহ  
কলকাতায় যে দামে জমি বিক্রি হয় তার একটা ছোট ভগ্নাংশ দিয়েই  
কলকাতার পাঁচ মাইল দূরে জমি কেনা যায়। দুটি কলম, দুটি ছাতা বা  
দুটি মোটরকার ঠিক একরকম হওয়া কঠিন নয়, কিন্তু দুটি জমি ঠিক  
একরকম কখনো হয় না—কোনো-না-কোনো দিক দিয়ে তাদের পার্থক্য  
থাকবেই। সর্বোপরি, জমির মোট পরিমাণ সৌমাবন্ধ— যে দেশে ব্যবহার্য  
সব জমিই ব্যবহারে এসেছে সে দেশে জমির পরিমাণ বাড়ানো যায় না  
এবং কমিয়ে লাভ নেই। অবশ্য প্রয়োজন হলে পাটের জমিতে ধান চাষ  
ক'রে ধানের জমির পরিমাণ বাড়ানো যায়, কিন্তু তারও একটা সৌমা  
আছে, এবং মোট জমির দিক দিয়ে দেখলে পরিমাণের সৌমাবন্ধতা  
অস্বীকার করবার উপায় নেই।

প্রকৃতিদ্বারা সম্পদের উপরে মানুষের শ্রম প্রযুক্তি হয় মূলধনের সহায়তায়।  
শ্রমের কার্যকারিতা নির্ভর করে শ্রমিকের দক্ষতার উপরে। তাদের দৈহিক  
স্বাস্থ্য, জীবনযাত্রা, দেশের জলবায়ু ইত্যাদি অনেক কিছু শ্রমিকের কর্ম-  
পটুতাকে প্রভাবিত করে। কর্মকর্তার সংযোগনেপুণ্যের গুণেও শ্রমিকদের  
পটুত্ব বাড়ানো সন্তুষ্ট। শ্রমিকদের সংখ্যা যদি অতিরিক্ত কিম্বা অযথেষ্ট  
হয় তবেত শ্রমের মোট কার্যকারিতা কমে যায়। শ্রমিকদের সংখ্যা  
নির্ভর করে তিনটি জিনিসের উপরে— মোট জনসংখ্যা, জ্বী ও পুরুষের

অনুপাত এবং একদিকে বালক ও বৃন্দ, ও অপরদিকে কর্মক্ষম লোকের সংখ্যার মধ্যে অনুপাত। শেষের হটি যদি সহজে না বদলায় তবে শ্রমিক সংখ্যা প্রধানতঃ নির্ভর করবে মেট জনসংখ্যার উপরেই।

প্রায় দেড়শ বছর আগে, ১৯৯৮ তে, ম্যালথস বলেছিলেন যে প্রত্যেক দেশেই জনসংখ্যা দ্রুতগতিতে বাড়তে থাকে এবং গাকবে, প্রতি পঁচিশ বা ত্রিশ বছরে দ্বিগুণিত হতে হতে। অপরদিকে খাত্তের পরিমাণ তত দ্রুতগতিতে বাঢ়ানো সম্ভব নয়। অতএব একদিন না একদিন প্রত্যেক দেশেই খাত্তাভাব ঘটবে, এবং তখন প্রকৃতির নির্মম হস্ত জনসংখ্যা হাসের কাজে নেমে আসবে। রোগে, অনাহারে, শিশুহত্যায়, যুদ্ধে, মারামারিতে জনসংখ্যা কমতে বাধ্য, যতক্ষণ না আবার প্রত্যেকের পক্ষে যথেষ্ট খাত্ত জোটে। কিন্তু সমস্তার এতে সমাধান হবে না, কারণ আবার জনসংখ্যা প্রত্যেক পুরুষে দ্বিগুণিত হতে গাকবে এবং আবার আসবে অনাহার এবং মহামারী এবং প্রকৃতির অমৌঘ বিধান আবার বহু লোকের মৃত্যু ঘটাবে। তাই ম্যালথস বলেছিলেন যে রোগ হবার পরে সারানোর চেয়ে হতে না দেওয়া ভাল। জনসংখ্যা যদি আগে থেকেই নিয়ন্ত্রিত করা যায় তবে অনাহার এবং মহামারী আসবেই না। সমাজের প্রত্যেকে যদি তার কর্তব্য সম্পর্কে অবহিত হয় এবং এই প্রতিজ্ঞা করে যে সন্তানের পালন এবং শিক্ষার পক্ষে যথেষ্ট উপার্জন না থাকলে সে সন্তানের জন্ম দেবে না তবে চরম দ্রবস্থা কোন কালেই আসবে না।

ম্যালথসের সিদ্ধান্তে অনেক ভুল বার করা আজ সম্ভব। ক্ষমিকার্যে ও যান্ত্রিক উৎপাদনে আজকাল এত উন্নতি হয়েছে যে একটা জগন্নাপী ছবিক্ষের সন্তাননা এখন বহুদূরে। তাছাড়া সন্তানলাভের ইচ্ছাটাকে যত বড় বলে ম্যালথস মনে করেছিলেন আসলে সেটা যে তত বড় নয়

আজকালকার সমাজ সেটা প্রমাণ করেছে। জীবিকানির্বাহের উপায় এখন আগের চেয়ে কঠিনতর ; সন্তান পালন করতে এবং তাদের শিক্ষিত করতে পিতামাতার যে ব্যয় হয়, সন্তানের আয় থেকে ততটা লাভ পিতামাতার হয় না ; মেয়েদের মধ্যে অবিবাহিতের সংখ্যা বেড়েছে এবং বিবাহিত মেয়েদেরও সকলেই সন্তান কামনা করে না। ফলে, জনসংখ্যা বৃদ্ধির ভয় পাঞ্চাঙ্গ দেশে দূর হয়ে গেছে ; যে ভয় এসেছে সেটা জনসংখ্যা হ্রাসের ভয়। কুৎসিনঙ্কি প্রমুখ কয়েকজন বর্তমান যুক্তির আগে দেখিয়েছিলেন যে ইউরোপে অনেক দেশেই ভাবী জননীদের সংখ্যা কমে আসছে এবং এর অবশ্যিক ফল হবে জনসংখ্যার হ্রাস।

জনসংখ্যার হ্রাসের রাষ্ট্রনৈতিক গুরুত্ব অনেকথানি। অর্থনীতির দিক দিয়ে একথা বলা যায় যে অতিরিক্ত জনসংখ্যা যেমন হানিকর, অত্যন্ত জনসংখ্যাও তেমনি। ঠিক কত লোক থাকলে দেশের সব চেয়ে বেশি উপকার সেটা জানতে গেলে দেশের প্রাকৃতিক সম্পদ, মূলধন ও উৎপাদন বিধির দিকে তাকাতে হয়। খুব অল্প লোক থাকলে দেশের সম্পদের স্রষ্টু এবং পরিপূর্ণ ব্যবহারই হয়তো সম্ভব হবে না ; আবার খুব বেশি লোক থাকলে প্রত্যেকের ভাগে এত কম পড়ে যাবে যে গড়পড়তা উৎপাদন ও আয় কম হবে। জনসংখ্যা যত হলে দেশের লোকের গড়পড়তা উৎপাদন, আয় ও স্বাচ্ছন্দ্য বহুলতম হবে সেটাকেই আমরা ‘বাঞ্ছনীয়তম জনসংখ্যা’ বলতে পারি। যে দেশে প্রাকৃতিক সম্পদ ও জনসংখ্যার মধ্যে এই বাঞ্ছনীয়তম সহযোগ এখনো আসেনি সে দেশে সংখ্যা বাড়লে মঙ্গল ; যে দেশে এই বাঞ্ছনীয়তম সহযোগ অতিক্রান্ত হয়েছে সে দেশে জনসংখ্যা বৃদ্ধির সঙ্গে সঙ্গে দারিদ্র্যও ক্রমবর্দ্ধিমান হতে বাধ্য।

উৎপাদনের তৃতীয় উপাদান মূলধন। যাতে উৎপাদনের সহায়তা হয় যার ব্যবহারে উৎপাদন বাঢ়ে, শ্রম লাঘব হয়, শ্রম অধিকতর পরিমাণে

কার্যকরী হয় তারই নাম ‘বাস্তব মূলধন’ ; লাঙল, করাত, টাঁত, ফ্যাট্টিরির বিরাট যন্ত্র, সবই মানুষের শ্রমকে অধিকতর কার্যকরী করে। অবশ্য সাধারণত আমরা মূলধনকে অর্থের পরিমাপেই দেখি ; কিন্তু একথা বোৰা সহজ যে হাজার-টাকার কোনো উৎপাদন-ক্ষমতা নেই, হাজার টাকা দিয়ে গেঞ্জি বোনার কল কিনলে টাকাটা খাটি মূলধনে পরিণত হতে পারে। ‘আর্থিক মূলধন’কে ‘বাস্তব মূলধনে’ পরিণত না করলে উৎপাদন অসম্ভব।

আর্থিক মূলধন আমে প্রথমত সঞ্চয় থেকে। উৎপাদক নিজেই যে সব সময়ে সঞ্চয় করে তা নয়— সুদ দিলেই অন্তের সঞ্চয় ধার করে আনা যেতে পারে, বিশেষত ব্যাঙ্কের মধ্যস্থতায়। যে দেশে লোকের সঞ্চয়প্রবৃত্তি প্রবল— অপত্যস্নেহ, দূরদর্শিতা, লাভের আশা, প্রতিপত্তির লোভ বা অথগঢ়ুতা, যে-কোনো কারণেই হোক না কেন— যে দেশে সাধারণ লোকের আয় বেশি, এবং যে দেশে ঘণ্টেষ্ঠ ব্যাঙ্ক আছে, বীমা-প্রতিষ্ঠান বা ঘোগ ব্যবসায় আছে, সে দেশে সঞ্চয় বেশি হ্বার সন্তান। এবং মূলধনও সে দেশে বেশি ছুটবে। অবশ্য আর্থিক মূলধন বা সঞ্চয়কে বাস্তব মূলধনে পরিণত না করলে উৎপাদন অব্যাহত থাকবে না। আমাদের আর্থিক জীবনের সব চেয়ে বড় সমস্তাগুলির উৎপত্তি খুঁজলে দেখা যাবে যে অনেক সময়ই দেশের সঞ্চয় অর্থাৎ আর্থিক মূলধনের সবটা বাস্তব মূলধনে পরিণত হয় না, খানিকটা সঞ্চয় অব্যবহৃত পড়ে থাকে, যেটা ভোগ্যবস্তুর ক্রয়ে ন্যায় করা হয় না, আবার উৎপাদনেও ব্যবহৃত হয় না।

মূলধন সংগ্রাহের সমস্তা আধুনিককালে বৃহত্তর হয়ে এসেছে। আগে সপ্তাহ উৎপাদন হত ছোট ছোট প্রতিষ্ঠানে তখন একজনের পক্ষেই সবটা প্রয়োজনীয় মূলধন সরবরাহ করা সন্তুষ্ট হত। তখন প্রতিষ্ঠানের মালিকই মূলধনের ব্যবস্থা করত এবং ক্ষতি হলে একাই সেটা বহন

করত, লাভ হলে সবটা লাভই হত তার নিজের। ক্রমে যখন আরো একটু বড় প্রতিষ্ঠানের প্রয়োজন হল তখন দু-তিনজন অংশীদার মিলে মূলধন ঘোগানোর ভার নিল। আজকাল আর দু-তিনজন অংশীদারের সহযোগে কাজ চলে না; বহু অর্থের প্রয়োজন হওয়াতে অংশীদারের সংখ্যা বৃদ্ধি পেয়েছে এবং ফলে যে ধরনের প্রতিষ্ঠান সাধারণ হয়ে এসেছে তার নাম ‘যৌথ প্রতিষ্ঠান’। অসংখ্য অংশীদার ছোট ছোট অংশে মূলধন সরবরাহ করে এবং প্রতিষ্ঠানের পরিচালনা করেন অংশীদারদের প্রতিনিধি বা ‘ডিরেক্টর’রা। বছরে একবার প্রতিনিধি নির্বাচন ছাড়া অংশীদারদের আর কোনো কাজই নেই। যদি প্রতিষ্ঠানের লাভ হয় অংশের পরিমাণ অনুসারে অংশীদারের মধ্যে ‘লভ্যাংশ’ বণ্টিত হবে। যদি ক্ষতি হয়, অংশীদারের মূলধনটা নষ্ট হতে পারে, কিন্তু যদি সে একবার তার অংশের সবটা টাকা দিয়ে ফেলে গাকে তবে আর তার কাছ থেকে কেউ কিছু আদায় করতে পারবে না। অংশীদারের সুবিধা নানাদিকে— তার দায়িত্ব সীমাবদ্ধ এবং ইচ্ছা করলে সে তার নিজের অংশ বাজারে বিক্রী করে দিতে পারে।

যৌথ প্রতিষ্ঠানই আজকালকার উৎপাদন সম্ভব করেছে। বিরাট ফ্যাক্টরিতে উৎপাদন চালাতে হলে অনেক মূলধন প্রয়োজন এবং যৌথ প্রতিষ্ঠান ছাড়া অন্ত কোনো উপায়ে মূলধন সংগ্রহ সম্ভব হত না। অংশ বিক্রয় ছাড়াও বাজার থেকে বা ব্যাঙ্ক থেকে ধার নিয়ে যৌথ প্রতিষ্ঠান মূলধন সংগ্রহ করতে পারে; কিন্তু ধারা টাকা ধার দেয় তাদের অধিকার মহাজনের; অংশীদারের অধিকার মালিকের। উৎপাদন প্রতিষ্ঠান ক্রমেই বৃহত্তর হয়ে আসছে এবং যেখানে অনেকগুলি প্রতিষ্ঠান ‘সংঘবন্ধ’ হয়ে ব্যয়হাসের সঙ্গে সঙ্গে একচেটিয়া লাভের চেষ্টাও করে সেখানেও যৌথ প্রতিষ্ঠানের নীতিই অবলম্বিত হয়।

জমি, শ্রম ও মূলধনের উপযুক্ত সহযোগ ভিন্ন উৎপাদনকার্য ভালোভাবে চলতে পারে না। এই সহযোগ নির্ভর করে কর্মকর্তার প্রয়োগ- বা সংযোগ-নৈপুণ্যের উপরে। উৎপাদন যতই জটিলতর হয়ে আসছে কর্মকর্তার প্রয়োগনৈপুণ্যের প্রয়োজনও ততই বেশি অনুভূত হচ্ছে। কিভাবে প্রতিষ্ঠানে শ্রমবিভাগ হবে, কোথায় যন্ত্র ব্যবহৃত হবে, কোন্‌জিনিস্টা কোন্‌ সময়ে কঁটটা উৎপন্ন করতে হবে, ভবিষ্যতে চাহিদা কিরকম হবার সন্তান। সবই কর্মকর্তাকে জানতে হবে এবং সেই অনুসারে কর্মচারীদের নির্দেশ দিতে হবে। যে বুকিকে বীমা করে অপস্থিত করা যায় তাকে দূর করতে হবে এবং যে অনিশ্চয়তা সম্বন্ধে কিছুই আগে থেকে বোঝা যায় না তার দায়িত্বও কর্মকর্তাকেই গ্রহণ করতে হবে।

আধুনিক যুগের প্রয়োগনৈপুণ্যের সব চেয়ে বড় উদাহরণ স্থূল শ্রমবিভাগে এবং যন্ত্রপাতির ব্যবহারে। শ্রমবিভাগের উপকারিতা বহুদিন আগে অ্যাডাম শ্বিথ বিশদভাবে দেখিয়েছিলেন, কিন্তু আজকালকার স্থূল এবং বিস্তৃত শ্রমবিভাগ দেখবার স্বযোগ তিনি পাননি। শ্রমিকদের মধ্যে কাজ ভাগ করে দেবার ফলে তাদের প্রত্যেকের কাজ সহজ হয়েছে, কাজ শিখবার সময় কমে গেছে, শ্রমের কার্যকারিতা বেড়েছে, লোকের গুণ বা শক্তির পূর্ণ এবং যথার্থ ব্যবহার সন্তুষ্ট হয়েছে; এবং সর্বোপরি সন্তুষ্ট হয়েছে যন্ত্রের ব্যবহার। যন্ত্রের সাহায্যে যথেষ্ট পরিমাণে, সন্তায়, দ্রুতগতিতে এবং নিভুলভাবে জিনিস উৎপন্ন করা যায়, শ্রমিকের গায়ের জোরে যা সন্তুষ্ট নয় যন্ত্রের সাহায্যে অন্যায়ে তা হতে পারে।

শ্রমবিভাগের স্ববিধা পূর্ণভাবে পেতে হলে চাই অনেক শ্রমিক; যন্ত্রপাতির স্ববিধা বেশি করে পেতে গেলে লাগে অনেক মূলধন। অনেক শ্রমিক ও অনেক মূলধনের সহযোগে উৎপাদন সন্তুষ্ট করতে গিয়ে গড়ে উঠেছে বৃহৎ শিল্প প্রতিষ্ঠান— যারা বহু কাঁচামাল কেনে,

অতএব সন্তায় কেনে, যে জিনিস ফেলে দেওয়ার কথা তা থেকে ‘উপজাত’ জিনিস তৈরি করে কিছুটা খরচ উঠিয়ে নেয়, যারা যন্ত্রপাতি ব্যবহার করে প্রচুর এবং নৃতন উদ্ভাবনে সহায়তা করে, যারা বিক্রী করে অনেক এবং বিজ্ঞাপনের জন্ম টাকা খরচ করে নিজেদের বাজার বড় করে তোলে। যে ক্ষেত্রে বৃহৎ শিল্পপ্রতিষ্ঠান গড়ে উঠেছে সেখানে ছোট প্রতিষ্ঠানের দাঢ়িয়ে থাকা অনেক সময়ই সন্তুষ্ট হয় না।

এর ফল যে সব সময়েই ভালো হয় তা নয়। শ্রমবিভাগের কলে শ্রমিকের জীবন যান্ত্রিক, আনন্দহীন হয়ে এসেছে; যন্ত্রপাতির অধিকতর ব্যবহারে বহু শ্রমিকের অস্তত সাময়িকভাবে বেকার হতে হয়, শিল্প-প্রতিষ্ঠানের আশেপাশে কদর্য, জনবহুল, অস্বাস্থ্যকর শ্রমিকপল্লী গড়ে ওঠে। এই কুফল নিরাকরণ আধুনিক সমাজের অন্ততম প্রধান কর্তব্য। বৃহৎ শিল্পপ্রতিষ্ঠান সব বন্ধ করে দিয়ে আবার কুটিরশিল্পের দিকে পিছিয়ে যাওয়া যখন অসন্তুষ্ট, তখন কুফল দূরীকরণের চেষ্টাই করতে হবে। যেখানে কাঁচামাল, শ্রমিক, যানবাহন, জলবায়ু, বাজার ইত্যাদির সুবিধা আছে সেখানে সংকীর্ণ পরিসরের মধ্যে অনেক শিল্পপ্রতিষ্ঠান গড়ে উঠবে। বহু শিল্পপ্রতিষ্ঠানের ‘একদেশতা’ শ্রমবিভাগেরই দেশগত কথ। শক্তির তারতম্য অনুসারে যেমন শ্রমিকদের মধ্যে কাজের ভাগ হয়, সুবিধার তারতম্য অনুসারে, তেমন পাটের কল সব স্থাপিত হয় কলকাতার আশেপাশে গঙ্গার তীরে আর কাপড়ের কল অনেক খোলা হয় বোম্বাইয়ের উপকণ্ঠে। এই একদেশতা থেকে শ্রমবিভাগের সুবিধা পাওয়া যায়, কিন্তু যন্ত্রশিল্পের কুফলের অনেকটা আবার এই কারণেই আসে। বহুলতম সুবিধার সন্ধানে অনেক শিল্পপ্রতিষ্ঠান সংকীর্ণ ক্ষেত্রের মধ্যে গড়ে ওঠে এবং শ্রমিকপল্লীর কদর্যতা বহুগুণে বাড়িয়ে তোলে।

এবাবে আমরা উৎপাদনের হ্রাসবৃক্ষির সাধারণ নিয়ম আবিষ্কারের চেষ্টা করতে পারি। আমরা আগেই দেখেছি, জমি, শ্রম ও মূলধন সহযোগে উৎপাদন সম্ভব হয়। উৎপাদন বৃক্ষি করতে হলে এই তিনটি উপাদানের সহযোগিতাকে উপযুক্তম ক'রে তুলতে হবে। ঠিক কতখানি জমির সঙ্গে কতখানি শ্রম ও কতটুকু মূলধনের সংযোগ হলে উৎপাদন সবচেয়ে বেশি হবে সেটা অঙ্ক কষে বার করা যায় না; উৎপাদক নানা তুলভাস্তির ও পরীক্ষার ভিতর দিয়ে সেটা জেনে নেয়, কথনো একটু মূলধন বাড়িয়ে এবং দু-জন শ্রমিক কমিয়ে দিয়ে, কথনো নৃতন একফালি জমি কিনে, কথনো বা দশজন শ্রমিক নিযুক্ত করে। এ রকম পরীক্ষার ভিতর দিয়ে সে ক্রমে উপাদান-সংযোগের ‘বাঞ্ছনীয়তম অনুপাত’ বার করে নিতে পারে। যতক্ষণ না এই অনুপাতে পৌছনো যায়, ততক্ষণ ঘাটতি উপাদানের পরিমাণ বাড়ালে মোট উৎপাদন বর্ধমান হারে বাড়তে থাকবে। আবার এই বাঞ্ছনীয়তম অনুপাত ছাড়িয়ে গেলে, অর্থাৎ যদি একটা উপাদানের তুলনায় অন্তগুলি অত্যধিক কিম্বা অন্ত উপাদানের তুলনায় যে কোনো একটি অত্যধিক হয়ে পড়ে তবে মোট উৎপাদন কম হারে বাড়বে এবং গড়পড়তা উৎপাদন কমে আসতে থাকবে। অন্ত সব উপাদানের পরিমাণ যেখানে অপরিবর্তিত আছে সেখানে একটি উপাদানের নিয়োগ বাড়ালে যে বাড়তি উৎপাদনটুকু পাওয়া যাবে তাকে আমরা নাম দিতে পারি ‘প্রাণ্তিক উৎপাদন’; বাড়তি উৎপাদনটুকু পেতে গিয়ে যে বাড়তি ব্যয়টুকু হল তাকে বলতে পারি ‘প্রাণ্তিক ব্যয়’। বাঞ্ছনীয়তম অনুপাতে পৌছানোর কিছুটা আগে পর্যন্ত প্রাণ্তিক উৎপাদন বাড়তে বাড়তে যাবে এবং প্রাণ্তিক ব্যয় কমতে থাকবে; এবং এই অনুপাত ছাড়িয়ে গেলে প্রাণ্তিক উৎপাদন কমতে কমতে যাবে এবং প্রাণ্তিক ব্যয় বাড়তে থাকবে।

ফ্যাক্টরিতে উৎপাদনে দেখা যায় যে অনেকদূর পর্যন্ত প্রাণ্তিক উৎপাদন বাড়ানো বা প্রাণ্তিক ব্যয় কমানো সম্ভব। জমির গুরুত্ব ফ্যাক্টরির কাজে সামান্যই। যন্ত্রশিল্পের প্রধান প্রয়োজন কাচামাল, জালানি, শ্রমিক এবং বস্ত্রপাতি। এগুলির সংযোগে বাঙ্গলীয়তম অনুপাতে পৌছানো সহজ, কারণ এর যে-কোনোটাই পরিমাণ বাড়ানো বা কমানো যেতে পারে; এবং একবার উপযুক্ত অনুপাত খুঁজে পেলে সেই অনুপাত বজায় রেখেই প্রত্যেক উপাদানের ব্যবহার একসঙ্গে বাড়ানো যেতে পারে। তাছাড়া নৃতন নৃতন আবিষ্কারে উপযুক্তির অনুপাত খুঁজে পাবার সম্ভাবনাও আছে। কৃষিকার্যে অনেক সময়ই দেখি এর বিপরীত। এখানে জমির গুরুত্ব সব চেয়ে বেশি, এবং শ্রম ও মূলধনের নিয়োগ বাড়ানো গেলেও জমির পরিমাণ বাড়ানো সম্ভব হয় না। বেশি ধান পেতে হলে অধিকাংশ ক্ষেত্রে একই জমিতে আগের চেয়ে বেশি শ্রম ও মূলধন নিয়োগ করতে হয়। যে দেশে অনেক জমি অব্যবহৃত পড়ে আছে সে দেশে ‘বিস্তৃত কৃষি’ সম্ভব; কিন্তু জনবহুল দেশে সেটা সম্ভব নয়। চাষের কাজে বাঙ্গলীয়তম অনুপাত দ্রুত এসে যায়, এবং তার পরে চাষ বাড়ানো মানেই হল একই পরিমাণ জমিতে বেশি বেশি অগ্রান্ত উপাদান নিয়োগ করা, অর্থাৎ কাম্য অনুপাতকে বিপর্যস্ত করা। এই জন্মই জমি চাষে ‘অধিকাংশ ক্ষেত্রেই প্রাণ্তিক উৎপাদন করতে থাকে ও প্রাণ্তিক ব্যয় বাড়তে থাকে।

অবশ্য দুই ক্ষেত্রেই ব্যতিক্রম সম্ভব। ফ্যাক্টরির প্রসার এতদূর হতে পারে যে সব উপাদানকে সঞ্চিক অনুপাতে কাজে লাগানো সম্ভব হবে না; আবার বিশেষ কোনো একটি জমিতে নৃতন চাষের পক্ষতি ব্যবহারে বা অগ্র কোনো উপায়ে প্রাণ্তিক উৎপাদনের হাসকে কিছুদিনের জন্ম ঠেকিয়ে রাখা যেতে পারে। কিন্তু শেষ পর্যন্ত একই জমিতে বেশি ধান উৎপন্ন করতে গেলে অস্বিধা বাড়তে থাকবে; এবং যন্ত্রশিল্পেও প্রাণ্তিক

উৎপাদনের হ্রাস আসে বলেই প্রতিষ্ঠানের প্রসার বেশি বাড়ানো সব  
সময়ে লাভজনক হয় না।

প্রত্যেক প্রতিষ্ঠানকে উপাদান বিনিয়োগের অনুপাত সম্বন্ধে অবহিত  
থাকতে হয়। কর্মকর্তার উদ্দেশ্য জিনিস উৎপাদন করে এবং বিক্রী করে  
লাভবান হওয়া, এবং লাভের একটা বড় উপায় গড়পড়তা ব্যয়কে নিয়ন্ত্রণ  
করে আনা। প্রাণ্তিক ব্যয়ের দিকেও কর্মকর্তার নজর রাখতে হয়, বিশেষ  
করে যখন উৎপাদন বাড়ালে কিছুটা ‘প্রাণ্তিক আয়’ হবার সন্তাননা থাকে।  
একটু বেশি জিনিস তৈরি করে বেশি বাড়তি আয়টুকু হয় তার নাম দেওয়া  
যেতে পারে ‘প্রাণ্তিক আয়’। মোট ৫০০ খরচ করে একশটি জিনিস  
উৎপন্ন করে যদি মেগ্গলি আট টাকা দরে বিক্রী করা যায় তবে মোট  
আয় ৮০০। এবং লাভ ৩০০। একশ দশটি জিনিস তৈরি করতে  
যদি মোট ব্যয় হয় ৫৪৫, আর সে কয়টি জিনিস আট টাকা দরে  
বিক্রী করে যদি ৮৮০। পাওয়া যায়, তবে প্রাণ্তিক ব্যয় ৪৫। আর প্রাণ্তিক  
আয় ৮০। অর্থাৎ দশটি জিনিস বেশি তৈরি করাতে লাভ আছে কারণ  
প্রাণ্তিক আয় প্রাণ্তিক ব্যয়ের চেয়ে বেশি। প্রত্যেক প্রতিষ্ঠান এই সহজ  
নিয়মটি মেনে চলে যে যতক্ষণ প্রাণ্তিক আয় প্রাণ্তিক ব্যয় থেকে বেশি  
ততক্ষণ উৎপাদন বাড়ানো হবে এবং থামা হবে তখন যখন প্রাণ্তিক  
ব্যয় ও আয় ঠিক সমান হয়ে গেছে, অর্থাৎ যখন আর উৎপাদন  
বাড়ালে প্রাণ্তিক ব্যয় প্রাণ্তিক আয়কে ছাড়িয়ে যাবে। প্রাণ্তিক আয়  
ও ব্যয়ের সমতা যখন আসে তখনই প্রতিষ্ঠানের উৎপাদনে সাম্যস্থিতি  
আসতে পারে।

## চতুর্থ পরিচ্ছেদ

### বিনিময় ও মূল্য

পূর্ববর্তী ছটি অধ্যায়ে আমরা আর্থিক জীবনের প্রধান ছটি দিক দেখেছি— কি করে অভাবের তৃপ্তিকামনায় চাহিদার উৎপত্তি হয় এবং কি করে সেই চাহিদা মেটানোর জন্য উৎপাদনের ক্লে জিনিসের সরবরাহ বাজারে আসে। চাহিদা ও যোগানের সমন্বয়ের নাম ‘বিনিময়’, এবং শ্রমবিভাগের সমাজে বিনিময় আছে বলেই সকলের সব অভাব মিটিতে পারে। বিনিময়ের হারের নাম ‘মূল্য’ এবং মূল্য ব্যবহার অর্থের মাপকাঠিতে প্রকাশিত হয় তখন তাকে বলি ‘দর’ বা ‘দাম’। ‘মূল্য’ আর ‘দাম’ কথা ছটি প্রায় একার্থকরণে ব্যবহার করা গেলেও অনেকক্ষেত্রে দামের চেয়ে প্রশংসন্তর একটি নাম প্রয়োজন। একটা কলমের দাম হয়তো দশ টাকা, কিন্তু তার মূল্য টাকার হিসাবে দশ, পেনসিলের হিসাবে হয়তো একশ, শাটের হিসাবে হয়তো তিন। অবশ্য এক জিনিসের সঙ্গে আরেকটির সোজান্ত্বজি বিনিময় আজকাল আর হয় না, তাই কার্যক্ষেত্রে মূল্য ও দাম প্রায় একই কথা।

মূল্যনিরূপণের মূলত্ব নিয়ে আলোচনা করতে গেলে প্রথমেই আমাদের একটা অনুবিধায় পড়তে হয়। প্রত্যেক জিনিসের সঙ্গে প্রত্যেক জিনিসের সম্পর্ক রয়েছে। একটা জিনিস হয়তো আর একটার ‘বৈকল্পিক’ কিন্তু ‘অনুপূরক’; একটা জিনিস উৎপন্ন করতে গেলে আরেকটা হয়তো তৈরি হয়ে ওঠে না, যদি দুটি জিনিসের উৎপাদনে একই কাঁচামাল ব্যবহৃত হয়; এবং সর্বোপরি, ক্রেতাদের আয় সীমাবদ্ধ বলে একটা জিনিসের চাহিদা সর্বদাই অন্ত জিনিসের দামের উপরে নির্ভর করবে। এ-অবস্থায় বাজারে কোনো এক সময়ে কেন চালের দাম দশ টাকা,

কাপড়ের গজ ছ টাকা, কয়লার মণ বাবো আনা, টুথপেস্টের দাম দেড় টাকা এবং ট্রাম ভাড়া ছ পয়সা তা বলতে গেলে দ্রব্যমূল্যের ‘সাধারণ’ বা ‘সার্বিক’ সাম্যস্থিতির কারণ অনুসন্ধান করতে হয়। প্রত্যেক জিনিসের দাম নির্ভর করবে জিনিসটার কাম্যতা, প্রতিষ্ঠিত জিনিসের সরবরাহ, ক্রেতার আয়, অগ্রান্ত জিনিসের সরবরাহ, উৎপাদন-পদ্ধতি ইত্যাদি অনেক কিছুর উপরে। যদি সবগুলি অঙ্গাত রাশি সম্বন্ধে আলাদা আলাদা সমীকরণ বার করে নেওয়া সম্ভব হয় তবে দ্রব্যমূল্যের সার্বিক সাম্যস্থিতির ভিতরের রূপটি সম্বন্ধে আভাস পাওয়া যেতে পারে; কারণ বীজগণিতের এটা একটা সাধারণ নিয়ম যে যতগুলি অঙ্গাত রাশি ততগুলি বিভিন্ন সমীকরণ পেলে রাশিগুলি আর অঙ্গাত থাকে না।

যা বলা হল সেটা পথনির্দেশমাত্র, সমাধান নয়। কি কি পেলে আমরা সার্বিক সাম্যস্থিতির মূলে পৌছতে পারব তার একটা আভাস পাওয়া গেল, কার্যক্ষেত্রে আমরা যেখানে ছিলাম সেখানেই রয়ে গেলাম। সাধারণ সাম্যস্থিতির কারণ অন্নেষণ ছেড়ে দিয়ে যদি আমরা কোনো দ্রব্যবিশেষের মূল্যের সাম্যস্থিতির কারণ অনুসন্ধান করি তবে কিন্তু আমরা সহজেই কয়েকটি সিদ্ধান্তে উপস্থিত হতে পারি, কেবল চাহিদা ও যোগান সম্বন্ধে ইতিপূর্বে আমরা যেটুকু জানতে পেরেছি তার থেকেই।

কয়েকটা সোজা জিনিস নিয়ে আরম্ভ করা যাক। চাহিদার সাধারণ নিয়ম এই যে, দাম কমার সঙ্গে সঙ্গে চাহিদা বাড়ে এবং দাম বাড়লেই চাহিদা কমে যায়; কতটা বাড়ে বা কমে সেটা নির্ভর করে চাহিদার পরিবর্তনশীলতার পরিমাপের উপরে। যোগানের সাধারণ নিয়ম এই যে, বাজারে জিনিসের দাম বাড়লে উৎপাদন এবং সরবরাহ বৃদ্ধি পায় এবং দাম কমলে ছটোই কমে যায়। চাহিদার পরিবর্তনশীলতার মত যোগানের পরিবর্তনশীলতারও পরিমাপ সম্ভব।

কোনো সময়ে যদি জিনিসের সরবরাহের চেয়ে চাহিদা বেশি হয়, অর্থাৎ বিশেষ একটি দামে যদি বিক্রেতারা বেচতে চায় কম পরিমাণে কিন্তু ক্রেতারা কিনতে চায় বেশি পরিমাণে তবে দাম উপরের দিকে উঠবে। আবার যদি চাহিদার চেয়ে যোগান বেশি হয় তাহলে দাম কমে যাবে। এ থেকেই সিদ্ধান্ত করা যায় যে দাম বাড়বেও না কমবেও না (অর্থাৎ সাম্যস্থিতি আসবে) তখন, যখন চাহিদা ও যোগান সমান সমান। পাঁচ টাকা দামে যদি চাহিদা যোগানের চেয়ে বেশি হয় তবে দামটা ছ টাকার দিকে উঠবে; কিন্তু দাম উঠলেই চাহিদা কমবে এবং সরবরাহ বাড়বে, অর্থাৎ চাহিদা ও সরবরাহের মধ্যে পার্থক্য কমতে থাকবে। শেষ পর্যন্ত পার্থক্য আর থাকবে না, চাহিদা ও যোগান পরস্পরের সমান হবে এবং দ্রব্যমূল্যের সাম্যস্থিতি আসবে। আবার সাত টাকা দামে যদি যোগান চাহিদার চেয়ে বেশি হয় তবে তার ফলে দাম কমবে এবং দাম কমার ফলে যোগান কমবে এবং চাহিদার কিছুটা বৃদ্ধি হবে। শেষ পর্যন্ত পার্থক্যটা কিছুতেই থাকতে পারে না—পরস্পরের ঘাতপ্রতিঘাতে সাম্যস্থিতি আসতে বাধ্য।

অবশ্য চাহিদা ও যোগানের পরিবর্তনের গুরুত্ব সব সময়ে ঠিক একরকমের নয়। চাহিদার পরিবর্তন হলে অন্নকালের মধ্যে যোগান বদলানো সম্ভব নাও হতে পারে। সেজন্ত অন্নকাল নিয়ে বিচার করলে দেখা যাবে মূল্যনিরূপণে চাহিদার গুরুত্বই বেশি; যোগান যদি অপরিবর্তিতই থাকে তবে মূল্যের প্রত্যেক ওষ্ঠা-নামা চাহিদার পরিবর্তন এনে চাহিদাকে যোগানের সমান করে দেয়। চাহিদা ও যোগানের দীর্ঘকালীন ক্রিয়া অন্তরকম। দীর্ঘকাল ধরে দেখলে বোঝা যায় যে চাহিদা সহজে বদলায় না। আমার কাপড়ের চাহিদা আজ বেশি, কাল কম হতে পারে, কিন্তু ১৯৪২ সালে আমি যে-কথানা কাপড়

কিনেছি, ১৯৪৩ সালে আমি সে-কথানাই কিনি, যদি না দাম বদলায় কিংবা আমার আয়ে বা স্বত্ত্বাবে বা পরিবেশে কোনো পরিবর্তন হয়ে থাকে। সময় পেলেই সরবরাহ বাড়ানো কমানো যায় এবং মূল্য পরিবর্তনের ফলে সরবরাহ এসে অন্যায়ে চাহিদার সমান হতে পারে। দীর্ঘকালীন চাহিদার পরিবর্তন যে যে কারণে হতে পারে সে কারণগুলিই অনেকটা অপরিবর্তনশীল ; তাই দীর্ঘকাল নিয়ে আলোচনা করলে সরবরাহের পরিবর্তনের গুরুত্ব চোখে পড়ে। স্বল্পকালে চাহিদার পরিবর্তনে সাম্য আসে, দীর্ঘকালে আসে যোগানের হ্রাসবৃদ্ধিতে। কাঁচির উপরের ফলা কথনো কথনো এসে নৌচের ফলার গায়ে লাগে, কথনো নৌচের ফলা উঠে উপরের ফলাকে প্পশ করে ; ফল একই, কারণ ছুটি ফলা শেষ পর্যন্ত এক হবেই এবং তাহলেই কাঁচির সার্থকতা। চাহিদা এবং যোগানের সাম্যস্থিতিও আসবেই— চাহিদার পরিবর্তনেই হোক আর সরবরাহের পরিবর্তনেই হোক ; এবং সে সাম্যস্থিতি ‘স্থির’ ; কোনো কারণে বিপর্যয় ঘটলে আপনা থেকেই আবার সেই আগেকার সাম্যস্থিতি স্থাপিত হবে।

এখন কথা উঠবে, যে দামে চাহিদা এবং যোগান সমান হয় সেটা কি ? ক্রেতার দিক থেকে দেখলে সহজেই বলা যায় যে দামটা প্রাণ্তিক কাম্যতার সমান ; কারণ আমরা দেখেছি, প্রাণ্তিক কাম্যতা বাজারদরের চেয়ে বেশ হলে ক্রেতা জিনিসটা আরো কিনতে থাকবে, যতক্ষণ না অধিকপরিমাণে ক্রয়ের ফলে প্রাণ্তিক কাম্যতা কমে গিয়ে দামের ঠিক সমান হয়ে দাঢ়ায়।

বিক্রেতার দিক থেকে দামের সঙ্গে প্রাণ্তিক ব্যয়ের একটা সহজ সম্বন্ধ আছে। আমরা আগের পরিচ্ছেদে দেখেছি, প্রত্যেক প্রতিষ্ঠান তার প্রাণ্তিক আয় ও প্রাণ্তিক ব্যয় যতক্ষণ না সমান হয় ততক্ষণ

উৎপাদন বাড়াতে চেষ্টা করে। যদি বাজারে প্রতিবন্ধিতা ‘পূর্ণতম’ হয়, অর্থাৎ যদি বিক্রেতার সংখ্যা এত বেশি হয় যে কোনো একজন বিক্রেতা তার উৎপাদনের হ্রাসবৃক্ষি করেও বাজারের মোট সরবরাহকে বিশেষ প্রভাবিত করতে না পারে, তাহলে বিক্রেতা বাজারদরটাকে স্থির বলেই ধরে নিতে পারে। বাজারে লক্ষ লক্ষ জিনিসের মধ্যে যদি একজন বিক্রেতা মোটে একশটি সরবরাহ করে এবং জিনিসটির দর যদি হয় পাঁচ টাকা করে, তবে এই বিক্রেতা ১০১টি জিনিস বিক্রি করলেও পাঁচ টাকা করেই দাম পাবে (অর্থাৎ আগের চেয়ে ৫% বেশি পাবে), কারণ লক্ষ লক্ষ জিনিসের মধ্যে একটিমাত্র বেশি জিনিস বাজারে আসাতে দামের কোনো তারতম্য হবে না। স্বতরাং একেত্রে একটা জিনিসের দামও এই বিক্রেতার প্রাণ্তিক আয়ও তাই। বিক্রেতা নিজের লাভের আশায় যদি প্রাণ্তিক আয় এবং প্রাণ্তিক ব্যয়কে সমান করে আনে তবে সঙ্গে সঙ্গে দাম এবং প্রাণ্তিক ব্যয়ও সমান হয়ে যাবে। ‘পূর্ণ-প্রতিবন্ধিতা’র ক্ষেত্রে যে মূল্য চাহিদা ও যোগানের সাম্যস্থিতি হবে সে মূল্য একদিকে প্রাণ্তিক কাগ্যতার সমান এবং অন্তদিকে উৎপাদকের প্রাণ্তিক আয় ও প্রাণ্তিক ব্যয় দুয়েরই সমান।

প্রতিবন্ধিতা যেখানে অনেক বিক্রেতার মধ্যে না হয়ে অল্প কয়েকজনের মধ্যে হয় সেখানেও যে-কোনো প্রতিষ্ঠানের প্রাণ্তিক ব্যয় আর প্রাণ্তিক আয় সমান হবে, কিন্তু দাম আর প্রাণ্তিক আয় সমান হবে না। ‘স্বল্প-বিক্রেতা প্রতিবন্ধিতা’র ক্ষেত্রে প্রত্যেক বিক্রেতাই মোট সরবরাহের একটা ‘বড়’ অংশের যোগান দেয় এবং যদি যে-কোনো একজন কিছু বেশি উৎপাদন করে তবে মোট সরবরাহের বেশ একটু বৃক্ষি হবে এবং জিনিসের দামও কমে যাবে। প্রাণ্তিক আয় সেক্ষেত্রে দামের

সমান হবে না, কারণ সবটা জিনিসের দাম কমে গেলে, প্রাণ্তিক আয়ের সামান্যই বৃদ্ধি হতে পারে। যদি বাজারে পাঁচ টাকা দামে মোট সরবরাহ হয় পঞ্চাশটি জিনিস এবং একজন বিক্রেতাই যদি তার মধ্যে ত্রিশটি সরবরাহ করে তবে সেই বিক্রেতার মোট আয় ১৫০; যদি সে এবারে চল্লিশটি জিনিস বাজারে আনে তবে মোট সরবরাহ ৫০-এর জায়গায়, হবে ৬০ এবং তার ফলে হয়তো দাম কমে গিয়ে চারটাকায় দাঢ়াবে। এই বিক্রেতাটি আগের বারে ত্রিশটি জিনিস বিক্রি ক'রে পেয়েছিল ১৫০; এবারে চল্লিশটি জিনিস বিক্রী ক'রে পাবে ১৬০। দশটি বেশি জিনিস উৎপন্ন করে প্রাণ্তিক আয় হল মাত্র ১০, অর্থাৎ দশটি জিনিসের দামের চেয়ে অনেক কম। এই দশটি জিনিস উৎপন্ন করা তখনই লাভজনক হবে যখন অনধিক দশ টাকা ব্যয়ে এই কটিকে বাজারে আনা চলে। অল্প কয়েকজন বিক্রেতার প্রতিদ্বন্দ্বিতায় প্রাণ্তিক আয় ও ব্যয় যদি সমান হয়, দাম গাকবে ছয়েরই উপরে।

বিক্রেতার সংখ্যা বহু থেকে অল্প, তারপরে দুই, এবং শেষ পর্যন্ত একে গিয়ে দাঢ়াতে পারে; ‘বহু-বিক্রেতা প্রতিদ্বন্দ্বিতা’ থেকে আস্তে আস্তে ‘দ্বি-বিক্রেতা প্রতিদ্বন্দ্বিতা’ এবং তারও পরে ‘এক-বিক্রেতা’ বা ‘একচেটিয়া’ ব্যবসায়ে আমরা নেমে আসতে পারি। যেখানে ব্যবসায় একটিমাত্র প্রতিষ্ঠানের হাতে একচেটিয়া হয়ে পড়েছে, অর্থাৎ যেখানে মাত্র একটি প্রতিষ্ঠানের উৎপাদন বা বিক্রয়ের উপরেই বাজারের মোট সরবরাহ নির্ভর করে, সেখানেও আমাদের সাধারণ নিয়মটি থাটবে; অর্থাৎ, প্রতিষ্ঠানটির লাভ প্রভৃতভগ হবে যখন প্রাণ্তিক আয় ও ব্যয় সমান, বহিও জিনিসের দাম ছয়েরই অনেক উপরে থাকতে পারে। একচেটিয়া ব্যবসায়ের মালিকের পক্ষে লাভ যথাসম্ভব বাড়ানো সহজ, কারণ বাজারের

মোট সরবরাহের সবটাই তার হাতে, এবং এই সরবরাহ বাড়ানো বা কমানো তার একার ইচ্ছাধীন।

তবে কোনু সময় কি ভাবে চলা যুক্তিযুক্ত হবে সেটা নির্ভর করে হাতি জিনিসের উপরে— প্রথমত জিনিসটির চাহিদা অতিপরিবর্তনশীল, না অনতিপরিবর্তনশীল, দ্বিতীয়ত জিনিসটি বেশি করে উৎপন্ন করতে গেলে প্রাণ্তিক ব্যয় বাড়ে, না কমে? আমাদের সাধারণ একটি ধারণা আছে যে একচেটিয়া ব্যবসায় হলেই জিনিসের দাম বাড়বে। কেউ যদি হুন, তেল বা কেরোসিনের মোট সরবরাহ একচেটিয়া করে নিতে পারে তবে অবশ্য সে ক্রেতাদের কাছ থেকে বেশি দাম আদায় করতে পারবে, কারণ জিনিসগুলি প্রয়োজনীয় এবং প্রতিষ্ঠানীয় হওয়াতে এদের চাহিদা অনতিপরিবর্তনশীল। দাম বাড়ালেও লোকে এগুলি প্রায় আগের মত পরিমাণেই কিনবে। কিন্তু, যে জিনিসের চাহিদা অতিপরিবর্তনশীল, সামান্য মূল্য বাড়লেই যার চাহিদা অনেকটা কমে যাবে, সে জিনিসের দাম বাড়ালে বিক্রেতারই ক্ষতি; প্রত্যেকটা জিনিসের দাম হ্যাত সে বেশি পাবে, কিন্তু বিক্রিটাই যদি খুব কমে যায় তবে লাভের অক্ষে ঘাটতি পড়বে। বরং, এক্ষেত্রে একটু দাম কমিয়ে যদি বিক্রির পরিমাণ খুব বাড়ানো যায় তবে বিক্রেতার লাভ। স্বতরাং মোটামুটি বলা যায় যে একচেটিয়া ব্যবসায়ী যদি চাল ডাল তেল হুনের মত প্রয়োজনীয় জিনিস বিক্রী করে তবে সে দাম বাড়িয়ে দেবে; আর যদি সে সাবান, সিঙ্গ বিদ্যুতের কারেণ্ট বা গ্রাহক কোনো আরামের বা শখের জিনিস একচেটিয়া করে নিতে পারে তবে বেশি দামে কম জিনিস বিক্রি না করে কম দামে বেশি জিনিস বিক্রি করাই তার পক্ষে লাভজনক।

অবশ্য, ব্যয়ের দিকটাও দেখা দরকার। যে জিনিস বেশি করে তৈরি করতে গেলে প্রাণ্তিক ব্যয় বেড়ে যায় তা কম করে উৎপন্ন করাই লাভ

সুতরাং তার দাম বাজারে বেশি হবার সন্তান। আর যে জিনিস বেশি করে উৎপন্ন করতে গেলে প্রাণ্তিক ব্যয় করতে থাকে তার উৎপাদন বাড়ানোই লাভের ; এবং উৎপাদন বাড়ানো মানেই কম দামে বিক্রি করা। ইলেক্ট্রিক কারেণ্টের সরবরাহ যদি একচেটিয়া প্রতিষ্ঠানের হাতে থাকে তবে কারেণ্টের দাম খুব বেশি হবে না, কারণ বিদ্যুতের চাহিদা অতিপরিবর্তনশীল এবং বিদ্যুৎ উৎপাদনের প্রাণ্তিক ব্যয় উৎপাদন-বৃদ্ধির সঙ্গে দ্রুত করতে থাকে।

একচেটিয়া ব্যবসায়ীকে আরো কয়েকটা দিক দেখে চলতে হয়। খুব বেশি দাম বাড়ালে হয়তো প্রতিবন্ধিতা শুরু হয়ে যাবে, অতিরিক্ত লাভের লোতে অগ্রান্ত ব্যবসায়ীরা বাধাবিপ্র অতিক্রম করবেই ; বিদেশ থেকেও প্রতিবন্ধিতা আসতে পারে ; ক্ষেতরা একচেটিয়া ব্যবসায়ীর জিনিস না কিনে কাছাকাছি রকমের অন্য ‘বৈকল্পিক’ জিনিস কিনতে পারে, যেমন ট্রান্সের ভাড়া বাড়লে লোকে বাসে চড়তে আরম্ভ করবে ; এবং একচেটিয়া ব্যবসায়ীর বিরুদ্ধে আন্দোলন স্থিত করে গবর্নমেন্টকে দিয়ে মূল্যনিয়ন্ত্রণের ব্যবস্থাও করাতে পারে।

একচেটিয়া ব্যবসায় অবশ্য অনেক সময়েই সমাজের অনিষ্ট করে। এটা দুদিক দিয়ে সম্ভব হতে পারে। চিনির কলঙ্গলি যদি সংঘবন্ধ হয়ে একচেটিয়া প্রতিষ্ঠান গড়ে তোলে তবে একদিকে তারা যেমন হবে চিনির একমাত্র বিক্রেতা, আর একদিকে তারাই হবে আর্থের এবং স্থানবিশেষে শ্রমের একমাত্র ক্রেতা। চিনির কলের ‘সংঘ’ একমাত্র ক্রেতা হিসাবে আর্থচার্ষীকে কম দাম এবং শ্রমিককে কম মজুরি দিয়ে লাভ করতে পারে ; একমাত্র বিক্রেতা হিসাবে আরো লাভ আসবে বাজারে চিনির দর বাড়িয়ে দিলে। কিন্তু এমন ক্ষেত্রও আছে যেখানে একচেটিয়া ব্যবসায়ে সমাজেরই লাভ। একই শহরে দুটি টেলিফোন কোম্পানি বা তিনটি

প্রতিবন্ধী ট্রাম কোম্পানি অথবা ব্যবহারল্য ; একটিমাত্র টেলিফোন কোম্পানি থাকলে ব্যয়ও কম, সুবিধাও বেশি। এসব ক্ষেত্রে একচেটিয়া উৎপাদনই যুক্তিযুক্ত, যদি অবশ্য সরকারী নিয়ন্ত্রণ খুব সজাগ হয় কিংবা যদি গবর্নমেন্ট নিজের হাতেই উৎপাদনের দায়িত্ব গ্রহণ করে।

একচেটিয়া ব্যবসায়ের একটি প্রধান বিশেষজ্ঞ মূল্যের বিভেদীকরণে। বহু-বিক্রেতা প্রতিবন্ধিতায় বিশেষ একটি সময়ে একই জিনিস পরিভ্রম দামে বিক্রি হতে পারে না, ধনো ও নির্ধন একই দামে জিনিস কেনে। একচেটিয়া ব্যবসায়ে একই জিনিস বিভিন্ন দামে বিভিন্ন ক্রেতার কাছে বিক্রি হতে পারে, যে বিহ্যৎ-কোম্পানি তু-আনা দামে কারেণ্ট বিক্রি করে গৃহস্থের কাছে, তারাই আবার সেই কারেণ্ট ফ্যান্টেরির মালিকের কাছে এক আনা বা তারও কম দামে বিক্রি করে। কলকাতায় আগে ঘারা সকালে বিকালে কাজের তাড়ায় ট্রামে বেরত তারা বেশি ভাড়া দিত আর ঘারা হপুরে ধৌরে স্বল্পে স্বল্পে চড়ত তারা কম ভাড়া দিত। একই বইয়ের একটা সংস্করণ বিক্রি হয় পাচ টাকায়, আরেকটা হাঁটাকায় এবং কিছুদিন পরেই হয়তো স্বল্প সংস্করণ বেবোয় আট আনায়। রেলকোম্পানি সেগুন কাঠ নিয়ে ঘায় ঘে-ভাড়ায়, মে-ভাড়ায় কেরোসিন নেবে না ; যে ভাড়ায় লক্ষপতিকে দার্জিলিং পোছে দেয় আমাকে নিয়ে ঘায় তার চেয়ে অনেক কমে। সবত্র অবশ্য এটা সন্তুষ্ট নয়। একই জিনিস যদি এক দলের কাছে দামে বিক্রি হয় এবং আরেক দলের কাছে সন্তুষ্ট, এবং দ্বিতীয় দল যদি জিনিসটা সন্তুষ্ট কিনে আবার বিক্রি করতে পারে, তবে প্রথম দল জিনিসটা কিনতে উৎপাদকের কাছে না গিয়ে দ্বিতীয় দলের কাছেই যাবে। যে জিনিসটা ক্রেতা একবার কেনে আর একবার তখনই বিক্রি করে দিতে পারে সে জিনিসটার বেলা, এবং যেখানে একদল ক্রেতা ইচ্ছা করলে নিজেদের

আরেকদলের মধ্যে ঢুকিয়ে দিতে পারে সেখানে মূল্যের পার্থক্য করা অসম্ভব।

একই জিনিস বিভিন্ন দামে বেচাটাকে ক্রেতারা ভালো চোখে দেখে না। তাই ব্যবসায়ীরা অনেক সময় ক্রেতার চোখে ধূলো দেবার চেষ্টা করে। ট্রেনের প্রথম শ্রেণী ও দ্বিতীয় শ্রেণীর মধ্যে আরামের তফাত ষড়টা ভাড়ার তফাত তার চেয়ে অনেক বেশি। একটু পার্থক্য করে দিয়ে এবং ধনীর গরিমাবোধের স্ববিধে নিয়ে রেলকোম্পানি মাত্রাদের বিভক্ত করে নেয়। একটু ভালো কাগজ দিয়ে বউ ছাপলেই ‘রাজ-সংস্করণ’ বিক্রী হয়ে যায় এখন সন্তা দামের অন্ত একটা সংস্করণও বাজাবে আছে। একটু ভাল প্যাকিং, একটু সাজসজ্জা, চটক দিয়েই ক্রেতাকে ভোলানো সম্ভব। সিনেমায় আঠারো আনার সৌটে বসে ন আনার দর্শকদের অবজ্ঞা করবার আনন্দ আমরা পাই ; না দেখলাম তা একই, কিন্তু হয়তো কটু ভালো আসন এবং নিজেকে অনেকের চেয়ে অভিজ্ঞত মনে করবার আনন্দের লোভে ডবল দাম দিতে কৃষ্ণত আমরা হট না। ব্যবসায়ীরা এটা বোঝে ; বড় ব্যবসায়ী সর্বদাই বড় মনস্তাত্ত্বিক।

ব্যবসায়ে ক্রেতার মনস্তত্ত্বচর্চার আর একটা ফলের দিকে দৃষ্টি আকর্ষণ করা যেতে পারে। অনেকে লক্ষ্য করেছেন যে কোনো কোনো জিনিসের দাম পনেরো আনা, বা এক টাকা পনেরো আনা বা হয়তো পাঁচ টাকা পনেরো আনা। মনে প্রশ্ন উঠতে পারে, জিনিসটার দাম সোজাস্বজি এক টাকা না করে পনেরো আনা করা কেন, পাঁচ টাকা পনেরো আনা নাম না নিয়ে ছ টাকা নিলেই তো ঝঝাট করে। কিন্তু লোকে সাধারণত পনেরো আনাকে এক টাকার চেয়ে অনেক কম মনে করে এবং ফলে এক টাকা দামে যা বিক্রি হয় পনেরো আনা দামে হয় তার চেয়ে মনেকথানি বেশি। আস্ত ঢটি টাকাকে অনেক টাকা মনে হয়, কিন্তু

এক টাকা পনেরো আনা শুনলে মনে হয় মাত্র একটা টাকা আর কিছু খুচরো আনা। যে চাহিদা সাধারণত অন্তিপরিবর্তনশীল তাও ছ টাক। থেকে এক আনা দাম কমালে অভিপরিবর্তনশীল হয়ে যেতে পারে। অঙ্ক কষে হিসাব সাধারণ ক্রেতা করে না, মনের হিসাবই তাদের কাছে সব চেয়ে বড়।

এবারে দ্রব্যমূল্যের আর একদিকে তাকাতে পারি। আগে একবার আমরা দেখেছি, প্রায় প্রত্যেক জিনিসের দামেরই অন্ত জিনিসের দামের সঙ্গে সম্মত আছে— হয় চাহিদার দিক থেকে, নয় যোগানের দিক থেকে। কয়েকটি উদাহরণ নেওয়া যেতে পারে। ধান ও খড় একত্র উৎপন্ন হয়; ধান পেতে গেলে খানিকটা খড় পাওয়া যাবেই। ধানের দাম যদি বাড়ে আর তার ফলে ধানের উৎপাদন বৃদ্ধি পায় তবে সঙ্গে সঙ্গে খড়ের যোগানও বাড়বে এবং খড়ের দাম কমে যাবে। এরকম ‘সহোৎপন্ন’ জিনিসের উদাহরণ আমরা অনেক পাই, যেমন গ্যাস ও কোক, আট আর ভূমি ইত্যাদি।

অনুপূরক জিনিসের কথা আমরা আগেই বলেছি। কালি আন কলম যদি পরম্পরের অনুপূর্বক তয় তবে একটার চাহিদা বাড়লে আব একটারও বাড়বে; অর্থাৎ কলম সন্তা তলে কালির দাম বাড়বাব সন্তাবনা। কলম সন্তা হয়ে গেলে কলম বিক্রি তবে বেশি, কালির ব্যবহার বাড়বে, এবং চাহিদা বৃদ্ধির ফলে কালির দামও বাড়তে থাকবে যতদিন না আবার কালির উৎপাদন বৃদ্ধি পায়। মোটরগাড়ি ও পেট্রল, কুটি ও মাথন প্রত্যক্ষি ‘সহব্যবহার্য’ জিনিসের উদাহরণ অনেক পাওয়া যাবে।

যদি একটা জিনিস অন্ত একটার পরিবর্তে ব্যবহার করা যায়, অর্থাৎ যদি ছুটি ‘বৈকল্পিক’ বা ‘সমকার্যকরী’ তয় তবে একটির দামের হাস্যবৃদ্ধির,

সঙ্গে অপরটির দামও কমতে বা বাড়তে বাধ্য। কফির দাম কমে গেলে চায়ের দামও কমবে, কারণ চায়ের চাহিদার কিছুটা কফির দিকে চলে যাবে। লেডের দাম বেড়ে গেলে নিজে না কামিয়ে নাপিত ডাকলে দেখা যাবে সেও তার রেট বাড়িয়েছে। এরকম ‘সমকার্যকরী’ জিনিসের দাম পরস্পরের সমান হবার দিকে প্রবণতা আছে, এবং একটা জিনিস আর একটার যত কাছাকাছি হবে, তাদের দামের পার্থক্যও তত কম হবে।

আর এক রকমের উদাহরণ নিতে পারি। কামান বন্দুকের দামের সঙ্গে সেফটিপিনের দামের নিকট সম্পর্ক আছে বললে হয় তো হাস্তকর শোনাবে; কিন্তু কথাটা সত্য। বে মূল জিনিসটি দিয়ে অস্ত্রশস্ত্র তৈরি হয় সে জিনিসটি, অর্থাৎ ইস্পাত দিয়েই পিন তৈরি হয়। যুদ্ধের ফলে দদি অস্ত্রের চাহিদা বাড়ে তবে প্রায় সব ইস্পাত চলে যায় অস্ত্রনির্মাণে; সুতরাং পিন-নির্মাতাকে চড়া দামে ইস্পাত কিনতে হয় এবং পিনের দাম বাড়াতে হয়। একট জিনিস দিয়ে তৈরি বলে বেয়নেট ও পিনকে আগরা ‘সমমূল’ নাম দিতে পারি। এরকম সমমূল জিনিস অনেক আছে যেমন টেবিল ‘ও আলমারি, কাঁচের প্লাস ‘ও জানালার সার্সি, সন্দেশ আর দই টাত্ত্বাদি। ‘সহোৱপন্থ’, ‘সহব্যবহার্য,’ ‘সমকার্যকরী’ এবং ‘সমমূল’ জিনিসগুলির প্রত্যেক ক্ষেত্রে একটির দাম অপর একটিব বা অপর কয়েকটির দামের সঙ্গে অন্তরঙ্গভাবে সম্পর্কিত।

ফটকা বাজারের উল্লেখ করে এ অধ্যায় শেষ করতে পারি। সাধারণত প্রতিদ্বন্দ্বিতার ক্ষেত্রে জিনিসের দাম নির্ভর করে প্রাণ্তিক কাম্যতা ও প্রাণ্তিক ব্যয়ের উপরে, কিন্তু দামের ওঠা-নামা থেকেই যারা লাভ করে নিতে চায় তারাও দামের উপরে প্রভাব আনে। সাধারণ ক্রেতা জিনিস কেনে ব্যবহার ক'রে তপ্তি পাবার আশায়; ফটকা ক্রেতা

কেনে লাভের আশায়। আজ যদি বাজারে পাটের দর কম থাকে এবং যদি এক মাস পরে দাম বাড়বে এ রকম মনে করবার কারণ থাকে তবে আজ জিনিসটা কিনে ধরে রাখতে পারলে পরে লাভ হবার সন্তাবনা। অবগু ক্ষতির সন্তাবনাও আছে, কারণ ভবিষ্যৎ সম্বন্ধে যে আন্দাজ করা হল সেটা নিভুল নাও হতে পারে। অনেক সময় জিনিস পরে সরবরাহ করা হবে এই সর্তে আগে খেকেই' বেচে রাখা যায়। ফটকা বিক্রেতা জিনিস হাতে না নিয়েই বেচতে পারে— এই আশায় যে যথন সরবরাহ করতে তবে তখন সন্তা দামে কিনে দেবে। যদি সে সময়ে দাম কমে যায় তবে ফটকা বিক্রেতার লাভ, বেড়ে গেলে ক্ষতি। সুতরাং ফটকা দু রকমের— বেশি দামে বিক্রী করবার আশায় সন্তায় কিনে রাখা আর পরে সন্তায় কিনে সরবরাহ করা হবে এই আশায় আগে খেকেই বেশি দামে বেচে রাখা। আশা সফল হলে তাই ক্ষেত্রেই বিক্রেতার লাভ। ফটকা বাজারে বৃদ্ধির লড়াই চলে— ভবিষ্যৎ সম্বন্ধে আন্দাজ নার যত নিভুল তার তত লাভের সন্তাবনা।

যারা বাজার সম্বন্ধে বিশেষভাবে অভিজ্ঞ তাদের ফটকা ক্রয়বিক্রয়ে লাভই হবে ; এবং সঙ্গে সঙ্গে সমাজেরও লাভের সন্তাবনা আছে। সন্তার বাজারে, অর্ধাং বাজারে যথন অনেক জিনিস আছে, ফটকা ক্রেতা জিনিস কিনতে আবস্থ করে ; ফলে তখনই জিনিসের দাম একটু উঠতে থাকে, কারণ বাজারের চাহিদার সঙ্গে ফটকা ক্রেতার চাহিদা যোগ হল, বাজারের মোট সরবরাহের কিছুটা তার হাতে গিয়ে আটকে রহিল। আবার যথন চড়া দামের বাজারে ফটকা ক্রেতা জিনিসটা ছাড়তে থাকে তখন দাম যা হতে পারত তার নীচে নামবে। অভিজ্ঞ ফটকা ক্রেতা সন্তার বাজারে কেনে এবং চড়াদামের বাজারে বিক্রী করে। তার ক্রয়বিক্রয়ের ফলে নীচু দাম উঁচু হয় এবং উঁচু দাম

নৌচের দিকে নামে ; ফটকা ক্রয়বিক্রয় না হলে দরের যে হ্রাসবৃদ্ধি হত, ফটকার ফলে তার চেয়ে অনেক কম হয় ।

অবশ্য, এ কথা বলা যায় যখন কেবল অভিজ্ঞ লোকেরাই ফটকা বাজারে ক্রয়বিক্রয় করে । তুদিনে এবং অন্ন আয়াসে বড়লোক হ্বার আশায় অনেক অভিজ্ঞ লোক ফটকা খেলতে আসে, বোকামি করে, নিজেরা ঠকে এবং অন্তের অনিষ্ট ঘটায় । পাটের দর চার টাকা মণ দেখে অভিজ্ঞ ক্রেতারা হয়তো কিনতে আরম্ভ করল, তুমাস পরে সাত টাকা দবে বিক্রি করবাব আশায় ; তাদের কেনার ফলে দাম, ধরা যাক, পাঁচ টাকায় গিয়ে দাঁড়াল । তুমাস পরে পাটের দর সাত টাকায় না উঠে যদি নৌচে নেমে তিন টাকায় দাঁড়ায় তবে হুই করে সকলে বেচতে আরম্ভ করবে, কেউ ভয়ে, কেউ অনুত্তাপে, কেউ বা ফটকা খেলার জন্য ধার করা টাকা বেশিদিন আটকে রাখতে না পেরে ; ফলে হয়তো দাম নামল হৃটাকায় । ফটকা খেলোয়াড়দের নিজেদের ক্ষতি তো হলই, উপরন্তু, বাজারে এল বিপর্যয় । ফটকাবাজেরা এগিয়ে না এলে দাম নামত চার টাকা থেকে তিন টাকায় ; ফটকার ফলে দাম হঠাৎ উঠল পাঁচ টাকায় এবং আবার ধপ করে নামল হৃটাকায় । তাছাড়া অনেক রকমের জুয়াচুরির স্বযোগ ফটকা বাজারে মেলে ; জনকয়েক সংগতিপন্ন ফটকাবাজ নিজেদের স্বার্থলাভের জন্য দ্রব্যমূল্যের মোড় যে-কোনো দিকে ঘূরিয়ে দিতে পারে, অন্তত সাময়িক ভাবে । আইন করে, বিধিনিষেধ দিয়ে, অনেকভাবে অভিজ্ঞ এবং অসাধু ফটকাবাজের ক্রয়বিক্রয় বন্ধ করার চেষ্টা অনেক দেশে হয়েছে ; কিন্তু সাফল্যলাভ সন্তুষ্ট হয়নি । অভিজ্ঞ লোকের হাতে যা সমাজের উপকার করতে পারে অভিজ্ঞ এবং বিবেকহীন লোকের হাতে তাই হয়ে দাঁড়ায় মারাত্মক ; কিন্তু অভিজ্ঞ ব্যবসায়ীকে ক্রয়বিক্রয়ের শুবিধা দিতে গেলে

যে ফাঁকটুকু রাখতে হয় তা দিয়ে অসংখ্য অনভিজ্ঞ লোক চুকে পড়ে। ঘোড়দৌড় বা জুয়াখেলার মত ফটকাবাজারে লাভ করে অন্ন দুএকজন, ক্ষতি হয় অনেকের ; কিন্তু এই অন্ন কয়েকজনের লাভই অসংখ্য লোককে টেনে আনে।

পূর্ণপ্রতিদ্বন্দ্বিতার বাজারে জিনিসের দাম প্রাণ্তিক কাম্যতা ও প্রাণ্তিক ব্যয়ের সমান হয়ে অনায়াসে দাঁড়াতে পারে ; সেটা ভালো হয়, না মন্দ হয় তা বলা যায় না ; কিন্তু ‘শ্রিরতা’ যে আসে সেটা ঠিক। এককালে ধনবৈজ্ঞানিকেরা পূর্ণপ্রতিদ্বন্দ্বিতাকেই স্বাভাবিক এবং বাস্তব ধরে নিয়ে মূল্যতত্ত্ব আলোচনা করেছিলেন। আজকাল বাজারে পূর্ণপ্রতিদ্বন্দ্বিতা কোথাও নেই ; তাই স্বল্পবিক্রেতা প্রতিদ্বন্দ্বিতার এবং একচেটিরা ব্যবসায়ের দিকেই আমাদের লক্ষ্য রাখতে হয়। সরকারী ব্যবস্থায় উৎপাদন এবং সরকারী মূল্যনিয়ন্ত্রণের প্রসার আজকাল যেতাবে বাড়ছে তাতে মনে হয় যে ভবিষ্যতের উৎপাদন এবং মূল্যতত্ত্ব আলোচনা করতে যে পটভূমিকা আমরা পাব সেটা সমষ্টিগত উৎপাদনের এবং মূল্যনিয়ন্ত্রণের। মূল্যতত্ত্বের মূলসূত্র কোনো অবস্থায়ই বদলাবে না, কিন্তু সমাজের পটভূমিকা বদলে গেলে দ্রব্যমূল্য নৃতন রূপ নেবে নিশ্চয়ই।

## পঞ্চম পরিচ্ছেদ

### ধনবিভাগ

মানুষের অভাববোধ থেকে কমপ্রচেষ্টার উৎপত্তি, অভাবমোচনের ফলে কাম্যতার হ্রাস, উৎপাদন এবং বিনিময় সংক্রান্ত মূলসূত্রগুলি আমরা আবিষ্কার করেছি। উৎপন্ন ধন কি ভাবে সমাজের নানা অংশের মধ্যে বণ্টিত হয় সেটা বুঝতে পারলেই আমাদের আলোচনা শেষ করতে পারি।

যেভাবে সামাজিক আয় বশ্টি হয় সেভাবেই যে বণ্টন হওয়া উচিত এ কথা কেউ বলবে না। আমরা শুধু বর্তমান কালের বাস্তব জীবনে বণ্টন কিভাবে হচ্ছে সেটা বুঝে নিতে চাই ; কিভাবে হওয়া উচিত সেটা আলাদা প্রশ্ন।

উৎপাদন থেকেই আয় আসে— এবং সামাজিক আয় সমাজের নৌট উৎপাদনেরই নামান্তর। জমিদারের দেওয়া প্রাকৃতিক সম্পদ, শ্রমিকের দেওয়া শ্রম, ধনিকের দেওয়া মূলধন এবং কর্মকর্তার প্রয়োগনৈপুণ্য ও অনিশ্চয়তাবহন, প্রধানত এই চারটি উৎপাদনের সহযোগে সমাজের মোট আয়ের উৎপত্তি। ভবিষ্যতের উৎপাদন অব্যাহত রাখতে হলে আয়ের সবটা ভোগ করা চলে না ; সমাজের মোট আয় থেকে ভবিষ্যৎ উৎপাদনের জন্য প্রয়োজনীয় অংশটা বাদ দিলে যা পাওয়া যায় তাই তল ‘বিভাজ্য আয়’ এবং সেটারই বণ্টন হয় সমাজের নানা অংশের মধ্যে।

এই বণ্টনে অঙ্গদার হয় তারাই যারা আয়-সূজনের উৎপাদন যোগায়। সুতরাং সমাজের বিভাজ্য আয়ের একটা অংশ পায় জমিদার ‘খাজনা’রূপে, একটা অংশ যায় শ্রমিকের ‘মজুরি’তে, একটা অংশ ‘সুদ’ নামে ধনিকের অংশ হয়ে যায় এবং আর একটা অংশ হয় কর্মকর্তার ‘লাভ’। খাজনা, মজুরি, সুদ ও লাভ— এই তিনি আয়ের চারটি পথ। যে-কোনো লোকের আয়ের দিকে তাকালেই বোঝা যাবে যে এই চারটির একটি বা ততোধিক ভিন্ন উপার্জনের আর কোনো পথ নেই।

একটা সহজ অবস্থা কল্পনা করে নিলে বণ্টনের সাধারণ নিয়ম আবিষ্কার করে নেওয়া যায়। যদি প্রত্যেক উৎপাদক প্রত্যেকটি নিযুক্ত উৎপাদনের পরিমাণ প্রয়োজন হলেই বাড়াতে বা কমাতে পারে, তবে উৎপাদনটি ব্যবহার করে তার যে প্রাকৃতিক আয় হবে, কিংবা উৎপাদনের

যেটা ‘প্রাণ্তিক উৎপাদন’, সেটা মতক্ষণ উপাদানটির মূল্য থেকে বেশি ততক্ষণ তার পরিমাণ বাড়িয়ে যাওয়াই লাভজনক। শ্রমিক নিযুক্ত করে উৎপাদকের ঘেটুকু প্রাণ্তিক আয় হল সেটা যদি মজুরির চেয়ে বেশি হয় তবে সে আরো কয়েকজন শ্রমিক নিযুক্ত করবে নিশ্চয়ই। প্রাণ্তিক উৎপাদন হ্রাসের নিয়ম অনুসারে যদি বেশি শ্রমিক নিযুক্ত করলে তাদের প্রাণ্তিক উৎপাদন কমে যায় তবে শ্রমিক নিয়োগে কিছুটা অগ্রসর তলেই প্রাণ্তিক উৎপাদন কমতে কমতে মজুরির সমান হয়ে দাঁড়াবে। তেমনি দেখানো যাব যে মূলধনের প্রাণ্তিক উৎপাদন শেষ পর্যন্ত স্বদের সমান হবে। আবার, প্রাণ্তিক কাম্যতা-সমতার নিয়ম অনুসারে উৎপাদক এমনভাবে শ্রম, মূলধন ইত্যাদি নিযুক্ত করবে যাতে প্রত্যেক উপাদানের প্রাণ্তিক কাম্যতা বা প্রাণ্তিক উৎপাদন সমান হয়। স্বতরাং যদি আমরা ধরে নিতে পারি যে প্রত্যেক উপাদানের পরিমাণ ইচ্ছামত বাড়ানো-কমানো যায়, প্রত্যেক উপাদানের অধিকতর নিয়োগে প্রাণ্তিক উৎপাদন কমে যায় এবং উৎপাদক যে কোনো উপাদানের নিয়োগ কমিয়ে অন্ত যে কোনো উপাদান পরিবর্তে ব্যবহার করতে পারে তবে বণ্টনের ক্ষেত্রে একটা সহজ কার্যকারণচক্র আবিষ্কার অন্যায়াসেই করা যেতে পারে।

বাস্তব জীবনে অবশ্য বণ্টনের নিয়ম এত সহজ নয়, কারণ উপাদানের পরিমাণ ইচ্ছামত বাড়ানো বা কমানো ছই-ই কঠিন এবং প্রাণ্তিক কাম্যতা কিছুদূর পর্যন্ত কমতে পারে এবং বাড়তেও পারে। স্বতরাং অন্তদিক থেকে বণ্টনের সমস্তার দিকে তাকানো প্রয়োজন। সব রকমের আয়কে মোটামুটি ছ-ভাগে ভাগ করে নেওয়া যায়। সাধারণত ধনিক টাকা জমায় স্বদের আশায়; কিন্তু স্বদ পেলে সে কত টাকা জমাবে সেটা তার মনে একরকম স্থিক আছে। ধার দিয়ে যদি সে

শতকরা চার টাকা শুদ্ধ পায় তবে বুঝতে হবে সে তার ‘আকাঙ্ক্ষিত মূল্য’ টি পাছে, কারণ আকাঙ্ক্ষিত মূল্য না পেলে সে টাকা ধার না দিয়ে খরচ করতে পারে বা অন্তত নিজের হাতে জমিয়ে রাখতে পারে। শুদ্ধের তার আকাঙ্ক্ষিত মূল্যের উপরেও শেষ পর্যন্ত থাকবে না, কারণ যদি শুদ্ধ খুব বেশি হয় তবে ধনিকেরা আগের চেয়ে বেশি টাকা জমাতে চেষ্টা করবে এবং তাতেই শুদ্ধের হার নীচে নেমে আসবে। সে শ্রমিক বলতে পাবে সে মাসে পনেরো টাকা না পেলে সে কাজ করবে না সে যদি পনেরো টাকাটি পায় তবে এক্ষেত্রেও তার আয় আকাঙ্ক্ষিত মূল্যের অচেহ্ন্দ্য সম্বন্ধ বার করা সব ক্ষেত্রে সন্তুষ্ট নয়। দেশে জনসংখ্যা বেশি হলে জমির খাজনা জমিদারের আকাঙ্ক্ষিত আয় থেকে অনেক বেশি হতে পারে: জমির পরিমাণ সীমাবদ্ধ, তাই খাজনা বেশি হলেও জমির সরবরাহ বৃদ্ধি হবার সন্তান কম। তেমনি কর্মকর্তার লাভও ঘটনাচক্রের আবর্তনে বা বাজারের অবস্থাগুণে আকাঙ্ক্ষিত পরিমাণ থেকে অনেক বেশি হতে পারে। আর্থিক মূলধনের শুদ্ধ অনেকটা প্রতিবন্ধিতার বাজারে দ্রব্যমূল্যের মত—বিক্রেতার যেমন একটা আকাঙ্ক্ষিত মূল্য থাকে যেটা না পেলে সে বেচবে না এবং যার চেয়ে বেশিও সে শেষ পর্যন্ত পায় না, ধনিকও তেমনি তার সঞ্চয়ের বাজার-দরই পায়। বিক্রেতার আকাঙ্ক্ষিত মূল্য তার উৎপাদন-ব্যয়ের উপরে নির্ভর করে; মহাজনের আকাঙ্ক্ষিত মূল্য নির্ভর করে সঞ্চয়-জনিত অঙ্গুষ্ঠিকার উপরে। অন্তদিকে জমির খাজনা ও কর্মকর্তার লাভ আশার অতিরিক্ত হয় অনেক সময়েই এবং শেষ পর্যন্ত এই দু-রকমের আয়ে ‘উদ্বৃত্তের’ প্রকৃতি দেখতে পাওয়া যায়। ক্ষেত্রবিশেষে খাজনা ও লাভ আশার নীচেও যেতে পারে; সেক্ষেত্রে উদ্বৃত্তিকে ঋণাত্মক ধরে নিলেই চলবে।

কোনো আয় ঠিক প্রতিষ্ঠিতার বাজারে মূল্যের মত, কোনো কোনো আয়ে মূল্য এবং উচ্চত একত্রেই থাকে। শ্রমিকের মজুরি নিয়ে আমাদের আলোচনা আরম্ভ করা যেতে পারে। যদি সব শ্রমিক ঠিক একরকমের হত তবে সব কাজেই মজুরি একরকম হবার দিকে একটা প্রবৃত্তি দেখা যেত— শুধু হয়তো বিভিন্ন কাজের শ্রমের বা কষ্টের বিভিন্নতা অনুসারে একটু ইতরবিশেষ মাত্র হত। কিন্তু শ্রমিকের পক্ষে এক কাজ থেকে আর এক কাজে যাওয়া প্রায় অসম্ভব। শ্রমবিভাগের ফলে নৃতন এক জাতিভেদের স্ফুরণ হয়েছে, যার ফলে প্রত্যেককে একটা বিশেষ কাজ অনেকদিন ধরে শিখে নিতে হয় এবং যার ফলে একবার একটা কাজ শিখলে সে কাজ ছেড়ে অন্ত কাজে যাওয়া অত্যন্ত কঠিন। যুদ্ধের বাজারে এঞ্জিনিয়ারের আয় বেড়ে গেছে দেখে উকিলের পক্ষে যেমন এঞ্জিনিয়ার হয়ে যাওয়া অসম্ভব তেমনি ছুটোরের আয় বাড়লেই তাতৌরা অবিলম্বে তাত চালানো ছেড়ে করাত ধরতে পারে না। জাতিভেদ এখন আর বংশগত বা রক্তগত ততটা নয় যতটা শিক্ষা এবং শ্রমবিভাগজনিত।

অতএব, প্রত্যেক শ্রমিককেই তার নিজের গঙ্গীর মধ্যে সাধারণত আবক্ষ থাকতে হয় এবং এর ফলে তারা নানা অস্বুবিধায় পড়ে। মনিবের সঙ্গে দর-কষাকষিতে শ্রমিকের প্রধান অস্বুবিধি ঢটি। প্রথমত, শ্রম সঞ্চয় করে রাখা যায় না, আজকের মত কাজ না পেলে কাল হুদিনের কাজ একত্র পাবার সম্ভাবনা নেই। দ্বিতীয়ত, চাহিদার পরিমাণ অনুসারে শ্রমিকের যোগান বাড়ানো বা কমানো যায় না, এবং যদি চাহিদা-হাসের ফলে মজুরি কমে যায় তাহলেও শ্রমিকদের পক্ষে অন্ত কাজের খোঁজ নেওয়ার কথা অধিকাংশ ক্ষেত্রেই অবস্থার। সুদের হার কমে গেলে ধনিক টাকাটা না ধার দিয়ে অন্ত কাজে লাগাতে পারে; মজুরির হার কমে গেলে সেরকম কোনো স্বাধীনতা শ্রমিকের নেই। বিক্রি না করতে

পারার সামর্থ্য বিক্রেতার সব চেয়ে বড় জোর ; সঞ্চয়-বিক্রেতা ধনিকের সে সামর্থ্য আছে, শ্রম-বিক্রেতা মজুরের নেই ।

যদি কোনো ক্ষেত্রে শ্রমিকরা ইচ্ছা করলে এক শিল্পে কাজ না নিয়ে অন্ত এক শিল্পে চলে যেতে পারে সেক্ষেত্রে তারা মজুরি হিসেবে তাদের আকাঙ্ক্ষিত পরিমাণই পাবে । বিশেষ একটি শিল্পে তাদের আকাঙ্ক্ষিত মজুরি নির্ভর করবে তারা অন্ত শিল্পে কি পেতে পারে তার উপরে ; মজুর যদি পাটের কলের কাজ ছেড়ে কাপড়ের কলে চলে যেতে পারে তবে পাটের কলের মালিক বাধ্য হয়ে মজুরদের অন্তত সেই মূল্য দেবে যা তারা কাপড়ের কলে পেতে পারত । কিন্তু এ স্বাধীনতা শ্রমিকদের অধিকাংশ ক্ষেত্রেই নেই । প্রায় সব শিল্পে শ্রমিকের সংখ্যা অতিরিক্ত এবং তাদের পক্ষে অন্ত কাজে যাওয়া অসম্ভব ; তাট তাদের মজুরি হয় কম, অর্থাৎ আকাঙ্ক্ষিত মূল্যের সঙ্গে একটা ঝণাঝুক উদ্ভৃত সংযুক্ত থাকে । বিশেষ বিশেষ ক্ষেত্রে মজুরিতে ধনাঝুক উদ্ভৃতও থাকতে পারে । আজকাল এঞ্জিনিয়াররা আগের চেয়ে বেশি আয় করে, যে আয়ের আশায় তারা এঞ্জিনিয়ার হয়েছিল তার চেয়ে বেশি উপার্জন করে । তার কারণ খুঁজে পাওয়া ষাবে এঞ্জিনিয়ারদের সাময়িক সংখ্যালভায় । চট করে অন্ত লোক এঞ্জিনিয়ার হয়ে যেতে যদি পারত তবে এক্ষেত্রে মজুরিব হারও নীচে নেমে আসত । জমির পরিমাণ কম হওয়াতে গাজনাতে যে রকম উদ্ভৃত থাকে, বিশেষ শ্রেণীর শ্রমিকের মজুরিতেও বিশেষ অবস্থায় সে রকম উদ্ভৃত থাকতে পারে ।

সাধারণ শ্রমিকের আয়ে ঝণাঝুক উদ্ভৃতই দেখতে পাওয়া যায় অর্থাৎ যে আয়ের আশায় তারা বিশেষ একটি কাজ শিখেছিল তার চেয়ে তারা কমই পায় । সাধারণ শ্রমিক সহজ কাজের দিকে যায় এবং সহজ কাজে অনেকেই যেতে পারে । ফলে এসব কাজে শ্রমিকের সংখ্যাধিক্য

হয় এবং শ্রমিকের মজুরি নীচের দিকে নামতে থাকে। অবশ্য আজকাল ‘মজুর-সংঘ’ স্থাপন করে মজুরি বাড়াবার চেষ্টা অনেকাংশে সফল হয়েছে। বাস্তবে যেখানে শ্রমিকের সংখ্যাধিক্য, মজুর-সংঘ সেখানে কৃত্রিম সংখ্যান্বিতা সৃজন করে এবং শ্রমিকদের মধ্যে প্রতিদ্বন্দ্বিতার অবসান ঘটায়। যদি ফ্যাক্টুরির মালিক সংঘবন্ধ শ্রমিকদের বদলে যন্ত্র বা অন্ত শ্রমিক দিয়ে কাজ চালাতে পাবে কিন্তু যদি মজুরি বৃদ্ধিব ফলে উৎপাদনব্যয় এত বৃদ্ধি পায় যে চাহিদা কমে গিয়ে উৎপাদন করতে বাধ্য করে তবে শ্রমিকেরা সংঘবন্ধ হয়েও বিশেষ লাভ করতে পারে না। কিন্তু অধিকাংশ ক্ষেত্রে অবস্থা অন্তরকম এবং সংঘবন্ধ শ্রমিকেরা অনেক শিল্পেই তাদের মজুরি বাড়াতে সফলকাম হয়েছে।

মজুরির মত স্বদের হারও নির্ভর করে মূলত মূলধনের জন্য চাহিদা ও সঞ্চয়ের যোগানের উপরে। মূলধন ব্যবহারে শ্রমের উৎপাদিকাশক্তি বাড়ে এবং উৎপাদকের কাছে সেজন্ত মূলধন কাম্য। বেশি বেশি মূলধন ব্যবহারে প্রাণ্তিক উৎপাদিকাশক্তি কমে যাবার সন্তোষিতা; তাই মূলধনের সরবরাহ অতিরিক্ত হলে খাতক বা উৎপাদক কম স্বদ দিতে চাইবে। স্বদের হার বেশি হলে মূলধন কাজে লাগানো হবে কেবল সেখানে যেখানে উৎপাদিকাশক্তি বেশি; স্বদের হার কম হলে যেক্ষেত্রে মূলধনের প্রাণ্তিক উৎপাদন কম সেক্ষেত্রেও উৎপাদনের প্রসার হবে। সঞ্চয়ের যোগান নির্ভর করে ব্যয় করে আনন্দ পাওয়া এবং সঞ্চয় থেকে আয় পাওয়া এই দুইয়ের মধ্যে প্রতিযোগিতার উপরে। সঞ্চয় মানে বর্তমানে ভোগ করবার স্ববিধা ত্যাগ, ভবিষ্যতের জন্য প্রতীক্ষা। সাধারণত লোকে ভবিষ্যৎ লাভের চেয়ে বর্তমানের আনন্দকেই বড় করে দেখে এবং সেজন্ত সঞ্চয়প্রবৃত্তি থেকে ভোগপ্রবৃত্তি অনেক বলবান। কিন্তু সঞ্চয় যদি লাভজনক হয়ে ওঠে তবে ভোগপ্রবৃত্তিকে কিছুটা চাপা দেওয়া

যায়, এবং কে কতটা তা করতে রাজি আছে তার উপরে তার সঞ্চয়ের পরিমাণ নির্ভর করে। জিনিসের যোগানে যেমন বিক্রয়-দর দিয়ে উৎপাদনের ব্যয়কে পুষ্টিয়ে নেওয়া হয়, মূলধনের যোগানেও তেমনি সুদের আয় দিয়ে সঞ্চয়ের, বা ভোগ থেকে বঞ্চিত হবার, নিরানন্দকে দূর করা হয়। একদিকে মূলধনের চাহিদা নির্ভর করে তার প্রাণ্তিক উৎপাদনের উপরে, অন্তদিকে যোগান নির্ভর করে সঞ্চয় বা প্রতীক্ষার নিরানন্দ কে কতটা বহন করতে রাজি তার উপরে। বেশি সঞ্চয় মানেই বেশি নিরানন্দ বা অস্ত্রবিধি; অর্থাৎ সঞ্চয়ের ‘প্রাণ্তিক অনিছ্ছা’ বাড়তে বাড়তেই চলে; বেশি সুদ না পেলে যথেষ্ট পরিমাণে সঞ্চয় আসবে না।

জিনিসটাকে আর একটু তলিয়ে দেখা যেতে পারে। বর্তমান ভোগের কাম্যতা বেশি বলেই সঞ্চয়ে অনিছ্ছা আসে এবং সুদ দিয়ে সেই অনিছ্ছাকে ইচ্ছায় রূপান্তরিত করা হয়। কিন্তু সঞ্চয়ের অনিছ্ছা দূর হলেই বেশি ধনিক টাকা ধার দেবে তার মানে নেই। যে টাকাটা সঞ্চিত হল সেটা সে হাতে ধরে বেথে দিতে পারে। টাকা হাতে ধরে রাখারও অনেক স্ববিধি আছে; যখন খুশি সেটাকে খরচ করা যায়, হঠাৎ প্রয়োজন হলে কাজে লাগানো যায়, কিন্তু হঠাৎ কোনো লাভের সন্তান্বনা দেখলে নিয়োগ করাও যায়। টাকা ধার দিলে শুধু ভোগের আনন্দ থেকেই বঞ্চিত হতে হয় না, নগদ টাকা হাতে ধরে রাখার স্ববিধিও ত্যাগ করতে হয়। ভোগের ইচ্ছার পরেও আছে নগদ টাকা হাতে রাখার কাম্যতা; সঞ্চয়ের অনিছ্ছার চেয়েও বলবান ধার দেবার অনিছ্ছা। অধমণকে বাধ্য হয়ে এমন সুদ দিতে হয় বা সঞ্চয়ের অনিছ্ছাকেই শুধু পরাভৃত করে না, ধার দেবার অনিছ্ছাকেও দাবিয়ে দেয়।

এতক্ষণ আর্থিক মূলধনের সুদের আলোচনাই করেছি; আর্থিক মূলধন বাস্তব মূলধনে রূপান্তরিত হলে তা থেকে বেশি আয় হয় তার স্বরূপ ‘কিছুটা

অন্তরকমের। কলকাতার কাছে রানাঘাটে পাঁচ হাজার টাকা খরচ করে যে বাড়ি তৈরি করেছে সে হয়তো আশা করেছে বাড়িটা ভাড়া দিয়ে মাসে পনেরো টাকা পাবে। হঠাতে যদি কোনো কারণে কলকাতার লোক রানাঘাটে পালাতে থাকে তবে সে বাড়ির ভাড়া চলিশ-পঞ্চাশে উঠতে পারে। হঠাতে রানাঘাটে বাড়ির চাহিদা বৃদ্ধি পেলে অন্য সময়ের মধ্যে নৃতন বাড়ি তৈরি হওয়া অসম্ভব, এবং কতদিন এই বর্ধিত চাহিদা থাকবে সেটা না জেনে নৃতন বাড়ি কেউ করবে না। অতএব যার বাড়ি আগে থেকেই আছে সে তার নিযুক্ত টাকার সুদ যা হতে পারত তাতে পাবেই এবং তার উপরে রানাঘাটে বাড়ির সংখ্যালংকার জন্য উদ্বৃত্তও পাবে অনেকটা। যা তার আকাঙ্ক্ষা ছিল, প্রাপ্তি হল তার চেয়ে বেশি। এক্ষেত্রে বাস্তব মূলধন থেকে আয়কে আমরা ‘উদ্বৃত্যুক্ত আয়’ বলতে পারি।

এই উদ্বৃত্ত অবশ্য সাময়িক। যদি কলকাতার লোক রানাঘাটে গিয়ে দেখে জায়গাটার সুবিধা অনেক তবে তাদের কেউ কেউ স্থায়ীভাবে মেঠানে বসবাস করবার ব্যবস্থা করবে। রানাঘাটের জনসংখ্যা স্থায়ীভাবে বৃদ্ধি পেলে ক্রমে নৃতন বাড়ি তৈরি হবে, বাড়ির ভাড়া কমবে এবং আস্তে আস্তে বাড়ির ভাড়া নির্মাণব্যয়ের স্বদের সমান গিয়ে দাঁড়াবে। আকাঙ্ক্ষা ও প্রাপ্তির মধ্যে শেষ পর্যন্ত পার্থক্য পাকবে না।

সাময়িকভাবে এ রূপক ক্ষেত্রে খণ্ডিক উদ্বৃত্তও দেখা যেতে পারে। কলকাতা থেকে লোক পালাতে আরম্ভ করলে কলকাতার বাড়িওয়ালার আয় এত কমে যেতে পারে যে বাড়ির জন্যে খরচ করা টাকাটার সুদও পাওয়া যাবে না। আকাঙ্ক্ষার চেয়ে প্রাপ্তি হবে কম। কিন্তু যদি কলকাতার লোক স্থায়ীভাবেই কমে যায় তবে নৃতন বাড়ি তৈরি হবে না, পুরানো বাড়ির সংস্কার হবে না, পুরানো বাড়ি ভেঙে পড়লে তার

জায়গায় অন্ত বাড়ি উঠবে না। ফলে বাড়ির যোগান কমে গিয়ে বাড়িভাড়া আবার নির্মাণব্যয়ের স্বদের সমান হয়ে দাঁড়াবে। যদি স্থায়ী-ভাবেই বাড়িভাড়া নির্মাণব্যয়ের স্বদের চেয়ে কম থাকবার প্রযুক্তি দেখা যায় তবে বাড়ি ইত্যাদি তৈরি না করে ব্যাঙ্কে টাকা ফেলে রাখাই লাভজনক এবং কেউই নিজের বাড়িতে থাকতে চাইবে না, সকলেই ভাড়াটে বাড়ি পুঁজিবে।

বাড়ির উদাহরণ নিয়ে বাস্তব মূলধন সম্পন্নে যা বলা হল তা আরো ভালোভাবে থাটে জমির বেলা। বাড়ির সংখ্যা স্থানবিশেষে সাময়িক ভাবে সীমাবদ্ধ, জমির পরিমাণ সর্বস্থানে চিরকালের জন্ত সীমাবদ্ধ। কোনো এক শহরে জনসংখ্যা বাড়লে বাড়িওয়ালার আয়ে উদ্বৃত্তি দেখা দেবে; দেশে জনসংখ্যা বাড়লে জমিদারের আয়েও উদ্বৃত্তের পরিমাণ বাড়তে থাকবে।

রিকার্ডে প্রথুৎ উনবিংশ শতাব্দীর পাঞ্জিতদের ধারণা ছিল যে জমিদারের আয়ের সবটাই উদ্বৃত্ত। রিকার্ডের মতে জমিদার থাজনা পার তিন কারণে— জমির সংখ্যান্তরা, বিভিন্ন জমির উৎপাদিকাশক্তির পার্শ্বক্ষণ্য এবং প্রত্যেক জমির উৎপাদিকাশক্তির ক্রমিক হাস। তৃতীয় কারণটির জন্ত একটিমাত্র জমির উপরে সমাজ নির্ভর করতে পারে না; সমাজের অভাব মেটাতে গেলে অনেক জমি চাষ করতে হয়। কিন্তু সব জমি সমান উর্বরা নয়, কোনোটাই উৎপাদন ব্যয় বেশি, কোনোটাই কম। সমাজের অভাব মেটাতে গেলে এবং দ্রব্যমূল্যের সাম্যস্থিতি আনতে গেলে যে-কটি জমি চাষ করা অবশ্যিক তার মধ্যে যেটি অধম সেটিরই উৎপাদন ব্যয় জিনিসের দাম নিরূপিত করবে। কারণ যদি দাম তার চেয়ে কম হয় তবে এই অধম বা ‘প্রান্তিক জমি’টি চাষ হবে না এবং এটি চাষ না হলে সমাজের অভাব মিটবে না। কার্যকরী চাহিদা পূরণ করতে গিয়ে যদি

এই জমিটি চাষ করতেই হয় তবে জিনিসটির দাম দিয়ে এই জমির উৎপাদন-ব্যয় পুষ্টিয়ে নিতে হবে।

প্রাক্তিক জমির উৎপাদন-ব্যয় যদি ফসলের দাম নির্ণয় করে তবে যে জমি প্রাক্তিক জমির চেয়ে ভালো সেটা চাষ করলে উৎপাদন-ব্যয় কম হবে এবং উৎপাদকের উত্তৃত্ব থাকবে। উত্তৃত্বটা প্রথমত চাষীর হাতে আসবে, কিন্তু জমির জন্য প্রতিবন্ধিতা প্রবল হলে চাষী বাধ্য হয়ে থাজনা-রূপে সেই উত্তৃত্বটুকু জমিদারকে দিয়ে দেবে। রিকার্ডের মতে জমিদারের আয়ের সবটাই ‘উৎপাদকের উত্তৃত্ব’ এবং এই উত্তৃত্বের পরিমাণ জমির শ্রেষ্ঠত্বের পরিমাপ।

একটা জিনিস রিকার্ডে লক্ষ্য করেননি। একই জমি যদি নানা কাজে ব্যবহৃত হতে পারে তবে সেই জমির আয়ের সবটাই আকাঙ্ক্ষার উপরে উত্তৃত্ব নয়।) যে জমিতে ধানও চাষ করা যাব, পাটও চান করা যায়, সে জমিতে প্রত্যেক ব্যবহারে একটা আকাঙ্ক্ষিত আয় আছে—ধান চাষ করে যা পাওয়া যাবে অন্তত সেটা না পেলে জামটা পাটচানে নিযুক্ত হবে না ; যদি তার চেয়ে বেশি কিছু পাওয়া যায় তবে সেই বেশিটুকুকে র্হাটি উত্তৃত্ব বলা যেতে পারে। মোট জমির পরিমাণ যতটা সামাবন্ধ, ধানের জমির পরিমাণ ততটা সামাবন্ধ নয় ; মোট জমির সরবরাহ বাড়ানো যায় না, কিন্তু ধানের জমির পরিমাণ বাড়ানো যায় যদি অন্ত কিছুর চাষ কমানো সম্ভব হয়। আমরা আগে দেখেছি যে উপাদানের বোগান বাড়ানো-কমানো সম্ভব হলে আয়ের মধ্যে উত্তৃত্বের পরিমাণ শেষ পর্যন্ত কমে যায় ; জমির বেলাও সেটা সম্ভব যদি একই জমি বিভিন্ন কাজে লাগান যায় এবং একরকম ব্যবহার থেকে অন্তরকম ব্যবহারে নিয়ে যাওয়া যায়। জমির আয়কে পুরোপুরি উত্তৃত্ব না বলে উত্তৃত্ব-যুক্ত আয় বলাই সংগত। অবশ্য উত্তৃত্বের পরিমাণ জমির বেলা বেশি

হবে এবং উদ্ভৃত দীর্ঘকাল স্থায়ী বা কোনো কোনো ক্ষেত্রে চিরস্থায়ীও হতে পারে।

উদ্ভৃত্যুক্ত আয়ের আর একটি উদাহরণ কর্মকর্তার লাভ। এক্ষেত্রেও অনেকে মনে করেন যে ব্যবসায়ের লাভ ও জমির খাজনা ঠিক একই প্রকৃতির; খারাপ জমি চাষ হয় বলেই ভালো জমির চাষে উদ্ভৃত পাওয়া যায় এবং প্রতিদ্বন্দ্বিতার বাজারে অপেক্ষাকৃত অপটু উৎপাদকের মালও হলে বলে সুপটু উৎপাদকের উদ্ভৃত আয় হয়। কিন্তু এখানে হটি কথা মনে রাখা দরকার। প্রথমত প্রত্যেক কর্মকর্তা এক ব্যবসায়ে না এসে অন্ত ব্যবসায়ে যেতে পারত; একবার বিশেষ একটি পথ বেছে নিলে অবশ্য পরে পরিবর্তন শক্ত, কিন্তু পথ বেছে নেবার আগে সে প্রত্যেকটির সন্তানে ভালো করে বিচার করে দেখে। স্বতরাং যে বিশেষ ব্যবসায়ে সে শেষ পর্যন্ত নামল সেটাতে তার একটা আকাঙ্ক্ষিত আয় আছে, অন্ত ব্যবসায়ে সে না পেতে পারত অন্তত সেটুকু আয় সে আশা করতে পাবে। দ্বিতীয়ত, কর্মকর্তা টচ্ছা করলে নিজেকে শ্রমিকে রূপান্তরিত করতে পাবে; স্বাধীন ব্যবসায় না করে যদি অন্তের ব্যবসায়ে বেতনভোগী ভাবে কাজ করা লাভজনক তব তবে অধিকাংশ ক্ষেত্রে সে তাই করবে। অন্তের প্রতিষ্ঠানে শ্রমিক তরে কাজ করলে যে মজুরি সে পেতে পারবে অন্তত সেটুকু আয়কে তার আকাঙ্ক্ষিত আয় বলে ধরে নেওয়া উচিত। তার চেয়ে বেশি যদি কিছু সে পায় তবে সেটা হল খাটি উদ্ভৃত। মালিকের আয়কেও তাটি উদ্ভৃত না বলে উদ্ভৃত্যুক্ত আয় বলাই সংগত।

এই উদ্ভৃতের অংশ ক্ষেত্রবিশেবে স্বল্পকালস্থায়ী, কিন্তু অধিকাংশ ক্ষেত্রেই দীর্ঘকালস্থায়ী হবার সন্তান। উদ্ভৃত হতে পারে নানা কারণে — সাময়িক ঘটনার সংস্থানে হঠাত অতিরিক্ত লাভ হয়ে যেতে পারে, কিংবা অন্তের চেয়ে কম ব্যয়ে জিনিস উৎপন্ন করলে আকাঙ্ক্ষিত মূল্যের

চেয়ে বেশি পাওয়া যেতে পারে। সব জমি যেমন সমান নয় সব কর্মকর্তা ও সমান নয়। উপাদান-সংযোগের ফলেই হয় উৎপাদন এবং এই উপাদান সংযোগের নৈপুণ্য যার যত বেশি তার উৎপাদনব্যয় তত কম হবে। শ্রমিকের মজুরি, স্বদের হার যে কর্মকর্তা কম দিয়ে পারে তার ব্যয় হ্রাস সহজ। ব্যবসায়ের ঝুঁকিগুলিকে আগে থেকে বুঝতে চেষ্টা ক'রে যে বীমা ইত্যাদি উপায়ে ক্ষতির সন্ত্বাবনা দূর করতে পারে শেষ পর্যন্ত তার ব্যয়ও কমই পড়বে। উৎপাদনব্যয় কমানোর প্রতিবন্ধিতায় যারা জিততে পারল, তারা তাদের শ্রমের মূল্য তো পাবেই, অধিকন্তু নিজেদের প্রয়োগনৈপুণ্যের শ্রেষ্ঠতা অনুসারে উদ্ভৃতও ভোগ করবে।

এই উদ্ভৃত নিয়ে অনেক সমস্তা ওঠে বলেই আকাঙ্ক্ষিত ও মূল্য এবং উদ্ভৃতকে আলাদা করে নেওয়া ভালো। কোনো আয় যদি আকাঙ্ক্ষিত মূল্যের সমান হয় তবেই সেটা শ্রায়সংগত হল তা বলা যায় না। কিন্তু প্রতিবন্ধিতামূলক সমাজে বা যে সমাজে স্বার্থবুদ্ধিই কর্মের প্রেরণা যোগায় সে সমাজে আকাঙ্ক্ষিত মূল্য না পেলে কেউ উপাদান সরবরাহ করতে চাইবে না। যে মজুর এক কাজ ছেড়ে আর এক কাজে যেতে পারে তার স্বল্পতম আকাঙ্ক্ষাও অন্তত যদি পৃণ না হয় তবে সে কাজ করবে না। টাকা ধার করতে গেলে মহাজনের আকাঙ্ক্ষিত মূল্য দিতেই হবে, কারণ তা না দিলে টাকাটা অন্তিমেকে চলে যেতে পারে। কর্মকর্তার কাজ পেতে গেলে শ্রমিক রূপে সে যা পেতে পারত বা অন্ত ব্যবসায়ে সে যা উপার্জন করতে পারত অন্তত সেটুকু তাকে দিতে হবে। ব্যক্তিস্বার্থ-অনুপ্রেরিত সমাজে আকাঙ্ক্ষিত মূল্য ঘাটতি পড়লে উপাদানের সরবরাহ কমবে এবং তার ফলে উৎপাদনও কমবে।

যে আয়ে উদ্ভৃত আছে সেখানে উদ্ভৃতকু বাড়তি পাওনা ধনতাত্ত্বিক সমাজে থেকেও একথা বলা যায়। উদ্ভৃত না পেলেও উপাদানের

সরবরাহ কমবে না। এই উদ্ভৃত অনেক সময়েই সামাজিক পরিবেশের বা ঘটনা-সংস্থানের জন্য হয় বলে এটার ভোগে সমাজের অধিকারের একটা যুক্তিসংগত দাবি উপস্থিত করা যায়। দেশে সংখ্যাবৃদ্ধির ফলে যদি জমিদারের উদ্ভৃত আয় বাড়ে তবে সে আয় তার ‘অন্তর্ভুক্ত’— সে উদ্ভৃত ভোগের অধিকার জমিদারের, না জনসাধারণের ? সাম্যবাদী সমাজে ব্যক্তির আয়ে উদ্ভৃত থাকতেই পারে না ; ধনিকতন্ত্র থাকতে থাকতেই উদ্ভৃতের গ্রায়সংগততা নিয়ে প্রশ্ন উঠেছে।

## ষষ্ঠ পরিচ্ছেদ

### বিবর্তন

ঐতিহাসিক বিবর্তনের ফলে সমাজব্যবস্থার যে বিশেষ রূপটি বর্তমানে এসে দাঢ়িয়েছে তাকে ধনিকপ্রধান বলে বর্ণনা করা যায়, এবং ধন-বিজ্ঞানের মূলসূত্রগুলি আধুনিক কালে এই ধনিকতন্ত্রের পরিবেশের মধ্যেই কাজ করে যায়। পঞ্চাশ বছর আগেও ইংরেজ অর্থনীতিবিদ্রা ধনিকতন্ত্র বা ক্যাপিটালিজমের গুণগান নিঃসংকোচে করেছেন ; উনবিংশ শতাব্দীর অনেক পণ্ডিতের হাতে ধনবিজ্ঞানের মুখ্য উদ্দেশ্য হয়ে দাঢ়িয়েছিল একথা প্রমাণ করা যে অনিয়ন্ত্রিত প্রতিদ্বন্দ্বিতার ফলেই সমাজের এবং ব্যক্তির শ্রীবৃদ্ধি চরমতম হয়ে উঠবে। গত পঞ্চাশ বছরের ভিত্তিতায় এবং বোধশক্তির পূর্ণতর বিকাশে সে মনোভাব কেটে গেছে। কিন্তু অষ্টাদশ শতাব্দীর শেষভাগে গ্রেট ভ্রিটেনে যে বিরাট পরিবর্তন এসেছিল তার জের এখনো চলেছে—ক্যাপিটালিজম বা ধনিকতন্ত্রের ইতিহাসই গত পৌনে দু শ বছরের ইতিহাস।

প্রত্যেক দেশের অর্থনৈতিক ইতিহাস খুজলে একটা সাধারণ ধারা দেখতে পাওয়া যাবে। যায়াবর-বৃক্ষ ছেড়ে মানুষ যখন বিশেষ বিশেষ দেশে স্থায়ী বাসস্থান গড়ে তুলল তখন তাদের পেশা ও জীবনযাত্রার পরিবর্তনও অবগুণ্ঠাবী হয়ে উঠল। যায়াবরের পেশা শিকার ও জন্মপালন; গৃহস্থের পেশা কৃষিকর্ম ও কুটিরশিল্প। ইতিহাসের দ্বিতীয় যুগে তাই দেখি মানুষের প্রধান বৃক্ষ জমি-চাষ এবং প্রধান ঐশ্বর্য জমি। স্বতরাং এই দ্বিতীয় যুগে জমির মালিকেরাই সমাজে প্রাধান্ত লাভ করেছিল। বহু শতাব্দী ধরে কৃষিকর্ম ও কুটিরশিল্প ব্যক্তির জীবিকার পথ নির্দেশ করেছে এবং সমাজে জমিদারের প্রাধান্ত অবিসংবাদে স্বীকৃত হয়েছে। প্রাচ্য থেকে পাঞ্চাঙ্গ মে-কোনো দেশের ইতিহাসেই একটা দীর্ঘকাল-স্থায়ী ফিউড্যাল বা জমিদার-প্রধান যুগ খুঁজে পাওয়া যাবে। ফিউড্যাল যুগের শেবতাগে বণিক-সভ্যতার সূত্রপাত। যান্ত্রিক উৎপাদন আরম্ভ হবার আগেই বণিকদের স্থান ক্রমশ উপরে উঠে আসছিল; কিন্তু ফিউড্যাল সমাজের আসল ভাঁড়ন শুরু তল তখনই যখন ক্যান্ট্রির উৎপাদনে বাজার ছেয়ে যেতে আরম্ভ করল।

এই তৃতীয় যুগের সূচনা তল প্রথমে গ্রেট ভ্রিটেনে অষ্টাদশ শতকের দ্বিতীয়ার্ধে। যান্ত্রিক উৎপাদনের জন্য বে-সব উপাদান প্রয়োজন, ভ্রিটেনে তার সবই ছিল। ইস্ট ইণ্ডিয়া কোম্পানি ইত্যাদির বাণিজ্যের ফলে দুই শতাব্দী ধরে প্রচুর মূলধন দেশে সঞ্চিত হচ্ছিল এবং ধনিকেরা সে মূলধন খাটোবার স্বয়েগ-সন্ধানে ব্যাপৃত ছিল। দেশে লোকা ছিল, কয়লা ছিল, ভালো বন্দর ছিল, ন্তুন রাস্তাঘাট তৈরি হয়ে চলাচল সহজতর হয়ে আসছিল এবং তা ছাড়া ছিল ইংরেজদের অসাধারণ উদ্যম ও উৎসাহ। অল্প কয়েক বছরের মধ্যে ভ্রিটেনে এক বিরাট পরিবর্তন এল; হারগ্রীভস, ক্রমটন, আর্করাইট প্রভৃতির আবিস্তৃত বন্দ্রাবলী এবং জেম্স

ওয়টেব স্টীম এঞ্জিন যন্ত্রশিল্পকে কায়েম করে দিল। ১৭৫০ সালে ব্রিটেনে চামবাস ও কুটিরশিল্পই প্রধান বৃত্তি ছিল— এবং সঙ্গে সঙ্গে বেশ কিছুটা বহির্বাণিজ্য ; ১৮০০ অব্দ পূর্ণ হবাব আগেই ল্যাঙ্কাশায়ারে বস্ত্রশিল্পের বনিয়াদ পাকা হয়ে গেল। তারপরে ১৮০৬এ প্রথম স্টীমার চলল, ১৮২৫এ রেলগাড়ী। যান্ত্রিক উৎপাদনের সঙ্গে বস্ত্রবাহিত চলাচলের সংযোগে যে বিরাট পরিবর্তন এল তার নাম দেওয়া হল ‘শিল্প-বিপ্লব’ বা ইণ্ডাস্ট্রিয়াল রেভলুশ্যন। এটি পরিবর্তনেই ধনিকপ্রধান সমাজের স্থাপনা হল।

শিল্প-বিপ্লব ব্রিটেনে সর্বাণ্গে হয়েছিল বলে ক্যাপিটালিজমের ইতিহাসে ইংরেজদেবতা স্থান প্রধান। কিন্তু একথা মনে রাখা উচিত যে এই শিল্প-বিবর্তন ইতিহাসের একটা প্রায় অবশ্যানুবীক্ষিত অধ্যায় এবং সবদেশেই এটা আসতে বাধ্য। যে বিবর্তন ব্রিটেনে তল ১৭৬০ থেকে ১৮৩০ সালের মধ্যে, জর্মানী ও আমেরিকায় সেটা হল গত শতাব্দীর তৃতীয় পাদে, জাপানে বর্তমান শতকে এবং ভারতবর্ষে এই বিবর্তন এখনো চলেছে। স্বতরাং সমস্ত পৃথিবীতে এই এক ধরনের সভ্যতা এবং আর্থিক জীবন-ব্যাপ্তি এসেছে কিংবা আসছে। আমরা আগেই বলেছি ইতিহাসের শেষ পাতায় পৌছুতে আমাদের অনেক দেরি, ক্যাপিটালিজম একটা মধ্যবর্তী পরিচ্ছেদ মাত্র। কিন্তু তবু এই পরিচ্ছেদটি বর্তমান সমাজের আলেখ্য এবং ঘতক অবাঙ্গনীয় হোক না কেন এই ধনিকতন্ত্রের মূলতত্ত্ব ভাল কবে বুঝে নেওয়া প্রয়োজন।

ধনিকপ্রধান সমাজের প্রধান বিশেষত্ব, উৎপাদনকার্যে মূলধনের মালিকের প্রাধান্ত। কোনো কিছু উৎপন্ন করতে গেলে চাই জমি, কাঁচামাল ও প্রক্রতিগত অন্তর্গত সম্পদ, মানুষের দেওয়া শ্রম এবং ধনিকের জমানো মূলধন। এই সব উপাদানের বিভিন্ন প্রকারের সহযোগে বিভিন্ন

জিনিস তৈরি হয় এবং এই তিনের মধ্যে কোন্টার গুরুত্ব বেশি সেটা তর্কনীতি বা সহজবুদ্ধি দিয়ে বলা যায় না। কিন্তু ধনিকপ্রধান সমাজের বাস্তবক্ষেত্রে প্রাধান্ত্রিক চলে গেছে মূলধনের মালিকের হাতে। যার হাতে মূলধন আছে সে প্রাকৃতিক সম্পদ সহজেই আহরণ করতে পারে। তাই উৎপাদনের ক্ষেত্রে যারা মূলধন সরবরাহ করে তারা তুল মালিক আর যারা শ্রম দেয় তারা বেতনভোগী মজুর।

ধনিকতন্ত্রের গুণগান যারা করেছেন তাঁরা বলেন যে মানুষের সবচেয়ে বড় প্রেরণা আসে স্বার্থবুদ্ধি থেকে। অত্যেক ব্যক্তিকে যদি তার নিজের স্বার্থ অন্বেষণের পরিপূর্ণ স্বযোগ দেওয়া যায় তবে সকলের কর্মপ্রচেষ্টাই পূর্ণতম হবে এবং সমাজের মঙ্গলও তাতেই। আরও বিশেষ করে তাঁরা বলেছেন যে জীবজগতের সাধারণ নিয়ম-অনুসারেও অনিয়ন্ত্রিত প্রতিবন্ধিতায় মানুষের চরম বিকাশ এবং সমাজের শ্রীবৃদ্ধি হতে বাধ্য। অতএব এই প্রতিবেগিতাকে ঘাতে নিরস্তুশ করে তোলা যায় তাই হওয়া উচিত সমাজের এবং সরকারের উদ্দেশ্য। গবর্নমেন্ট যদি কেবল শান্তি, শৃঙ্খলা ও আয়বিচার রক্ষা ছাড়া আর কোনো কিছু না করতে যায় এবং প্রতিবন্ধিতার ক্ষেত্রে যত বাধা আছে সব নিম্নল করে দেয় তবেই সমাজের সবচেয়ে বেশি উপকার।

ধনিকপ্রধান সমাজের আর একটি বিশেষত্ব আর্থিক অসাম্য। এই অসাম্য আসে নানা কারণে। প্রতিবেগিতার ক্ষেত্রে সকলের সামর্থ্য সমান নয় এবং পূর্ণপ্রতিবন্ধিতার পূর্ণতম স্ববিধা নেওয়াও সকলের পক্ষে সম্ভব নয়; তাই কারও আয় বেশি, কারও কম। অসাম্যের আর একটি বড় কারণ উত্তরাধিকার। সঞ্চিত অর্থ বতমান সমাজে উত্তরাধিকার স্থিতে নেমে আসে এবং কয়েক পুরুষেই সেটার আয়তন বহুগুণে বেড়ে যেতে পারে। ধনিকতন্ত্র সম্পত্তিকে সম্পূর্ণ ব্যক্তিগত করে তুলবার চেষ্টা

করেছে। আমরা একথা মনে করতে অভ্যস্ত হয়ে গিয়েছি যে, আমি না সঞ্চয় করি, আমি যা উপায় করি এবং আমি উত্তরাধিকারস্থত্বে যা পাই তার নির্ব্যুক্ত স্বত্ব সম্পূর্ণ আমার; এমন কি আমার নিজের কোনো শ্রম ব্যতীতও যদি আমার কোনো লাভ তবে তাও নিঃসন্দেহে আমার।

বর্তমান সমাজ শুধু যে এই অসাম্যকে বজায় রাখে তা নয় অসাম্যকে সমাজের মঙ্গলের কারণ বলেও নির্দেশ করে। জোর দিয়ে একথা বলা হয় যে অসাম্যই কর্মের প্রেরণা ঘোগায়। আমরা কাজ করি তখনই যখন আমাদের আশা থাকে যে অন্তের চেয়ে উচুতে উঠব। ধনিক-তন্ত্রের সমর্থক বলবেন, রাম চায় শ্রামের চেয়ে বড়লোক হতে, শ্রাম চায় বাগকে ছাড়িয়ে যেতে; ফলে দুজনেই বড়লোক হয়। এই উদ্দেশ্য-সিদ্ধির ক্ষেত্র বজায় রাখতে গেলে অসাম্যের প্রয়োজন; অসাম্য সন্তুষ্ট না হলে রাম ও শ্রাম দুজনেরই উত্থম এবং উৎসাহ নষ্ট হয়ে যাবে। উনবিংশ শতকের ইংরেজ অর্থনীতিবিশারদ এরকম যুক্তি দিয়েই ধনতন্ত্র, উত্তরাধিকার, ব্যক্তিগত সম্পত্তি এবং অসাম্যের সমর্থন করেছিলেন।

ক্যাপিটালিজম এখনো আছে কিন্তু তার স্বপক্ষের যুক্তিগুলির অসারতা আজকাল লোকে বুঝতে শিখেছে। অনিয়ন্ত্রিত প্রতিবন্ধিতায় সমাজের সর্বাঙ্গীণ মঙ্গল এ নিষ্পাস আজ কারও নেই, কারণ লোকে দেখেছে প্রতিবেগিতা বুদ্ধির সঙ্গে সঙ্গে দারিদ্র্য, কর্মহীনতা, সংঘর্ষ, যুদ্ধ ইত্যাদির উপশম তো ঘটেইনি, বরং সমস্তা আগের চেয়ে অনেক বেশি বিস্তৃত এবং গভীর হয়ে এসেছে। তাছাড়া এটাও দেখা গেছে যে প্রতিবন্ধিতা যদি অনিয়ন্ত্রিত থাকে তবে তার অবসান ঘটে সংঘবন্ধ ব্যবসায়ের আবির্ভাবে। সংঘবন্ধ ব্যবসায় একদিকে শ্রমিক এবং কাঁচামালের উৎপাদকের অনিষ্ট করে তাদের কম দামে শ্রম এবং জিনিস

বেচতে বাধ্য করে এবং অগ্রদিকে ক্রেতাদের অনিষ্ট করে চড়া দামে জিনিস বেচে এবং সে উদ্দেশ্যে ইচ্ছা করে উৎপাদন করিয়ে। বে আপাত মনোহর যুক্তি দিয়ে ‘প্রতিবন্ধিতামূলক ধনতন্ত্র’কে সমর্থন করা হয়েছিল সে যুক্তি ‘সংঘমূলক ধনতন্ত্র’র সমর্থনে অচল। অসাম্য এবং উত্তরাধিকারের স্বপক্ষে যে যুক্তিধারাব বর্ণণ গত শতাব্দীতে হয়ে গেছে আজকাল তাদের প্রভাব ক্ষীণ। মনিকপ্রধান সমাজের পরিবর্তনের প্রয়োজন আজকাল প্রায় সকলেই উপলব্ধি করেছে। পরিবর্তনটা ঠিক কি রকম এবং কি ভাবে হওয়া উচিত সে বিষয়ে মতভেদ আছে। কিন্তু মূলকথা এই যে, লোকে দেড়শ বছরের পুরানো এবং দৃঢ়ভাবে সংস্থাপিত একটা সমাজব্যবস্থাকে প্রশ্নের চোখে দেখতে আরম্ভ করেছে। অনিয়ন্ত্রিত প্রতিযোগিতার আদর্শ অস্বীকার করে নিয়ন্ত্রিত সতর্কতার আদর্শের পক্ষে মতবাদ গড়ে উঠেছে।

দৃষ্টিভঙ্গীর এই পরিবর্তনের সঙ্গে সঙ্গে ধনবিজ্ঞানের আলোচনার পদ্ধতিরও বিবর্তন ঘটেছে। প্রত্যেক যুগেই দেখা গেছে, সমাজের বিশেষ অবস্থার সঙ্গে তৎকালীন বৈজ্ঞানিক সিদ্ধান্তের একটা অন্তরঙ্গ যোগ আছে। সপ্তদশ শতাব্দী পর্যন্ত খ্রিটেনে এবং ফ্রান্সে ‘মার্কেন্টাইলিস্ট’ নামধারী একদল পণ্ডিতের প্রাধান্ত ছিল। তাঁরা বলতেন দেশের আর্থিক শ্রীবৃদ্ধি প্রধানত নির্ভর করে বহির্বাণিজ্যের উপরে; বাইরে থেকে কাচামাল এনে সেটাকে নৃতন রূপ দিয়ে আবার বিদেশে পাঠালে ধনাগম হবে এবং প্রত্যেকেরই কর্তব্য এমন কিছু করা যাতে উৎপাদন এবং বহির্বাণিজ্য বৃদ্ধি পায় এবং বিদেশ থেকে প্রচুর পরিমাণে সোনা এবং রূপা নিজের দেশে আসে। বিদেশে উপনিবেশ স্থাপনের অর্থনৈতিক গুরুত্ব এই মার্কেন্টাইলিস্টরাই প্রথমে দেখিয়ে দেয়; উপনিবেশ থেকে কাচামাল আসবে এবং সেই উপনিবেশই আবার রপ্তানী মাল কিনবে।

ব্ৰিটেনেৰ খ্যাতনামা মার্কেণ্টাইলিস্ট টমাস ম্যান তঁৰ বই লেখেন সপ্তদশ শতাব্দীৰ প্ৰথমভাগে। তাৰ আগেই আমেৰিকা আবিষ্কাৰ হয়েছে, ভাৱতবৰ্মেৰ পথ খুজে পাওৱা গেছে, ইন্সট ইণ্ডিয়া কোম্পানিও স্থাপিত হয়েছে।

অষ্টাদশ শতাব্দীৰ মধ্যভাগে ক্রান্সে ‘ফিজিয়োক্র্যাট’ নামে একদল সমাজতাৱিকেৰ আবিৰ্ভাব হয়। তাঁদেৱ প্ৰধান উদ্দেশ্য ছিল দেশেৰ মধ্যে ধনবণ্টনেৰ মূলনীতিৰ সন্ধান। নানাৱকম আলোচনাৰ ভিতৰ দিয়ে তাৰা এই সিদ্ধান্তে উপনীত হয়েছিলেন যে, ধন উৎপাদন কৰতে পাৱে একমাত্ৰ চাৰীৱাৰা; সমাজেৰ অঙ্গ সকলে সেই ধন নিজেদেৱ মধ্যে বণ্টন কৰে নেয় কিন্তু শেষ পৰ্যন্ত চাৰীৱাৰ ধন চাৰীৱাৰ কাছেই ফিৱে আসে। কৰ্মনীতিৰ দিক দিয়ে এইৰা জগতিৰ উপৱে কৰ বসাবাৰ পক্ষপাতী ছিলেন এবং এইদেৱ ধাৰণা ছিল যে এই একটিমাত্ৰ কৱেৱ আয় দিয়েই সরকাৰেৰ সৰ্বপ্ৰকাৰ ব্যয়নিবাহ সন্তুষ্ট হবে। এইদেৱ মতবাদেই আমৱাৰ প্ৰথম দেখতে পাই অলঙ্ঘ্য প্ৰাকৃতিক নিয়মে বিশ্বাস। বহুদিন পৰ্যন্ত অৰ্থনীতি-বিশারদৱা এ বিশ্বাস ছাড়তে পাৱেননি; সমাজবিজ্ঞানেৰ নিয়ন্ত্ৰণৰ মধ্যে প্ৰকৃতিৰ গুপ্ত অথচ কল্যাণময় হস্তেৰ ক্ৰিয়া এখনো অনেকে দেখতে পাই।

ফিজিয়োক্র্যাটদেৱ রচনাগুলি ১৭৫৮ থেকে ১৭৬৬ৰ মধ্যে প্ৰকাশিত হয়। এৰ অল্প পৱে, ১৭৭৬ সালে অ্যাডাম স্মিথ তঁৰ বিখ্যাত ‘ওয়েলথ অব নেশন্স’ রচনা শেষ কৱেন। ব্ৰিটেনে বৈজ্ঞানিক পদ্ধতিতে ধনবিজ্ঞানেৰ বিশদ আলোচনাৰ সূত্ৰপাত অ্যাডাম স্মিথে। যে বছৰ তঁৰ বই প্ৰকাশিত হল সে বছৱেই আমেৰিকা স্বাধীনতা ঘোষণা কৱে এবং ক্রান্সে নৃতন রাষ্ট্ৰীয় চিন্তাধাৰাৰ প্ৰসাৱ তথনই হতে আৱস্থা কৱেছে। শিল্পবিবৰ্তন তো আগেই আৱস্থা হয়ে গেছে এবং অ্যাডাম স্মিথ আগতপ্ৰায় নৃতন সমাজেৰ

সম্পূর্ণ রূপ প্রত্যক্ষ না করতে পারলেও উপলক্ষি করতে পেরেছিলেন ; তাই তাঁর আলোচনার প্রথম বিষয় শ্রমবিভাগ এবং পরে মূলধনের প্রকৃতি, সঞ্চয় এবং ব্যবহার, নাগরিক অর্থনীতি, বর্তিবাণিজ্য ইত্যাদি। স্থিতের আলোচিত বিষয়সমূচ্চী দেখলেই বোঝা যায় নে তাঁর দৃষ্টিকোণ বর্তমান যুগের কত কাছাকাছি। শ্রমের সঙ্গে দ্রব্যমূলোর সম্বন্ধ নির্ধারণ, ব্যবহার্য জিনিসের ‘ব্যবহার-মূল্য’ এবং ‘বিনিময়-মূল্য’র মধ্যে পার্থক্য সন্দান, প্রতিদ্বন্দ্বিতার গুণবর্ণন, প্রকৃতিগত শৃঙ্খলার স্বরূপ, শ্রমিকের মজুরি এবং ধনিকের লাভের মধ্যে বিপরীত গতিসম্বন্ধ, রাজস্ব-সংগ্রহের মূলনীতি ইত্যাদি অনেক বিষয়ে ওয়েলথ অব নেশন্স্ অনুসন্ধিৎসু পাঠকের অবগুপ্ত-পাঠ্য।

ধনবিজ্ঞান আলোচনার যে পথ স্থিথ থুলে দিলেন তাকে আজকাল বলা হয় ‘ক্লাসিক্যাল’ পথ— ম্যালথস, বিকার্ডে এবং জেমস মিলের হাতে এই পথ প্রশস্তর হল এবং ক্লাসিক্যাল মতবাদের পূর্ণ-পরিগতি দেখা গেল উনিশ শতকের মধ্যভাগে জন স্টুয়ার্ট মিলের রচনায়। ১৭৯৮ সালে ম্যালথস দেখালেন যে জনসংখ্যারুদ্ধির হার খাত্তসন্ত্বারুদ্ধির হারের চেয়ে দ্রুততর এবং যদি লোকে স্বেচ্ছায় সন্তান-জন্মের হার কমানোর চেষ্টা না করে তবে একদিন খাত্তাভাব আসবেই ; তখন অনাহার, অপুষ্টি, রোগ, শিশুমৃত্যু ও শিশুহত্যা এবং যুদ্ধ অনিবার্য। মানুষের উভবুদ্ধির উপরে ম্যালথসের বিশ্বাস ছিল না, তাই তাঁর লেখাতে নৈরাশ্যের স্ফুরণ প্রধান। ১৮২০ সালে প্রকাশিত তাঁর ‘পলিটিক্যাল ইকনমি’তে তিনি যে মতবাদ প্রচার করেন তাতে ক্যাপিটালিজমের সমালোচনা পাওয়া যায় কিন্তু কোনো আশার কথা খুঁজে পাওয়া যায় না।

রিকার্ডে উনবিংশ শতাব্দীর প্রথম দশকে স্বৰ্ণ এবং মুদ্রানীতি সম্বন্ধে প্রবন্ধ লিখে খ্যাতিলাভ করেন। তাঁর প্রধান বই ১৮১৭ সালে লেখা ; সে

বইয়ে আলোচিত দ্রব্যমূল্য এবং ধনবণ্টনের তত্ত্ব বহুদিন অর্থনীতির ছাত্রের বেদরূপে গণ্য হত। স্থিতের মতই শ্রমের সঙ্গে দ্রব্যমূল্যের সমন্বয় স্থাপনের চেষ্টা রিকার্ডেও করেন, কিন্তু তিনি এ আলোচনাকে গভীরতর পর্যায়ে নিয়ে ধান। রিকার্ডের মূল্যতত্ত্ব-অনুশীলন থেকেই একদিকে ক্লাসিক্যাল পণ্ডিত জন স্টুয়ার্ট মিল তাঁর রক্ষণশীল ব্যাখ্যার উপাদান পেয়েছিলেন এবং আর একদিকে কার্ল মার্ক্স তাঁর সাম্যবাদী মতের সমর্থন পেয়েছিলেন। জমির খাজনা সমন্বে রিকার্ডে যে আলোচনা করেছিলেন সেটা এখনো মূল্যবান এবং তাঁর মুদ্রানীতি ও বহির্বাণিজ্য সমন্বয় মতবাদে যে আধুনিকতা আছে তাতে বিশ্বিত হতে হয়।

উনবিংশ শতাব্দীর মাঝামাঝি জর্মানিতে ইংরেজ অর্থনীতিবিদের সিদ্ধান্তগুলি সমালোচনা করেন দুদলের লেখক—এক দল জাতীয়শিল্প সংবন্ধণের জন্য সরকারী নিয়ন্ত্রণ অনুমোদন করেন এবং অন্য দল ধনবিজ্ঞানের আলোচনাকে ঐতিহাসিক আলোচনার রূপ দিতে চেষ্টা করেন। ব্রিটেনে যথন যন্ত্রশিল্প পাকাপাকিভাবে গড়ে উঠেছে তখন নৃতন করে যন্ত্রশিল্প স্থাপন করতে গেলে জর্মানির অস্তুবিধি হওয়ারই কথা। ইংবেজ অর্থনীতিবিদরা অবাধ বাণিজ্যের অনুমোদন করেছিলেন, জর্মান লেখক ফ্রেডারিক লিস্ট সংরক্ষণ-নীতির সমর্থনে কোমর বেঁধে দাঢ়ালেন। আমাদের দেশে সরকারী কর্মনীতির আলোচনায় এবং সমালোচনায় আজ একশ বছৱ পরেও লিস্টের প্রভাব অনেকখানি দেখতে পাওয়া যায়।

ক্লাসিক্যাল পণ্ডিতদের নানা মতবাদ অনেকের লেখায় চারদিকে ছড়িয়ে পড়েছিল: এগুলি একত্রে গেঁথে, এদের মধ্যে অসংগতিগুলি বর্জন করে, যথাসন্তুষ্টি রক্ষা করে একটা সম্পূর্ণ ধনবিজ্ঞান পাঠকের সমুখে ধরে দেবার ক্ষতিত্ব জন স্টুয়ার্ট মিলের। ১৮৪৮ সালে প্রকাশিত তাঁর বিশদ

গ্রন্থে উনবিংশ শতাব্দীর ধনবিজ্ঞানের সম্পূর্ণ প্রতিমূর্তি দেখতে পাওয়া যাবে। অথচ এই ১৮৪৮ সালেই কার্ল মার্ক্সের ‘কম্যুনিস্ট ম্যানিফেস্টো’ প্রকাশিত হয়। একই সময়ে দেখি, একদিকে মিল রক্ষণশীল ধারা অব্যাহত রাখিবার চেষ্টায় আছেন, অন্তর্দিকে মার্ক্স ধনিকপ্রধান সমাজের অনুজ্জল দিকটা উদ্ঘাটনের চেষ্টায় ব্যাপৃত। এর পর গেকে ছুটি ধারা অনেকটা আলাদা আলাদা ভাবে চলেছে। ক্লাসিক্যাল ধারা অস্ট্রিয়ান এক পঙ্গিতব্যাহ এবং ইংরেজ আলফ্রেড মার্শালের হাতে একটা প্রায় গাণিতিক রূপ নিয়ে বিংশ শতাব্দীতে চলে এসেছে; সমাজতন্ত্রী ধারা মার্ক্সের ‘ক্যাপিটাল’ গ্রন্থে এবং তাঁর অন্তর্গামীদের রচনায় পূর্ণতরকপে প্রকাশিত হয়েছে। গত মহাযুদ্ধের পর থেকে আমরা আবার দেখছি এই দুই ধারাকে সম্মিলিত করবার প্রয়াস। বর্তমান যুগের উৎপাদন, মূল্য ও বণ্টনতত্ত্ব আলোচনা এবং আধুনিক স্বাচ্ছন্দ্যবিজ্ঞান, সবই সমাজতন্ত্রী প্রভাবে অনেক পরিবর্তিত রূপ নিয়েছে।

উনবিংশ শতাব্দীর শেষার্ধে ক্লাসিক্যাল ধারায় সবচেয়ে উল্লেখযোগ্য পরিবর্তন দ্রব্যমূল্য-নির্ধারণে ক্রেতার দিকে মনোযোগ আকর্ষণ। শীর্থ থেকে রিকার্ডে সকলেই দ্রব্যমূল্যকে প্রধানত উৎপাদক বা বিক্রেতাব দিক থেকেই দেখেছেন, যদিও উৎপাদন-ব্যয় কিভাবে মাপা হবে সেটা বিতর্কের বিষয় হয়েই ছিল। ১৮৫৪ সালে গসেন কোনো জিনিস ব্যবহারের ফলে তার কাম্যতার ঝাস হয় এই নিরমটি আবিষ্কার করেন এবং এই সিদ্ধান্তে আসেন যে অনেক জিনিস যদি হাতের কাছে থাকে তবে সেগুলির প্রত্যেকটিরই কিছু না কিছু ব্যবহার না করলে পরিতৃপ্তিকে বহুলতম করা অসম্ভব। গসেনের পরে অস্ট্রিয়াতে মেঙ্গার প্রমুখ কয়েকজন ক্রেতার মনোভাব এবং ক্রেতার আচরণকে দ্রব্যমূল্যের সাম্যস্থিতি আনয়নের প্রধান কারণ বলে নির্দেশ করেন এবং

ত্রিটেনে জেভন্স প্রাণ্তিক কাম্যতা হ্রাসের নিয়মকে কলন-গণিতের ভাষায় রূপ দেন।

জেভন্সের পরে দ্বিতীয় ধারা আগাদের চোথে পড়ে। ইউরোপে লসানে একটা পশ্চিমগোষ্ঠী গড়ে উঠছিল ওয়ালরাসের নেতৃত্বে। ১৮৭৪ সালে ওয়ালরাস্ দ্রব্যের প্রাণ্তিক তৃপ্তিদান-ক্ষমতা সম্বন্ধে বিশদ আলোচনা করেন এবং পরে এ আলোচনা আরো গভীরভাবে করেন তাঁর শিষ্য প্যারেটো ১৮৯৬ থেকে ১৯০৬ সালের মধ্যে। জিনিসের তৃপ্তিদান-ক্ষমতাকে তালো করে বুকতে গেলে অনেক গোলমালে পড়তে হয় বিশেষত যখন তৃপ্তির তুলনা অসম্ভব। তাই তৃপ্তিদান-ক্ষমতার দিকে তাকানো ছেড়ে দিয়ে প্যারেটো জিনিসের ‘কাম্যতা’র দিকে নজর দিলেন। একটা জিনিস তৃপ্তি দেয় কি না, অন্ত জিনিসের চেয়ে বেশি দেয় না কম দেয় সে খোজে না গিয়ে জিনিসটা লোকে ঢায় কিনা এবং সেটা পেতে গেলে অন্ত জিনিস কতটা ছাড়তে রাজি আছে সে তথ্যটি আগাদের সন্ধান করা উচিত। তাঁর পূর্ববর্তী ইংরেজ লেখক এজওয়থের প্রবর্তিত জ্যামিতিক পদ্ধতি অনুসরণ করে প্যারেটো দেখান যে ক্রেতাদের পছন্দের তুলনা করতে পারলেই দ্রব্যমূল্যের ‘সার্বিক সাম্যস্থিতি’র মূল কারণে পৌছানো নাবে। ১৯৩৪ সালে ইংরেজ লেখক হিক্স আবার এজওয়থ এবং প্যারেটোর পদ্ধতিকে ধনবিজ্ঞানের মূল্যত্বে সংস্থাপিত করবার চেষ্টা করে সাফল্য লাভ করেছেন।

দ্বিতীয় ধারাটির উৎপত্তি কেম্ব্ৰিজের আলফ্্রেড মাৰ্শালের রচনায়। তাঁর প্রথম বই বেরৱ ১৮৭৯ সালে; কিন্তু তাঁর প্রধান রচনা ‘প্ৰিসিপ্ল্ৰস অব ইকনমিক্স’ প্রকাশিত হয় আৱো এগাৱো বছৰ পৱে। ঘিলেৱ মত মাৰ্শালও তাঁর পূর্ববর্তীদেৱ মতবাদ হৃদয়ংগম কৱে সেগুলিৱ মধ্যে সংগতি আনবাৱ চেষ্টা কৱেছিলেন। তাঁৰ প্রধান কৃতিত্ব দ্রব্যমূল্য-নিৰ্ধাৰণে

উৎপাদন-শ্রম ও ক্রেতার তৃপ্তি এই ছইয়ের স্থানের মধ্যে সামঞ্জস্য বিধান করা। অনেক জিনিস অবগু তাঁকে ধরে নিতে হয়েছিল এবং সব কিছুকে ‘অচল’ কল্পনা করে বিশেষ একটি জিনিসের চাহিদা এবং সরবরাহ পরিবর্তন হলে কি হয় তাতেই তাঁর আলোচনা অনেকটা আবদ্ধ রাখতে হয়েছিল। কিন্তু ধরে নেওয়া সব কিছু স্বীকার করে নিলে তাঁর সিদ্ধান্তের গাণিতিক পরিচ্ছন্নতায় চমৎকৃত হতে হয়।

আরো অনেক নৃতন জিনিস মার্শালের রচনায় পাওয়া গেল। রিকার্ডে দেখিয়েছিলেন প্রাণ্তিক জমির উৎপাদন-ব্যয় থেকে ভালো জমির উৎপাদন-ব্যয় কম বলে উৎপাদকের একটা উদ্ভৃত থাকে। মার্শাল বললেন, উৎপাদকের উদ্ভৃতের মত জিনিসের ভোগ বা ব্যবহার যে করে তারও উদ্ভৃত থাকে, কারণ ক্রেতা যে দামটা পর্যন্ত উঠতে রাজি আছে সে দাম তাকে প্রায়ই দিতে হয় না। ধনিকসমাজের অর্থনীতিবিদ উৎপাদকের উদ্ভৃতের দোষ কাটাতে ক্রেতার উদ্ভৃত তৃপ্তির সন্ধান দিলেন। ধনবিজ্ঞান আলোচনায় কালবিভাগের গুরুত্বও আমরা মার্শালের কাছেই শিখেছি। স্বন্ধকালীন কার্যকারণ-সম্বন্ধ দীর্ঘতর কালে গিয়ে রূপ বদলাতে পারে এটা মার্শাল দেখিয়েছিলেন নানাস্থানে— দ্রব্যমূল্যের কারণ-নির্ণয়ে এবং বিশেষ করে স্থায়ী জিনিসের আয়ের প্রকৃতি নির্ধারণে।

ধনবিজ্ঞানের আলোচনায় এমন ক্ষেত্র নেই যেখানে মার্শালের কিছু না কিছু দান না আছে। মূল্যের হ্রাসবৃদ্ধির সঙ্গে সঙ্গে চাহিদার পরিবর্তনশীলতাকে মার্শাল গাণিতিক নিয়মে দুই শ্রেণীতে ভাগ করেন এবং আর্থিক জীবনের নানা ক্ষেত্রে ‘অতিপরিবর্তনশীল’ ও ‘অন্তি-পরিবর্তনশীল’ চাহিদার প্রভাবের তারতম্য প্রদর্শন করেন। ব্যয়ের কোন্‌ অংশ উৎপাদনের সামান্য হ্রাসবৃদ্ধির সঙ্গে কমে বা বাড়ে না এবং কোন্‌ অংশ উৎপাদনের সঙ্গে সঙ্গেই কমে বাড়ে অর্থাৎ কোনূটা ‘গোণ ব্যয়’

আর কোন্টা ‘মুখ্য ব্যয়’ তাও মার্শালই দেখিয়েছিলেন। ব্যয়-হ্রাসের কারণ খুঁজতে গেলে দেখা যাবে যে কতকগুলি কারণ ‘আভ্যন্তরীণ’ অর্থাৎ বিশেষ একটি প্রতিষ্ঠানের কর্মকর্তার নৈপুণ্যের নির্দশন এবং অন্য অনেক কারণ ‘বাহ্যিক’, অর্থাৎ প্রতিষ্ঠানটির কর্মকর্তার বিশেষ তৎপরতা না থাকলেও সেগুলির স্ববিধা পাওয়া যাবে। টাটা কোম্পানির ম্যানেজার যদি একটু সুষ্ঠু শ্রমবিভাগের ফলে সন্তায় ইস্পাত তৈরি করতে পারেন তবে ব্যয় হ্রাস হল ‘আভ্যন্তরীণ’ কারণে; কয়লা চলাচল সন্তা হয়ে যাওয়াতে যদি ইস্পাতের উৎপাদন-ব্যয় কমে যায় তবে সে ব্যয় হ্রাস হয় ‘বাহ্যিক’ কারণে। উৎপাদনের উপায়, গড়ন এবং পরিমাণ যথন অনবরত বদলাচ্ছে তখন একটী ‘প্রতীক প্রতিষ্ঠানে’র কল্পনা করে নেওয়ার নির্দেশও মার্শালই দিয়েছিলেন।

মার্শালের লেখায় আজকাল অনেক খুত ধরা পড়ে, বিশেষত তাঁর প্রবর্তিত দ্রব্যমূল্যের আলোচনায়। একটি একটি করে জিনিস আলাদা করে নিয়ে তার চাহিদা ও যোগানের হ্রাসবৃদ্ধির দিকে দৃষ্টিক্ষেপ করলে সমস্তা সহজ হয়: কিন্তু বাস্তবের সঙ্গে তার যোগ থাকে না। দ্রব্যমূল্য বিশেষের সাম্যস্থিতির কারণ নির্ধারণের চেয়ে অনেক বেশি প্রয়োজন কি কারণে দ্রব্যমূল্যের ‘সার্বিক সাম্যস্থিতি’ আসতে পারে তার অনুসন্ধান। বর্তমান শতাব্দীর প্রারম্ভে সুইডেনে হিক্সেল সার্বিক সাম্যস্থিতির আলোচনা করতে গিয়ে বাস্তব কারণের সঙ্গে আর্থিক কারণের যোগসূত্র খুঁজে পান এবং আধুনিক অর্থতন্ত্র আলোচনার দরজা খুলে দেন। এই সুইডেনেরই গুরুত্ব ক্যামেল দ্রব্যস্বন্ধুতা থেকে আরম্ভ করে কয়েকটি জাত ‘স্থির’ কারণ এবং সবগুলি অজ্ঞাত দ্রব্যমূল্যের মধ্যে সমীকরণ আবিষ্কারের চেষ্টা করেছেন। মার্শালের প্রবর্তিত ধারার বিরোধী আর একটা ঘতবাদ গড়ে উঠেছে আমেরিকায়। অনেকে মার্শালকেও ক্লাসিক্যালদের পর্যায়ে

ফেলতে চান কারণ রিকার্ডের চিন্তাধারা তাঁর প্রত্যেক পাতায় খুজে পাওয়া যাব। আমেরিকার কার্ক প্রমুখ লেখকদের রচনাতে রিকার্ডের সঙ্গে সংগতি রক্ষার চেষ্টা অনেকাংশে বর্জিত হয়েছে।

বিংশ শতাব্দীর ধনবিজ্ঞান আলোচনায় মার্শালের প্রভাব খুব বেশি, পিগুর রচনায়। পিগুর ‘ইকনমিক্স অব ওয়েলফেয়ার’ এর পাতায় পাতায় অবশ্য মার্শাল-বিরোধী মন্তব্য দেখতে পাওয়া যাবে। কিন্তু ‘মনে রাখা উচিত যে মার্শাল লিখেছিলেন ১৮৯০ সালে, প্রতিদ্বন্দ্বিতামূলক ধনতন্ত্র যথন সগৌরবে বিরাজ করছে, মানুষের যথন বিশ্বাস আছে যে স্বার্থবৃক্ষ এবং শুভবৃক্ষ প্রায় একই জিনিস। পিগুর লিখেছেন গত মহাযুক্তের দু বছর পরে, যথন ধনিকতন্ত্র সংঘবন্ধ একচেটিয়া ব্যবসায়ের রূপ নিয়েছে এবং অনিয়ন্ত্রিত স্বার্থ-সংঘর্ষের বিষয় ফল সম্পদে যথন আর সন্দেহ নেই। তাই পিগুর সিন্দ্বাসের সঙ্গে মার্শালের সিন্দ্বাস অনেক ক্ষেত্রে মেলে না ; কিন্তু পিগুর বিচার-পদ্ধতি, আলোচনার প্রকৃতি এবং দৃষ্টিভঙ্গী সম্পূর্ণভাবে মার্শালীয়। যদি মার্শাল ১৮৯০ সালে না লিখে ১৯২০ সালে লিখতেন তবে তাঁর হাত দিয়ে ইকনমিক্স অব ওয়েলফেয়ারট বেরত।

পিগুর আগেও তবসন ইত্যাদি কয়েকজন স্বাচ্ছন্দ্যতন্ত্রের দিক দিয়ে ধনবিজ্ঞান আলোচনায় প্রবৃত্ত হয়েছিলেন ; কিন্তু পিগুর মতো বৈজ্ঞানিক এবং সূক্ষ্ম দৃষ্টিভঙ্গী তাঁদের কারও রচনায় পাওয়া যায়না। পিগুর স্থচনাতেই বলেছেন যে জ্ঞান দুরকমের— যে জ্ঞান আলো আর যে জ্ঞান ফল দেয়, এবং সমাজবিজ্ঞানের প্রত্যেকটার মধ্যেই দুটো দিকই আছে। ধন-বিজ্ঞানের ‘আলোক-সন্ধানী’ দিকটার মূল্য সব চেয়ে বেশি হবে তখনই যথন সমাজের কাজে তাকে ‘ফলপ্রস্তু’ করে তোলা যাবে। সমাজের সব চেয়ে বড় আদর্শ স্বাচ্ছন্দ্যের বৃক্ষি এবং এই স্বাচ্ছন্দ্য বাঢ়ানোর নানা উপায় সন্ধানই পিগুর উদ্দেশ্য। সামাজিক স্বাচ্ছন্দ্যের সবটাকে অবশ্য

পরিমাপ করা যায় না ; সুতরাং বেটুকুকে অর্থের মাপকাঠি দিয়ে বিচার করা যায় আমরা শুধু সেটুকু বাড়ানোর পক্ষ নির্দেশ করতে পারি । এই ‘পরিমেয় স্বাচ্ছন্দ্য’ নির্ভর করে প্রধানত তিনটি জিনিসের উপরে— কতটা ধন উৎপন্ন হয়, কি ভাবে ধন বণ্টিত হয় এবং কি রকম করে উৎপন্ন জিনিসগুলিকে ভোগ বা ব্যবহার করা হয় । বণ্টন এবং ব্যবহার পদ্ধতি অপবিবর্তিত আছে ধরে নিলে বলা যায় যে উৎপাদন যত বেশি হবে সামাজিক স্বাচ্ছন্দ্যও ততট বাড়বে । যদি প্রতিদ্বন্দ্বিতায় কোনো বাধা না থাকে এবং প্রতোক দিকে বাঞ্ছনীয় অনুপাতে উপাদান প্রয়োগ সন্তুষ্ট হয় তবে অবশ্য উৎপাদন যথাসন্তুষ্ট বেশি না হওয়ার কোনো কারণ নেই । কিন্তু এটা সন্তুষ্ট হয় না নানা কারণে— অজ্ঞতা, এক ব্যবহার থেকে অন্য ব্যবহারে উপাদান সরিয়ে আনার ব্যয় এবং অস্ববিধা, উপাদানগুলিকে বাঞ্ছনীয় ভাবে বিভক্ত করতে না পারা ইত্যাদি । নদি এই অস্ববিধা এবং অন্তরায়গুলিকে দূর করা যায় তবে উৎপাদন বৃদ্ধি সহজেই করা যাবে ।

কিন্তু তাতেও সমস্তান সমাধান হবে না, কারণ ব্যক্তির লাভ এবং সমাজের লাভ অনেক সময়েই এক নয় । যতদিন পর্যন্ত উৎপাদন-কার্য ব্যক্তির হাতে ততদিন ব্যক্তিগত লাভের আশা যেদিকে বেশি সেদিকেই শ্রম এবং মূলধন নিযুক্ত করা হবে, সমষ্টির তাতে লাভ হোক আর নাই হোক । ব্যক্তিস্বার্থের সঙ্গে সমষ্টির স্বাচ্ছন্দ্যের বিরোধ নানাস্থানে । জগিদারের কাছ থেকে জগি নিয়ে যদি সে জগিতে আমি স্থায়ী কোনো উন্নতি করি তবে তাতে আমার ব্যক্তিগত লাভের চেয়ে সমাজের লাভ বেশি ( অবশ্য সমাজের মধ্যে আমাকেও ধরে নিয়ে ), শহরের ঘিঞ্জি গলিতে বাড়ি তৈরি করে সম্মুখে যদি আমি একটু খোলা জগি রাখি তবে তাতে যেমন আমি আলো-হাওয়া পাব, তেমনি আমার প্রতিবেশীরাও

পাবে ; সে ক্ষেত্রেও আমার ব্যক্তিগত লাভের চেয়ে সমাজের লাভ বেশি । আবার আমার বাড়িতে আমি যদি ফ্যাক্টরি খুলি তবে তাতে আমার লাভ, কিন্তু প্রতিবেশীর হবে স্বাস্থ্যহানি ; তাড়ির দোকান খুলে আমি হয়তো অনেক টাকা করে নিতে পারি, কিন্তু সমাজের তাতে অঙ্গস্ত এবং মাতালের হল্লা কর্মাতে গিয়ে সরকাবের পুলিশের খরচ বৃদ্ধি । একচেটিয়া ব্যবসায়ে বা যে ব্যবসায়ে অন্তের উপরে অস্তুবিধি বা এমন কি খরচের বোঝাও চাপানো যায় সে ব্যবসায়ে এবং আরো এমন অনেক ক্ষেত্রে ব্যক্তির লাভ ও সমাজের লাভের মধ্যে পার্থক্য দেখতে পাওয়া যায় ।

পিগুর বক্তব্য এই যে, যদি পর্যাপ্তম স্বাচ্ছন্দ্য লাভই সমাজের আদশ হয় তবে যেখানে ব্যক্তির লাভের চেয়ে সমাজের লাভের সন্তাননা বেশি সেখানে আর্থিক সাহায্য বা অন্ত যে কোনো উপায়ে উৎপাদন বাড়াতে হবে । ব্যক্তির লাভের হারকে বাড়িয়ে দিতে পারলেই সহজে উদ্দেশ্য সিদ্ধ হবে । আর যেখানে ব্যক্তির লাভ বেশি, সমাজের লাভ কম, সেখানে ট্যাক্স বসাও, অন্তপ্রকার বাধা স্থজন কর, যাতে ব্যক্তির লাভ কমে যায় এবং উৎপাদনও সঙ্গে সঙ্গে কমে । যে রেল লাইন খুলবে, রাস্তা তৈরি করবে, এমন জিনিস উৎপাদন করবে যা সন্তা এবং প্রয়োজনীয় তাকে সাহায্য কর, আর বে নিজের লাভের আশায় অন্তের স্বাস্থ্যহানি এবং অস্তুবিধি ঘটাবে তাকে সর্বপ্রকারে বাধা দাও । অর্গাং ধনিকত্ত্ব বজায় রেখে ঘটটা সমাজতন্ত্রী হওয়া যায় পিগুতে তারই পথ একে দেওয়া আছে । তাঁর লেখা নৃতনতর বই ‘ক্যাপিটালিজম্ ভার্মাস্ সোশ্যালিজম’ এ তাঁর অনুসন্ধানী দৃষ্টি আরো তীক্ষ্ণতর হয়ে এসেছে, কিন্তু বর্তমান সমাজ-গঠনের মূলরূপটির কার্যকারিতার উপরে তাঁর এখনো আস্তা আছে । তাঁর মতে এই সমাজ দিয়েই কাজ চলবে যদি প্রত্যেক পদে সমাজের কল্যাণের উদ্দেশ্যে সরকারী নিয়ন্ত্রণের ব্যবস্থা করা হয় ।

আর একধাপ অগ্রসর হলেই পুরোপুরি সমাজতন্ত্রী হওয়া যায়। পিগু শেষ ধাপের ঠিক আগে থেমে গেছেন, কারণ মানুষ ব্যক্তি হিসাবে স্বার্থাবেষী ছাড়া আর কিছু নয় এ ধারণা তাঁর অচঞ্চল। সমাজতন্ত্রী স্বার্থাবেষণকে একেবারে দূরে ফেলে সমষ্টির কল্যাণকে একমাত্র প্রেরণ। এবং লক্ষ্য বলে গ্রহণ করেন এবং তাঁর এ বিশ্বাস আছে যে সমষ্টির কল্যাণসম্বন্ধী সমাজে ব্যক্তির মনোভাবের পরিবর্তনও কর্মে হবে।

মানুষের স্বতঃপ্রগোদ্ধিত শুভবৃক্ষি এবং প্রকৃতির কল্যাণহস্তের উপরে বিশ্বাস আজ আর কারও নেই বললেই চলে। মার্শাল এবং পিগুর শিষ্য লড় কেইন্স তাঁর প্রামাণিক বট 'জেনারেল থিওরি'তে দেখিয়েছেন যে আধুনিক উৎপাদন ও মূলধন বিনিয়োগ প্রথা যে রকম তাতে উন্নতির সঙ্গে সঙ্গে অনেকের পক্ষে 'অনেক্ষিক কর্মহীনতা' আসতে বাধ্য, এবং যদি না চেষ্টা করে আজকে লোককে কাজ দেওয়ার ব্যবস্থা করা যায় তবে তারই ফলে কালকের সমস্যা শুরুতর হয়ে দাঢ়াবে। গত মহাযুদ্ধের পৰ থেকে ধনবিজ্ঞানের আলোকসম্বন্ধী দিকের প্রভৃতি অগ্রগতি হয়েছে; অন্তদিকে ব্যাবহারিক ধনবিজ্ঞানের আলোচনা এবং বিশেষত 'মন্দি'র সময়ের অর্থনীতি আলোচনা সন্দেহ জাগিয়েছে, প্রশ্ন তুলেছে, বাধা খুজে বার করেছে এবং কোনো কোনো ক্ষেত্রে বাধা অতিক্রম করার পথও দেখিয়েছে। উন্নতির পথে বাধা কোথায় সেটা না জানতে পারলে অতিক্রমের উপায়ও পাওয়া যায় না। আর্থিক উন্নতির জন্ত পঞ্জনার্মিক পরিদ্বন্দ্বনা বা দশবার্ষিক পরিকল্পনা কিংবা সমাজতন্ত্র সব কিছুই প্রকৃতির কল্যাণহস্তের উপরে অবিশ্বাস এবং আধুনিক মানুষের বৃক্ষিজ্ঞাত নিয়ন্ত্রণের উপরে আস্তা থেকে জন্মগ্রহণ করেছে।



## ଧର୍ମବିଜ୍ଞାନ । ଶୁଦ୍ଧିପତ୍ର

ପୃଷ୍ଠା	ପତ୍ର	ଅନୁଷ୍ଠାନିକ ଶବ୍ଦ	ଅନୁଷ୍ଠାନିକ ସଂଖ୍ୟା
୫୮	୧୩	ଅନୁଷ୍ଠାନିକ	୫୯
୬୧	୨୩	କେନେ	୫୯
୬୨	୬	ପୁଣ୍ୟବେ	୫୯
୬୬	୧୦	ଓ ମୂଲୀ	୫୯
୬୭	୧	ମାନ	୫୯ (Man)



## লোকশিক্ষা গ্রন্থমালা

বিশ্বভারতী কর্তৃক প্রকাশিত ও প্রকাশিতব্য লোকশিক্ষা গ্রন্থমালা বিশ্ববিজ্ঞাসংগ্রহের পরিপূরক বিলিয়া বিবেচ্য। লোকশিক্ষা গ্রন্থমালায় প্রকাশিত পুস্তকে বিষয়বস্তুর আলোচনা বিশ্ববিজ্ঞাসংগ্রহ হইতে বিস্তৃততর হইবে।

“শিক্ষণীয় বিষয়মাত্রই বাংলাদেশের সর্বসাধারণের মধ্যে ব্যাপ্ত করে দেওয়া এই অধ্যবসায়ের উদ্দেশ্য। তদন্তুসারে ভাষা সরল এবং যথাসম্ভব পরিভাষাবর্জিত হবে এর প্রতি লক্ষ্য করা হয়েছে, অথচ রচনার মধ্যে বিষয়বস্তুর দৈন্য থাকবে না, সেও আমাদের চিন্তার বিষয়। দুর্গম পথে দুর্ক্ষ পদ্ধতির অঙ্গসরণ করে বহু ব্যয়সাধ্য ও সময়সাধ্য শিক্ষার সুযোগ অধিকাংশ লোকের ভাগ্যে ঘটে না, তাই বিজ্ঞাব আলোক পড়ে দেশের অতি সংকৌর্ণ অংশেই। এমন বিরাট মৃচ্ছার ভার বহন করে দেশ কখনোই মুক্তির পথে অগ্রসর হতে পারে না।”

“বুদ্ধিকে মোহমূক্ত ও সতর্ক করবার জন্য প্রধান প্রয়োজন বিজ্ঞানচর্চার। আমাদের গ্রন্থপ্রকাশকার্যে তার প্রতি বিশেষ দৃষ্টি রাখা হয়েছে।” —লোকশিক্ষা গ্রন্থমালার ভূমিকা, রবীন্দ্রনাথ

১. বিশ্বপরিচয় : রবীন্দ্রনাথ ঠাকুর
২. প্রাচীন ইতিহাস : শ্রীপ্রমথ চৌধুরী
৩. পৃষ্ঠাপরিচয় : শ্রীপ্রমথনাথ সেনগুপ্ত
৪. আহার ও আহাৰ : শ্রীপত্নপতি ডট্টাচার্য
৫. প্রাণতত্ত্ব : শ্রীরথীনাথ ঠাকুর
৬. বাংলাসাহিত্যের কথা : শ্রীনিত্যানন্দ গোৱামী







